



ՀՖՖ ՖՈՒՏԲՈՒԼԻՍՏՆԵՐԻ
ԿԱՐԳԱՎԻՃԱԿԻ ԵՎ
ՏԵՂԱՓՈԽՈՒԹՅԱՆ
ԿԱՆՈՆԱԿԱՐԳ

2022թ. խմբագրություն



ԲՈՎԱՆԴԱԿՈՒԹՅՈՒՆ

Հասկացություններ		7
Գլուխ I.	Ներածական դրույթներ	11
Հոդված 1.	Գործողությունների շրջանակը	11
Գլուխ II.	Ֆուտբոլիստների կարգավիճակը	11
Հոդված 2.	Ֆուտբոլիստների կարգավիճակը	11
Հոդված 3.	Սիրողական կարգավիճակի վերականգնումը	12
Հոդված 4.	Գրանցման պահպանումը գործունեության դադարեցումից հետո	12
Գլուխ III.	Ֆուտբոլիստների գրանցումը	12
Հոդված 5.	Գրանցումը	12
Հոդված 5 ¹ .	Կապակցող տրանսֆեր	13
Հոդված 6.	Գրանցման ժամանակահատվածները	13
Հոդված 7.	Ֆուտբոլիստի անձնագիրը	15
Հոդված 8.	Գրանցման կարգը	15
Հոդված 9.	Միջազգային տրանսֆեր	16
Հոդված 10.	Միջազգային տրանսֆերային սերտիֆիկատ (USU)	16
Հոդված 11.	Ներքին տեղափոխությունը	16
Հոդված 12.	Պրոֆեսիոնալ ֆուտբոլիստների վարձակալությունը	17
Գլուխ IV.	Պայմանագրային կայունության պահպանումը պրոֆեսիոնալ ֆուտբոլիստների և ակումբների միջև	19
Հոդված 13.	Պրոֆեսիոնալ ֆուտբոլիստի և ակումբի հարաբերությունները	19
Հոդված 14.	Պրոֆեսիոնալ ֆուտբոլիստի և ակումբի միջև կնքվող պայմանագրի հատուկ պայմանները	19
Հոդված 14 ¹ .	Երրորդ կողմի ազդեցությունն ակումբի վրա	20
Հոդված 14 ² .	Ֆուտբոլիստների ֆինանսական իրավունքների տնօրինումը երրորդ անձանց կողմից	21
Հոդված 15.	Պայմանագրի գրանցումը	24
Հոդված 16.	Պայմանագրի լուծումը հիմնավոր դրդապատճառներով	24
Հոդված 17.	Պայմանագրի լուծումը մարզական տեսանկյունից հիմնավոր դրդապատճառներով	25
Հոդված 18.	Մրցաշրջանի ընթացքում պայմանագրի լուծման սահմանափակումը	25
Հոդված 19.	Առանց հիմնավոր դրդապատճառի պայմանագրի լուծման հետևանքները	25
Գլուխ V.	Մարզումային փոխհատուցումը և համերաշխության մեխանիզմը	27
Հոդված 20.	Պրոֆեսիոնալ ֆուտբոլիստի մարզումային փոխհատուցումը	27
Հոդված 21.	Սիրողական ֆուտբոլիստի մարզումային փոխհատուցումը	28
Հոդված 22.	Համերաշխության մեխանիզմը	28
Գլուխ VI.	Վեճերի Լուծման Պալատ	28
Հոդված 23.	Վեճերի լուծման կարգը	28
Հոդված 23 ¹ .	ՀՖՖ իրավասությունը	28
Հոդված 24.	Վճարման ենթակա գումարների ժամանակին չվճարելու հետևանքները	29
Գլուխ VII.	Եզրափակիչ դրույթներ	32
Հոդված 25.	Կանոնակարգի ուժի մեջ մտնելը	32



Հոդված 26.	Պատասխանատվությունը՝ կանոնակարգի դրույթները խախտելու համար	32
ՀԱՎԵԼՎԱԾ 1.	Ֆուտբոլիստների ազատ արձակուրդը ՀՀ Ազգային հավաքականներում հանդես գալու համար.....	33
Հոդված 1.	Կանոններ.....	33
Հոդված 1 ¹ .	Կանանց ֆուտբոլի կանոններ	35
Հոդված 1 ² .	Ֆուտզալի կանոններ.....	38
Հոդված 2.	Ֆինանսական դրույթներն ու ապահովագրությունը	40
Հոդված 3.	Ֆուտբոլիստների հրավերը.....	40
Հոդված 4.	Վնասվածք ստացած ֆուտբոլիստները	41
Հոդված 5.	Ֆուտբոլիստների՝ խաղերին մասնակցելու սահմանափակումը.....	41
Հոդված 6.	Կարգապահական պատժամիջոցներ.....	41
ՀԱՎԵԼՎԱԾ 2.	Աշխատանքային պայմանագրի նվազագույն պահանջները	42
Հոդված 1.	Պայմանագիրը և կողմերը	42
Հոդված 2.	Ակումբի պարտականությունները	43
Հոդված 3.	Ֆուտբոլիստի պարտականությունները.....	43
Հոդված 4.	Հարկային պարտավորություններ.....	44
Հոդված 5.	Իմիջային իրավունք	45
Հոդված 6.	Վարձակալություն	45
Հոդված 7.	Հակախթանիչներ.....	45
Հոդված 8.	Պայմանագրի լուծումը.....	45
Հոդված 9.	Կոլեկտիվ պայմանագիր	45
Հոդված 10.	Անձնական տվյալների մշակումը	45
Հոդված 11.	Աշխատանքային պայմանագրի նվազագույն պահանջները չպահպանելու հետևանքները	46
Հոդված 12.	Եզրափակիչ դրույթներ.....	46
ԱՇԽԱՏԱՆՔԱՅԻՆ ՊԱՅՄԱՆԱԳԻՐ	47
ՀԱՎԵԼՎԱԾ 3.	52	
Գլուխ I.	ՏՀՀ-ով իրականացվող միջազգային տրանսֆերը կարգավորող ընթացակարգ..	52
Հոդված 1.	Գործունեության շրջանակ.....	52
Հոդված 2.	Համակարգ	53
Հոդված 3.	Համակարգի օգտատերեր	53
Հոդված 3.1.	Ակումբներ	53
Հոդված 3.2.	Ասոցիացիաներ.....	54
Հոդված 3.3.	ՖԻՖԱ-ի ընդհանուր քարտուղարություն	54
Հոդված 3.4.	Գաղտնապահություն և ՏՀՀ մուտք գործելու իրավունք.....	54
Հոդված 4.	Ակումբների պարտականությունները.....	55
Հոդված 5.	Ասոցիացիաների պարտականությունները	56
Հոդված 5.1.	Հիմնարար տվյալներ.....	57
Հոդված 5.2.	Տրանսֆերների վերաբերյալ տեղեկատվություն	57
Հոդված 5.3.	Մեմբերներ ակումբների ՏՀՀ պատասխանատուների համար.....	58
Հոդված 6.	ՖԻՖԱ-ի ընդհանուր քարտուղարության դերը.....	58
Հոդված 7.	ՖԻՖԱ-ի դերը	59
Հոդված 8.	Ֆուտբոլիստների տրանսֆերը կարգավորող վարչական գործընթաց.....	60
Հոդված 9.	Պատժամիջոցներ	63
Հոդված 9.1.	Ընդհանուր դրույթներ	63



Հոդված 9.2.	Իրավասություն	63
Հոդված 9.3.	Պատժամիջոցներ ասոցիացիաների նկատմամբ	63
Հոդված 9.4.	Պատժամիջոցներ ակումբների նկատմամբ.....	64
Հոդված 10.	Ժամկետներ	64
Գլուխ II.	ՏՀՀ-ից դուրս իրականացվող ֆուտբոլիստների միջազգային տրանսֆերը կարգավորող վարչական գործընթաց.....	64
Հոդված 1.	Կանոններ.....	64
Հոդված 2.	Պրոֆեսիոնալ ֆուտբոլիստին ՖՄՏՍՍ տրամադրելը.....	65
Հոդված 3.	Սիրողական կարգավիճակ ունեցող ֆուտբոլիստներին ՖՄՏՍՍ տրամադրելը....	66
Հոդված 4.	Ֆուտբոլիստների վարձակալություն	66
Գլուխ III.	Անչափահասների առաջին գրանցումն ու տրանսֆերը կարգավորող ընթացակարգը և անչափահաս ֆուտբոլիստների գրանցումը ակադեմիաներում	67
Հոդված 1.	Ընդհանուր դրույթներ	67
Հոդված 2.	Կանոններ.....	68
Հոդված 3.	ՀՖՖ-ի պարտականությունները.....	69
Հոդված 4.	ՖԻՖԱ-ի ենթակումիտե.....	69
Հոդված 5.	Ընթացակարգեր	70
Հոդված 6.	Ընթացակարգի սկիզբը, փաստաթղթերի ներկայացումը	70
Հոդված 7.	Նախկին ասոցիացիայի հաստատումը (դիրքորոշումը).....	71
Հոդված 8.	Փաստաթղթերի լեզուն.....	72
Հոդված 9.	Վերջնաժամկետները	72
Հոդված 10.	Որոշումների ծանուցումը, բողոք ներկայացնելու կարգը	72
Հոդված 11.	Ակադեմիաներում անչափահաս ֆուտբոլիստների գրանցումը	72
Գլուխ IV.	Ներքին տեղափոխությունը կարգավորող ընթացակարգ.....	73
Հոդված 1.	Կանոններ.....	73
ՀԱՎԵԼՎԱԾ 4.	Մարզումային փոխհատուցում	75
Հոդված 1.	Մարզումային փոխհատուցումը.....	75
Հոդված 2.	Միջազգային տրանսֆերի դեպքում պրոֆեսիոնալ ֆուտբոլիստի մարզումային փոխհատուցման վճարումը	75
Հոդված 2 ¹ .	Ներքին տեղափոխության դեպքում պրոֆեսիոնալ ֆուտբոլիստի մարզումային փոխհատուցման վճարումը	75
Հոդված 3.	Ներքին տեղափոխության դեպքում սիրողական ֆուտբոլիստի մարզումային փոխհատուցման վճարումը	77
Հոդված 4.	Մարզումային փոխհատուցում վճարելու պարտավորությունը	78
Հոդված 5.	Մարզումային ծախսեր	79
Հոդված 6.	Մարզումային փոխհատուցման հաշվարկը.....	80
Հոդված 7.	Մարզումային փոխհատուցման (Հոդված 20) և համերաշխության վճարների (Հոդված 22) վերաբերյալ դիմումների ընթացակարգ.....	81
ՀԱՎԵԼՎԱԾ 5.	Համերաշխության մեխանիզմը	87
Հոդված 1.	Համերաշխության բաշխում.....	87
Հոդված 2.	Վճարման ընթացակարգը	88
ՀԱՎԵԼՎԱԾ 6.	ՀՖՖ Ակումբների կարգերը	89
ՀԱՎԵԼՎԱԾ 7.	Ֆուտզալի ֆուտբոլիստների կարգավիճակի և տեղափոխության կանոնները ..	91
Հոդված 1.	Գործողությունների շրջանակը.....	91



Հոդված 2.	Ֆուտզալի ֆուտբոլիստների ազատ արձակումը ՀՀ Ազգային հավաքականներում հանդես գալու համար	91
Հոդված 3.	Գրանցում	91
Հոդված 4.	Ֆուտզալի միջազգային տրանսֆերային սերտիֆիկատ	92
Հոդված 5.	Կարգապահական պատժամիջոցների կիրառումը	92
Հոդված 6.	Պայմանագրի դրույթների կատարումը	93
Հոդված 7.	Անչափահասների պաշտպանությունը	93
Հոդված 8.	Մարզումային փոխհատուցումը	93
Հոդված 9.	Համերաշխության մեխանիզմը	93
Հոդված 10.	ՖԻՖԱ-ի կոմպետենտությունը	93
Հոդված 11.	Սույն հավելվածում չնախատեսված դրույթները	94
ՀԱՎԵԼՎԱԾ 8. Մարզիչների հետ աշխատելու կանոնները		95
Հոդված 1.	Գործունեության շրջանակը	95
Հոդված 2.	Աշխատանքային պայմանագիրը	95
Հոդված 3.	Պայմանագրի դրույթների կատարումը	96
Հոդված 4.	Պայմանագրի լուծումը հիմնավոր դրդապատճառներով	96
Հոդված 5.	Պայմանագրի լուծումը աշխատավարձի չվճարման հիմնավոր դրդապատճառով 96	
Հոդված 6.	Առանց հիմնավոր դրդապատճառի պայմանագիրը լուծելու հետևանքները	97
Հոդված 7.	Ժամկետանց վճարումներ	98
Հոդված 8	Վճարման ենթակա գումարների ժամանակին չվճարելու հետևանքները	98



<p>Ուժի մեջ է՝ 11.07.2022թ.-ից</p>	<p>Հաստատված է ՀՖՖ Գործադիր Կոմիտեի կողմից 11.07.2022թ.-ին</p>
------------------------------------	--



Հասկացություններ

Սույն Կանոնակարգում օգտագործվող հիմնական հասկացությունները.

1. **Կանոնակարգ** – Սույն կանոնակարգը:
2. **Ասոցիացիա** - Տվյալ երկրի՝ ՖԻՖԱ-ին անդամագրված ֆուտբոլային ղեկավար կառույց:
3. **Նախկին Ասոցիացիա** - Ասոցիացիա, որին պատկանել է նախկին ակումբը:
4. **Նոր Ասոցիացիա** – Ասոցիացիա, որին անդամագրվել է նոր ակումբը:
5. **Ակումբ** - Իրավաբանական անձ՝ անկախ կազմակերպարարական ձևից, կամ կազմակերպություն, որը թիմ (թիմեր) է ներկայացնում ՀՖՖ-ի հովանու ներքո անցկացվող մրցումներին, ներդրումներ է կատարում ֆուտբոլիստների մարզման և ուսուցման ոլորտներում:
6. **Նախկին Ակումբ** - Ակումբը, որից հեռացել է ֆուտբոլիստը:
7. **Նոր Ակումբ** - Ակումբը, որին անդամագրվել է ֆուտբոլիստը:
8. **Կազմակերպված ֆուտբոլ** – ՖԻՖԱ-ի, ՈՒԵՖԱ-ի կամ ՀՖՖ-ի հովանու ներքո կազմակերպված կամ նրանց կողմից վավերացված մրցումներ:
9. **Պաշտոնական խաղեր** – Կազմակերպված ֆուտբոլի շրջանակներում անցկացվող խաղեր, ինչպիսիք են ազգային առաջնությունների, գավաթի խաղարկությունների, ակումբային միջազգային մրցաշարերի խաղերը, բայց ոչ ընկերական և ստուգողական հանդիպումները:
10. **Կազմակերպված ֆուտբոլ** – ասոցիացիայի կողմից կազմակերպվող ֆուտբոլ, որն անցկացվում է ՖԻՖԱ-ի, կոնֆեդերացիաների հովանու ներքո և տվյալ ասոցիացիայի լիազորությամբ
11. **Պաշտպանված ժամանակահատված** - Մինչև 28 տարեկան պրոֆեսիոնալ ֆուտբոլիստի հետ կնքած պայմանագիրն ուժի մեջ մտնելուց հետո երեք տարվա կամ երեք ամբողջական մրցաշրջանների ժամանակահատվածն է: Եթե պրոֆեսիոնալ ֆուտբոլիստը պայմանագիրը կնքել է 28 տարին լրանալուց հետո, ապա պաշտպանված ժամանակահատվածը պայմանագիրն ուժի մեջ մտնելուց հետո երկու տարվա կամ երկու ամբողջական մրցաշրջանների ժամանակահատվածն է:
12. **Գրանցման ժամանակահատված** – Սույն Կանոնակարգի Հոդված 6-ի համաձայն՝ ՀՖՖ-ի կողմից ֆիքսված ժամանակահատված, որի ընթացքում թույլատրված է ֆուտբոլիստի գրանցումն ու տեղափոխությունը մեկ ակումբից մյուս ակումբ՝ ապագա կամ ընթացիկ մրցումներին մասնակցելու համար:
13. **Մրցաշրջան** – 12 ամիս տևողությամբ ժամանակահատված, որն սկսվում է ասոցիացիայի կողմից Հոդված 6-ի համաձայն սահմանված առաջին գրանցման ժամանակահատվածի առաջին օրվանից:
14. **Մարզումային փոխհատուցում** – Ֆուտբոլիստների մարզումն ու զարգացումն ապահովելու նպատակով ակումբի կողմից կատարված ուղղակի ներդրումների փոխհատուցում:
15. **Միջազգային տրանսֆեր** - Ֆուտբոլիստների տեղափոխությունը որևէ ասոցիացիայի ակումբից մեկ ուրիշ ասոցիացիայի ակումբ:
16. **Ներքին տեղափոխություն** - Ֆուտբոլիստների տեղափոխությունը ՀՖՖ-ի որևէ ակումբից մեկ այլ ակումբ:



- 17. **Պրոֆեսիոնալ ֆուտբոլիստ** – Սույն կանոնակարգի իմաստով պրոֆեսիոնալ կարգավիճակ ունեցող ֆուտբոլիստ:
- 18. **Սիրողական ֆուտբոլիստ** - Սիրողական կարգավիճակ ունեցող ֆուտբոլիստ:
- 19. **Անչափահաս ֆուտբոլիստ** - 18 տարին չլրացած ֆուտբոլիստ:
- 20. **Սկսնակ ֆուտբոլիստ** - ՀՖՖ-ում չգրանցված և համապատասխան ֆուտբոլիստի անձնագիր չստացած ֆուտբոլիստ:
- 21. **Ֆուտբոլիստի անուն** – ֆուտբոլիստի անունը, հայրանունը և ազգանունը:
- 22. **Մեծ ֆուտբոլ** - Ֆուտբոլ մարզաձև, որը խաղում են համաձայն Ֆուտբոլի խաղի կանոնների՝ հաստատված Միջազգային ֆուտբոլային ասոցիացիաների խորհրդի կողմից:
- 23. **Ֆուտզալ** - Ֆուտբոլ մարզաձև, որը խաղում են համաձայն Ֆուտզալի խաղի կանոնների՝ թողարկված ՖԻՖԱ-ի և Միջազգային ֆուտբոլային ասոցիացիաների խորհրդի ենթակումիտեի համատեղ գործակցությամբ:
- 24. **Ֆուտբոլիստի անձնագիր** – ՀՖՖ-ի կողմից ֆուտբոլիստին տրամադրված անձնագիր, որը պարունակում է ֆուտբոլիստի գրանցման ամբողջ պատմությունը:
- 25. **Ֆուտբոլային ակադեմիա** - Կազմակերպություն, որի գլխավոր և երկարաժամկետ նպատակն է ապահովել ֆուտբոլիստների շարունակական մարզումն անհրաժեշտ մարզումային միջոցների և ենթակառուցվածքների միջոցով: Այն հիմնականում ներառում է (բայց չի սահմանափակվում) ֆուտբոլի մարզումային կենտրոնները, ֆուտբոլի մասնագիտացված ճամբարները, ֆուտբոլի դպրոցները և այլն:
- 26. **Տրանսֆերների համադրման համակարգ (SZZ)** - Տրանսֆերների վերաբերյալ տեղեկատվություն պարունակող էլեկտրոնային համակարգ, որի միջոցով կատարվում են միջազգային տրանսֆերները: SZZ գլխավոր նպատակն է պարզեցնել ֆուտբոլիստների միջազգային տրանսֆերային գործընթացը, ինչպես նաև ապահովել տեղեկատվության թափանցիկությունն ու հոսքը:
- 27. **Միջազգային պատուհան** - Ազգային հավաքականների խաղերի կամ այլ միջոցառումների համար նախատեսված իննօրյա ժամանակահատված, որը սկսում է երկուշաբթի առավոտյան և ավարտվում հաջորդ շաբաթվա երեքշաբթի օրը:
- 28. **Երրորդ կողմ**- ֆուտբոլիստից, ֆուտբոլիստի տեղափոխությունն իրականացնող երկու ակումբներից կամ ֆուտբոլիստի որևէ նախկին ակումբից (որտեղ գրանցված է եղել ֆուտբոլիստը) գատ տեղափոխության գործընթացում հանդես եկող մեկ այլ երրորդ կողմ:
- 29. **Գրանցում** – գրավոր և/կամ էլեկտրոնային եղանակով ֆուտբոլիստի տվյալներն արձանագրելու փաստը, որն իր մեջ ներառում է յուրաքանչյուր ֆուտբոլիստի մասին հետևյալ տեղեկատվությունը.
 - գրանցման ամսաթիվը (օր/ամիս/տարի ձևաչափով),
 - ֆուտբոլիստի անունը,
 - ծննդյան տարեթիվը, սեռը, քաղաքացիությունը և կարգավիճակը՝ սիրողական կամ պրոֆեսիոնալ (համաձայն սույն կանոնակարգի Հոդված 2-ի 2-րդ կետի),
 - ֆուտբոլի տեսակը, որով ֆուտբոլիստը գրառվելու է (մեծ ֆուտբոլ, ֆուտզալ, լողափնյա ֆուտբոլ),
 - ասոցիացիայի ակումբի անվանումը (ներառյալ ակումբի ՖԻՖԱ կոդը (FIFA ID-ն)), որտեղ ֆուտբոլիստը գրանցվում է,
 - ակումբի մարզումային կարգը գրանցման պահին,



- ֆուտբոլիստի ՖԻՖԱ կոդը (FIFA ID-ն),
- ասոցիացիայի ՖԻՖԱ կոդը (FIFA ID-ն):

- 30. Ֆուտբոլիստների գրանցման էլեկտրոնային համակարգ** – առցանց էլեկտրոնային տեղեկատվական համակարգ, որի միջոցով կատարվում է բոլոր ֆուտբոլիստների գրանցումը ՀՖՖ-ում: Ֆուտբոլիստների գրանցման էլեկտրոնային համակարգը պետք է կապված լինի “FIFA Connect” համակարգին ավտոմատացված ծրագրային ինտերֆեյսի միջոցով (API)՝ էլեկտրոնային տարբերակով տեղեկատվության փոխանակման նպատակով: “FIFA Connect” համակարգի ավտոմատացված ծրագրային ինտերֆեյսի միջոցով (API) ֆուտբոլիստների գրանցման էլեկտրոնային համակարգը տրամադրում է բոլոր ֆուտբոլիստների գրանցման ամբողջական տեղեկատվությունը՝ սկսած վերջիններիս 12 տարին լրանալուց և, մասնավորապես, յուրաքանչյուր ֆուտբոլիստի տրամադրում է ՖԻՖԱ կոդ (FIFA ID)՝ “FIFA Connect ID” ծառայության միջոցով:
- 31. “FIFA Connect ID” ծառայություն** – ՖԻՖԱ-ի կողմից մատուցվող ծառայություն, որը միջազգայնորեն վավեր անհատական ՖԻՖԱ կոդ է տրամադրում անհատներին, կազմակերպություններին և ենթակառուցվածքներին, մինչև անդամի կրկնակի գրանցման դեպքում տրամադրում է կրկնօրինակ տեղեկատվություն և պահպանում է բոլոր կոդերի ընթացիկ գրանցումների արձանագրությունը՝ իրենց համապատասխան ՖԻՖԱ կոդով:
- 32. ՖԻՖԱ կոդ (FIFA ID)** – “FIFA Connect ID” ծառայության կողմից յուրաքանչյուր ակումբին, ասոցիացիային, ֆուտբոլիստին տրվող միջազգայնորեն վավեր անհատական կոդ (հերթական համար):
- 33. Ներքին տեղափոխությունների էլեկտրոնային համակարգ** – առցանց էլեկտրոնային տեղեկատվական համակարգ, որի միջոցով կատարվում և վերահսկվում են ՀՖՖ-ի բոլոր ներքին տեղափոխությունները միջազգային մակարդակով գործարկված Տրանսֆերների համադրման համակարգի (SZZ) օրինակով և սկզբունքներով (տե՛ս Հավելված 3): Համակարգը պետք է առնվազն ներառի ֆուտբոլիստի անունը, սեռը, քաղաքացիությունը, ծննդյան ամսաթիվը և ՖԻՖԱ կոդը, ֆուտբոլիստի կարգավիճակը (սիրողական կամ պրոֆեսիոնալ՝ համաձայն սույն կանոնակարգի Գլուխ II-ի Հոդված 2-ի առաջին կետի), ներգրավված 2 ակումբների անուններն ու ՖԻՖԱ կոդերը, ինչպես նաև ակումբների միջև տեղի ունեցած ցանկացած վճարում (եթե առկա է): Ներքին տեղափոխությունների էլեկտրոնային համակարգը պետք է ինտեգրվի ՀՖՖ-ի Ֆուտբոլիստների գրանցման էլեկտրոնային համակարգին և “FIFA Connect” համակարգի ավտոմատացված ծրագրային ինտերֆեյսին (API)՝ էլեկտրոնային տարբերակով տեղեկատվության փոխանակման նպատակով:
- 34. Կապակցող տրանսֆեր** - Մինչև ֆուտբոլիստի երկու հաջորդական տեղափոխություն (թե՛ միջազգային, թե՛ ներքին), որոնք միմյանց փոխկապակցված են և իրենց մեջ ներառում են ֆուտբոլիստի գրանցում միջնորդ ակումբում՝ համապատասխան կանոնակարգի կամ օրենքների կիրառումը շրջանցելու և/կամ մեկ այլ անձին կամ կազմակերպությանը մուրթեցնելու նպատակով:
- 35. Բացառապես սիրողական ակումբ** - Ակումբ, որն իրավական, ֆինանսական կամ դե ֆակտո առնչություն/ կապ չունի պրոֆեսիոնալ ակումբի հետ և որը՝
- իրավասու է գրանցել միայն սիրողական ֆուտբոլիստներ, կամ
 - չունի գրանցված պրոֆեսիոնալ ֆուտբոլիստներ, կամ



- չի գրանցել որևէ պրոֆեսիոնալ ֆուտբոլիստ 3 տարի անընդմեջ՝ սկսած կոնկրետ ամսաթվից:
- 36. “FIFA Connect” ինտերֆեյս** - “FIFA Connect” ծրագրի շրջանակներում ՖԻՖԱ-ի կողմից մշակված տեխնիկական ինտերֆեյս, որն օգտագործվում է անդամ ասոցիացիաների և ՖԻՖԱ-ի ու անդամ ասոցիացիաների միջև կողավորված հաղորդագրություններ փոխանակելու համար:
 - 37. Մարզումային վճար** - երիտասարդ ֆուտբոլիստների մարզման և կրթման գործում ներդրում ունեցած մարզող ակումբներին փոխհատուցելու նպատակով մշակված մեխանիզմ, այն է՝ մարզումային փոխհատուցում (Հոդված 20) և համերաշխության վճար (Հոդված 22):
 - 38. Մարզիչ** - պրոֆեսիոնալ ակումբի կամ ՀՖՖ-ի կողմից աշխատանքի ընդունված կամ վերջիններիս ծառայություն մատուցող անձ, ով զբաղվում է ֆուտբոլային գործունեությամբ: Մարզչի աշխատանքային պարտականությունները ներառում են հաջորդիվ նշվածներից առնվազն մեկը՝ ֆուտբոլիստներին մարզելը, խաղերի և մրցաշարերի համար ֆուտբոլիստներ ընտրելը, խաղերի և մրցաշարերի ժամանակ տակտիկական փոփոխություններ կատարելը: Մարզչի աշխատանքային գործունեությունը պահանջում է համապատասխան մարզչական արտոնագրի առկայություն՝ համաձայն ՀՖՖ Ակումբների արտոնագրման կանոնակարգերի:
 - 39. Պրոֆեսիոնալ ակումբ** - Ակումբ, որը չի հանդիսանում բացառապես սիրողական ակումբ:
 - 40. Մինչև 3 տարեկան երեխայի ինսամբի համար նախատեսված արձակուրդ** - վճարովի արձակուրդ, որը տրվում է իգական սեռի ֆուտբոլիստներին հղիության համար՝ ՀՀ աշխատանքային օրենսգրքով սահմանված կարգով:
 - 41. Ակումբում մարզված ֆուտբոլիստ** - ֆուտբոլիստ, ով իր 15 տարեկանից (կամ այն մրցաշրջանի սկիզբը, որի ընթացքում լրանում է նրա 15 տարեկանը) մինչև 21 տարեկանն ընկած ժամանակահատվածում (կամ այն մրցաշրջանի ավարտը, որի ընթացքում լրանում է նրա 21 տարեկանը), և անկախ ազգությունից և տարիքից, գրանցված է իր ներկայիս ակումբում երեք ամբողջական մրցաշրջան՝ 36 ամիս տևողությամբ (անընդմեջ կամ ոչ):

Ծանոթագրություն: Անձանց վերաբերող հասկացությունները վերաբերում են երկու սեռերին:

Յուրաքանչյուր եզակի հասկացությունը կիրառվում է նաև հոգնակի տարբերակով և հակառակը:



Գլուխ I. Ներածական դրույթներ

Հոդված 1. Գործողությունների շրջանակը

1. Սույն կանոնակարգով կարգավորվում են՝
 - ֆուտբոլիստի կարգավիճակը,
 - ֆուտբոլիստի՝ կազմակերպված ֆուտբոլին մասնակցելու կանոնները,
 - ֆուտբոլիստի՝ ակումբից ակումբ տեղափոխության կանոնները ՀՖՖ շրջանակներում,
 - ֆուտբոլիստի՝ ակումբից ակումբ միջազգային տեղափոխության կանոնները՝ հիմնվելով ՖԻՖԱ-ի Ֆուտբոլիստների կարգավիճակի և տեղափոխության համանման կանոնակարգի դրույթների վրա,
 - ֆուտբոլիստի (ֆուտբոլիստին ներկայացնող անձանց) և ակումբների միջև ծագած վեճերը,
 - ակումբների կողմից ֆուտբոլիստի ազատ արձակումն ազգային հավաքական թիմերում հանդես գալու համար (Հավելված 1):
2. Սույն կանոնակարգը նախատեսում է նաև երիտասարդ ֆուտբոլիստների մարզումների և ուսուցման ոլորտներում ներդրումներ կատարող ՀՖՖ անդամ հանդիսացող կամ ՀՖՖ-ի հետ պայմանագրային հարաբերություններ ունեցող ակումբների խրախուսման համակարգ:
3. Ներքին տեղափոխությունների էլեկտրոնային համակարգի կիրառումը պարտադիր է մեծ ֆուտբոլում ներգրավված պրոֆեսիոնալ և սիրողական կարգավիճակ ունեցող ֆուտբոլիստների (թե՛ արական, և թե՛ իգական սեռի) բոլոր ներքին տեղափոխությունների համար: Ներքին տեղափոխությունը՝ տրանսֆերը, մուտքագրվում է ներքին տեղափոխությունների էլեկտրոնային համակարգ, երբ ֆուտբոլիստը գրանցվում է ՀՖՖ անդամ հանդիսացող կամ ՀՖՖ-ի հետ պայմանագրային հարաբերություններ ունեցող նոր ակումբում: Եթե ֆուտբոլիստի՝ նոր ակումբում գրանցումը կատարվում է առանց էլեկտրոնային համակարգի կիրառման, ապա տվյալ գրանցումը համարվում է անվավեր:

Գլուխ II. Ֆուտբոլիստների կարգավիճակը

Հոդված 2. Ֆուտբոլիստների կարգավիճակը

1. Կազմակերպված ֆուտբոլին մասնակցող ֆուտբոլիստները կարող են ունենալ սիրողական կամ պրոֆեսիոնալ կարգավիճակ:
2. Պրոֆեսիոնալ ֆուտբոլիստն այն ֆուտբոլիստն է, ով ՀՀ օրենսդրությամբ սահմանված կարգով ունի կնքված պայմանագիր որևէ ակումբի հետ և վարձատրվում է ավելին, քան իր ֆուտբոլային գործունեության կապակցությամբ առաջացող փաստացի



ծախսերն են: Մյուս բոլոր ֆուտբոլիստները համարվում են սիրողական կարգավիճակ ունեցող (ոչ պրոֆեսիոնալ):

Հոդված 3. Սիրողական կարգավիճակի վերականգնումը

1. Պրոֆեսիոնալ ֆուտբոլիստը կարող է վերագրանցվել որպես սիրողական՝ անցկացրած վերջին պաշտոնական խաղից առնվազն 30 օր հետո:
2. Ֆուտբոլիստի սիրողական կարգավիճակի վերականգնման դեպքում որևէ փոխհատուցում չի նախատեսվում: Եթե ֆուտբոլիստի սիրողական կարգավիճակը վերականգնելուց հետո 30 ամսվա ընթացքում նա վերագրանցվում է որպես պրոֆեսիոնալ, ապա նոր ակումբը պետք է վճարի մարզումային փոխհատուցում՝ սույն կանոնակարգի Հոդված 20-ի և 21-ի, ինչպես նաև Հավելված 4-ի և 7-ի համաձայն:

Հոդված 4. Գրանցման պահպանումը գործունեության դադարեցումից հետո

1. Պրոֆեսիոնալ կամ սիրողական կարգավիճակ ունեցող ֆուտբոլիստները, ովքեր դադարեցնում են իրենց գործունեությունը, մնում են գրանցված ՀՖՖ-ում 30 ամսվա ընթացքում:
2. Սույն հոդվածի 1-ին կետով սահմանված ժամանակահատվածը սկսվում է այն օրվանից, երբ ֆուտբոլիստն ակումբի թիմի կազմում վերջին անգամ մասնակցում է պաշտոնական խաղին:

Գլուխ III. Ֆուտբոլիստների գրանցումը

Հոդված 5. Գրանցումը

1. Ֆուտբոլիստը ակումբի կողմից գրանցվում է ՀՖՖ-ում՝ պրոֆեսիոնալ, կամ սիրողական կարգավիճակով՝ համաձայն Հոդված 2-ի դրույթների: Առաջին անգամ գրանցվող յուրաքանչյուր ֆուտբոլիստի ՀՖՖ-ում առկա ֆուտբոլիստների գրանցման էլեկտրոնային համակարգի կողմից տրվում է ՖԻՖԱ կոդ (FIFA ID): Կազմակերպված ֆուտբոլին մասնակցելու իրավունք ունի միայն էլեկտրոնային տարբերակով գրանցված և ՖԻՖԱ կոդ (FIFA ID) ունեցող ֆուտբոլիստը: Գրանցված ֆուտբոլիստը պարտավոր է ենթարկվել ՖԻՖԱ-ի, ՈԻԵՖԱ-ի, ՀՖՖ-ի կանոնադրությունների և կանոնակարգերի պահանջներին:
2. Ֆուտբոլիստը կարող է գրանցվել ակումբում՝ միայն կազմակերպված ֆուտբոլին մասնակցելու նպատակով: Ի բացառություն սույն կանոնի՝ ֆուտբոլիստը կարող է հարկադրված գրանցվել ակումբում՝ զուտ տեխնիկական պատճառներից ելնելով, այն է՝ ապահովելու հաջորդական անհատական գործարքների թափանցիկությունը (տե՛ս Հավելված 3):
3. Նույն ֆուտբոլիստը միևնույն ժամանակահատվածում կարող է գրանցված լինել միայն մեկ ակումբում:
4. Ֆուտբոլիստը մեկ մրցաշրջանի ընթացքում կարող է գրանցված լինել առավելագույնը երեք ակումբներում: Այդ դեպքում ֆուտբոլիստն իրավունք ունի մասնակցելու ակումբներից միայն երկուսի պաշտոնական խաղերին: Ի բացառություն սույն կանոնի՝



Ֆուտբոլիստը «մասամբ համընկնող մրցաշրջաններ» (այսինքն՝ երբ մրցաշրջանը սկսվում է ոչ թե ձմռանը/գարնանը, այլ՝ ամռանը/աշնանը) ունեցող ասոցիացիաների մի ակումբից մյուսը տեղափոխվելիս իրավունք ունի տվյալ մրցաշրջանի ընթացքում հանդես գալու երրորդ ակումբի պաշտոնական խաղերին, եթե ամբողջությամբ կատարել է իր պայմանագրային պարտավորությունները նախկին ակումբների նկատմամբ: Մինևույն ժամանակ, գրանցման ժամանակահատվածներին (տե՛ս Հոդված 6), ինչպես նաև պայմանագրի կնքման նվազագույն ժամկետին (տե՛ս Հոդված 14, կետ 2) վերաբերող դրույթները ևս պետք է հարգվեն և կատարվեն:

5. Բոլոր դեպքերում պատշաճ ուշադրություն պետք է դարձվի մրցաշարի սպորտային միասնությանը: Մասնավորապես, ելնելով կոնկրետ անդամ ասոցիացիաների ներքին մրցաշարերի համապատասխան կանոնակարգերից, պաշտոնական խաղերի ժամանակ ֆուտբոլիստը չի կարող հանդես գալ ավելի քան երկու այնպիսի ակումբների անունից, որոնք մինևույն մրցաշրջանի ժամանակ հանդես են գալիս նույն ազգային առաջնությունում կամ գավաթի մրցաշարում:
6. Անօրինական է համարվում ցանկացած ֆուտբոլիստի՝ ակումբի կազմում պաշտոնական խաղին մասնակցելը, եթե նա գրանցված չէ ՀՖՖ-ում: Չսահմանափակվելով միջոցներով, որոնք անհրաժեշտ են հանդիպմանը ֆուտբոլիստի անօրինական մասնակցության հետևանքով առաջացած բացասական հետևանքները վերացնելու համար՝ ՀՖՖ-ն կարող է նաև կիրառել պատժամիջոցներ ֆուտբոլիստի և/կամ ակումբի նկատմամբ:

Հոդված 5'. Կապակցող տրանսֆեր

1. Որևէ ակումբ կամ ֆուտբոլիստ իրավունք չունի ներգրավվելու կապակցող տրանսֆերի մեջ:
2. Եթե մինևույն ֆուտբոլիստի երկու հաջորդական տեղափոխությունները (թե՛ միջազգային և թե՛ ներքին) տեղի են ունենում 16 շաբաթվա ընթացքում, ապա նշված երկու տեղափոխություններում ներգրավված կողմերը (ակումբներն ու ֆուտբոլիստը) համարվում են կապակցող տրանսֆերի մասնակիցներ:
3. ՖԻՖԱ-ի Կարգապահական կոմիտեն, համաձայն ՖԻՖԱ-ի Կարգապահական օրենսգրքի, պատժամիջոցներ կկիրառի ՖԻՖԱ-ի Կանոնադրության և կանոնակարգերի ցանկացած սուբյեկտի նկատմամբ, որոնք ներգրավված կլինեն կապակցող տրանսֆերների մեջ:

Հոդված 6. Գրանցման ժամանակահատվածները

1. Ֆուտբոլիստները կարող են գրանցվել ՀՖՖ-ի կողմից սահմանված գրանցման ժամանակահատվածներից յուրաքանչյուրի ընթացքում: Ի բացառություն սույն կանոնի՝ պրոֆեսիոնալ ֆուտբոլիստը, ում պայմանագիրը սպառվել է կամ լուծվել երկկողմանի համաձայնությամբ նախքան գրանցման ժամանակահատվածի ավարտը, կարող է գրանցվել տվյալ գրանցման ժամանակահատվածից դուրս: ՀՖՖ-ն իրավունք ունի գրանցելու նման ֆուտբոլիստների՝ պատշաճ ուշադրություն դարձնելով տվյալ մրցաշարի սպորտային միասնությանը: Եթե պայմանագիրը դադարեցվել է հիմնավոր դրդապատճառով, ապա ՀՖՖ և/կամ ՖԻՖԱ-ն կարող է ձեռնարկել նախնական միջոցառումներ չարաշահումից խուսափելու համար:



ա) Ի բացառություն սույն Հոդվածի 2-րդ դրույթի՝ ՀՖՖ-ն կարող է գրանցել իգական սեռի ֆուտբոլիստների գրանցման ժամանակահատվածից դուրս՝ ժամանակավրոապես փոխարինելով մինչև 3 տարեկան երեխայի խնամքի համար տրամադրվող արձակուրդում գտնվող ֆուտբոլիստուհուն: Եթե այլ կերպ փոխհամաձայնեցված չէ, ապա իգական սեռի ֆուտբոլիստի ժամանակավոր փոխարինման պայմանագրի տևողությունը պետք է սահմանվի՝ սկսած գրանցման օրվանից մինչև իգական սեռի ֆուտբոլիստի՝ վերոնշյալ արձակուրդից վերադարձին հաջորդող գրանցման ժամանակահատվածի մեկնարկի նախորդ օրը:

բ) Իգական սեռի ֆուտբոլիստը կարող է գրանցվել գրանցման ժամանակահատվածից դուրս՝ վերջինիս՝ մինչև 3 տարեկան երեխայի խնամքի համար նախատեսված արձակուրդի ավարտվելուն պես:

գ) ՀՖՖ-ն պետք է համապատասխանեցնի իր ներքին կանոնները ՖԻՖԱ-ի պահանջներին՝ առաջնահերթությունն, այնուամենայնիվ, տալով այն հանգամանքին, որ իգական սեռի ֆուտբոլիստը իրավասու լինի մասնակցել ազգային առաջնություններին, ինչպես նաև տվյալ առաջնության սպորտային միասնությանը:

դ) Որպես սույն Հոդվածի 2-րդ կետի ժամանակավոր բացառություն՝ պրոֆեսիոնալ ֆուտբոլիստը, ում պայմանագիրն սպառվել կամ երկկողմանի համաձայնությամբ լուծվել է COVID-19-ի պատճառով, կարող է գրանցվել տվյալ գրանցման ժամանակահատվածից դուրս՝ անկախ պայմանագրի սպառման կամ լուծման ամսաթվից:

2. Պրոֆեսիոնալ ֆուտբոլիստների գրանցման համար 2022/2023թթ. մրցաշրջանի համար սահմանվում են հունիսի 24-ից սեպտեմբերի 15-ը և փետրվարի 1-28-ը., իսկ 2023/2024թթ. մրցաշրջանի համար՝ հունիսի 21-ից սեպտեմբերի 12-ը և փետրվարի 1-ից 28-ը:

Գրանցման առաջին ժամանակահատվածը պետք է սկսվի մրցաշրջանի մեկնարկի առաջին օրը: Այն չպետք է գերազանցի 12 շաբաթը: Երկրորդ գրանցման ժամանակահատվածը պետք է սկսվի ընթացիկ մրցաշրջանի կեսերին՝ չգերազանցելով 4 շաբաթը: Գրանցման ժամանակահատվածները պետք է մուտքագրվեն ՏՀՀ ուժի մեջ մտնելուց առնվազն 12 ամիս առաջ: Բոլոր տրանսֆերները՝ թե՛ ներքին, թե՛ միջազգային, պետք է իրականացվեն նշված գրանցման ժամանակահատվածների ընթացքում՝ հաշվի առնելով նաև Հոդված 6-ի բացառությունները: Եթե ասոցիացիան ժամանակին ՖԻՖԱ-ին չի հաղորդում իր գրանցման ժամանակահատվածները, ապա ՖԻՖԱ-ն ինքն է որոշում դրանք:

3. Ֆուտբոլիստները կարող են գրանցվել միայն այն դեպքում, երբ ակումբը ֆուտբոլիստների գրանցման էլեկտրոնային համակարգի միջոցով (այդ թվում նաև ՏՀՀ) պատշաճ դիմում (հարցում) է ներկայացրել ՀՖՖ-ին գրանցման ժամանակահատվածի ընթացքում՝ հաշվի առնելով նաև սույն Հոդվածի 2-րդ կետով սահմանված բացառությունը:



4. Միրոդական կարգավիճակ ունեցող ֆուտբոլիստների գրանցման համար սահմանվում են հետևյալ ժամանակահատվածները՝ հուլիսի 23-ից նոյեմբերի 10-ը և փետրվարի 20-ից ապրիլի 20-ը: Միրոդական կարգավիճակ ունեցող ֆուտբոլիստի՝ 4-րդ կարգի ակումբից առանց կարգավիճակը փոխելու ավելի բարձր կարգի ակումբ տեղափոխության դեպքում, նրա վերագրանցումը նոր ակումբում թույլատրվում է նախկին ակումբում գրանցված օրվանից վեց ամիս հետո:
5. Միրոդական կարգավիճակ ունեցող *իզական սեռի* ֆուտբոլիստների գրանցման համար սահմանվում են հետևյալ ժամանակահատվածները՝ հուլիսի 1-ից հոկտեմբերի 1-ը և հունվարի 15-ից փետրվարի 28-ը:

Հոդված 7. Ֆուտբոլիստի անձնագիրը

1. 12 տարին լրացած յուրաքանչյուր ֆուտբոլիստ պետք է ունենա ֆուտբոլիստի անձնագիր, որում նշվում են այն ակումբները, որտեղ նա գրանցված է եղել որպես ֆուտբոլիստ՝ սկսած վերջինիս 12 տարեկանը լրանալու օրացուցային տարվանից: Եթե ֆուտբոլիստի ծննդյան օրը համընկնում է մրցաշրջանների միջև ընկած ժամանակահատվածի հետ, ապա ֆուտբոլիստի անձնագրում նշվում է այն ակումբը, որտեղ նա գրանցված է եղել իր ծննդյան օրվան հաջորդող մրցաշրջանում:
2. Ակումբը սկսնակ ֆուտբոլիստին պարտավոր է գրանցել ՀՖՖ-ում և ստանալ համապատասխան ֆուտբոլիստի անձնագիր:
3. ՀՖՖ-ն վարում է ֆուտբոլիստի էլեկտրոնային անձնագիրը, իսկ ֆուտբոլիստի անձնագրի բնօրինակը պահվում է ֆուտբոլիստին գրանցող ակումբում: Ֆուտբոլիստի 15 տարին լրանալուն պես, ինչպես նաև ֆուտբոլիստին առաջին անգամ որպես պրոֆեսիոնալ գրանցելիս՝ ֆուտբոլիստի անձնագիրը ենթակա է փոփոխման:
4. Միջազգային տրանսֆերի դեպքում ֆուտբոլիստի անձնագրի ստացումը (ուղարկումը) ապահովում է ՀՖՖ-ն:
5. Ֆուտբոլիստի յուրաքանչյուր տեղափոխության ժամանակ ֆուտբոլիստի անձնագիրը փոխանցվում է նախկին ակումբից նոր ակումբին: Ակումբը պատասխանատու է անձնագրի պահպանման համար: Անձնագրի կորստի դեպքում ՀՖՖ-ն տրամադրում է ֆուտբոլիստի անձնագրի կրկնօրինակ՝ ակումբի կողմից համապատասխան տուգանքը վճարելուց հետո:
6. Եթե սույն կանոնակարգով սահմանված դեպքերում նախկին ակումբը հրաժարվում է ֆուտբոլիստին տրամադրել կամ նոր ակումբին փոխանցել ֆուտբոլիստի անձնագիրը, ապա ՀՖՖ-ն կարող է նոր ակումբին տրամադրել ֆուտբոլիստի անձնագրի կրկնօրինակը:

Հոդված 8. Գրանցման կարգը

1. ՀՖՖ-ում ֆուտբոլիստների գրանցումն իրականացվում է Ֆուտբոլի կառավարման համակարգի (FMS) միջոցով: Ակումբը համակարգ է մուտք անում հետևյալ փաստաթղթերը.
 -
 - ֆուտբոլիստի անձը հաստատող փաստաթուղթը
 - գունավոր լուսանկար (3x4),



- պայմանագրի բնօրինակը (ներկայացվում է պրոֆեսիոնալ ֆուտբոլիստ գրանցելու դեպքում):
- 2. 16 տարին չլրացած ֆուտբոլիստների համար անձը հաստատող փաստաթղթի (ՀՀ քաղաքացու անձնագիր) բացակայության դեպքում ներկայացվում են ծննդյան վկայական (ՀՀ քաղաքացու ծննդյան վկայական) և ուսումնական հաստատության տնօրենի կողմից ստորագրված և կնքված (կնիքը պետք է մասամբ ընդգրկի աշակերտի լուսանկարը) տեղեկանք, որում պետք է առկա լինեն.
 - աշակերտի լուսանկարը (գունավոր),
 - ազգանունը, անունը, հայրանունը
 - ծննդյան օր, ամիս, տարի,
 - դպրոցի անվանում,
 - տեղեկանքի տրման ամսաթիվ:

Հոդված 9. Միջազգային տրանսֆեր

Միջազգային տրանսֆերի դեպքում ֆուտբոլիստները գրանցվում են ՀՖՖ-ում՝ ՖԻՖԱ-ի Ֆուտբոլիստների կարգավիճակի և տեղափոխության կանոնակարգի և սույն կանոնակարգի դրույթներին համապատասխան:

Հոդված 10. Միջազգային տրանսֆերային սերտիֆիկատ (USU)

1. Ֆուտբոլիստը, ով գրանցված է ՀՖՖ-ում, իրավունք չունի գրանցվել նոր ասոցիացիայում, քանի դեռ վերջինս ՀՖՖ-ից չի ստացել միջազգային տրանսֆերային սերտիֆիկատը (USU): USU-ը տրամադրվում է անվճար, առանց որևէ պայմանի և անժամկետ: Վերոնշյալին հակասող բոլոր դրույթները համարվում են անվավեր: ՀՖՖ-ն USU-ի պատճենը ուղարկում է նաև ՖԻՖԱ: USU-ի տրամադրման գործընթացը մանրամասն նկարագրված է սույն կանոնակարգի Հավելված 3-ի Գլուխ I-ի Հոդված 8-ում և Հավելված 3-ի Գլուխ II-ում:
2. Ֆուտբոլիստին ստուգողական խաղերում ներգրավելու նպատակով USU պահանջելն արգելվում է:
3. ՀՖՖ-ն USU-ը ստանալուց հետո գրավոր տեղեկացնում է 12-23 տարեկան հասակում ֆուտբոլիստին մարզած և կրթած ակումբի (ակումբների) ասոցիացիային (ասոցիացիաներին) (տե՛ս ՀՖՖ-ի Ֆուտբոլիստների կարգավիճակի և տեղափոխության կանոնակարգի Հոդված 7-ը - ֆուտբոլիստի անձնագիր) այն մասին, որ պատրաստվում է գրանցել ֆուտբոլիստին որպես պրոֆեսիոնալ:
4. Մինչև 10 տարեկան ֆուտբոլիստների համար USU չի պահանջվում:

Հոդված 11. Ներքին տեղափոխությունը

Ներքին տեղափոխության դեպքում ֆուտբոլիստները գրանցվում են ՀՖՖ-ում ՀՀ կիրառելի և վերաբերելի օրենսդրության և սույն կանոնակարգի դրույթներին համապատասխան:



Հոդված 12. Պրոֆեսիոնալ ֆուտբոլիստների վարձակալությունը

1. Պրոֆեսիոնալ ֆուտբոլիստը կարող է նախապես սահմանված ժամկետով իր ակումբի կողմից («նախկին ակումբ») վարձակալությամբ տեղափոխվել մեկ այլ ակումբ («նոր ակումբ»)՝ գրավոր համաձայնագրի հիման վրա: Պրոֆեսիոնալ ֆուտբոլիստների վարձակալության դեպքում կիրառվում են հետևյալ կանոնները՝
 - ա. Ակումբները պետք է կնքեն գրավոր համաձայնագիր՝ սահմանելով վարձակալության պայմանները («վարձակալության պայմանագիր»), մասնավորապես՝ վերջինիս ժամկետը և ֆինանսական պայմանները: Տվյալ պրոֆեսիոնալ ֆուտբոլիստը նույնպես կարող է հանդիսանալ Վարձակալության պայմանագրի կողմ:
 - բ) Պրոֆեսիոնալ ֆուտբոլիստը և նոր ակումբը պետք է կնքեն վարձակալության ժամկետին համապատասխան պայմանագիր: Այդ պայմանագրով պետք է սահմանվի, որ տվյալ ֆուտբոլիստը գտնվում է նոր ակումբում վարձակալական հիմունքներով:
 - գ) Վարձակալության համաձայնեցված ժամանակահատվածի ընթացքում ֆուտբոլիստի և նախկին ակումբի միջև պայմանագրային պարտավորությունները կասեցվում են, եթե այլ բան նախատեսված չէ համապատասխան համաձայնագրով:
 - դ) Հաշվի առնելով Հոդված 5-ի 4-րդ և 5-րդ դրույթները՝ վարձակալության պայմանագիր կարող է կնքվել գրանցման երկու ժամանակաշրջանների միջև ընկած ժամանակահատվածի նվազագույն տևողությամբ և առավելագույնը մեկ տարի ժամկետով: Ավարտի ամսաթիվը պետք է լինի նախկին ակումբի ասոցիացիայի գրանցման ժամանակահատվածներից մեկի ընթացքում: Ցանկացած դրույթ, որով կսահմանվի վարձակալության ավելի երկար տևողություն անվավեր է:
 - ե) Վարձակալության պայմանագիրը կարող է երկարաձգվել՝ համաձայն վերը նշված նվազագույն և առավելագույն ժամկետների՝ պրոֆեսիոնալ ֆուտբոլիստի գրավոր համաձայնությամբ:
 - զ) Նոր ակումբին արգելվում է պրոֆեսիոնալ ֆուտբոլիստին ենթավարձակալությամբ (sub-loan) կամ մշտական գրանցմամբ տեղափոխել երրորդ ակումբ:
2. Մինչև սույն կանոնակարգի ուժի մեջ մտնելը՝ մեկ տարուց ավելի տևողությամբ կնքված վարձակալության պայմանագրերը կարող են շարունակվել մինչև դրանց պայմանագրային ժամկետի ավարտը: Վերջիններս կարող են երկարաձգվել միայն՝ համաձայն Հոդված 12-ի 1-ին դրույթի ե) կետի:
3. Ֆուտբոլիստին վարձակալությունը կարգավորվում է 5-11-րդ Հոդվածներով և Հավելված 3-ով նախատեսված վարչական ընթացակարգերին համապատասխան:
4. Եթե պրոֆեսիոնալ ֆուտբոլիստի և նոր ակումբի միջև պայմանագիրը միակողմանի դադարեցվել է մինչև վարձակալության պայմանագրով նախատեսված ժամկետի ավարտը, ապա՝
 - ա) ֆուտբոլիստն իրավունք ունի վերադառնալու նախկին ակումբ;
 - բ) ֆուտբոլիստը պետք է անհապաղ տեղեկացնի նախկին ակումբին վաղաժամկետ դադարեցման մասին և թե արդյոք նա մտադիր է վերադառնալ նախկին ակումբ;
 - գ) եթե ֆուտբոլիստը որոշում է վերադառնալ նախկին ակումբ, նախկին ակումբը պետք է անհապաղ վերահիստեգրի նրան: Վարձակալության ընթացքում կասեցված պայմանագիրը կվերականգնվի վերահիստեգրման օրվանից, և, մասնավորապես, նախկին ակումբը պետք է ֆուտբոլիստին վճարի փոխհատուցում;



դ) ազգային մակարդակով գրանցումը կարգավորող կանոնները պետք է սահմանվեն ասոցիացիայի կողմից՝ համաձայնեցնելով ֆուտբոլի տեղական շահագրգիռ մարմինների հետ:

5. Հոդվածի 12-ի 4-րդ կետի պայմանները չպետք է հակասեն՝

ա) Հոդված 19-ի կիրառմանը, որը վերաբերում է պրոֆեսիոնալ ֆուտբոլիստի և նոր ակումբի միջև պայմանագրի դադարեցմանը.

բ) Հոդված 19-ի կիրառմանը, եթե նախկին ակումբը չի կարողանում անմիջապես վերաինտեգրել ֆուտբոլիստին; և

գ) նախկին ակումբի՝ ֆուտբոլիստին վերաինտեգրելու պարտավորությունից բխող փոխհատուցում պահանջելու իրավունքին: Վճարման ենթակա նվազագույն փոխհատուցումը կկազմի այն գումարը, որը նախկին ակումբը պետք է վճարի ֆուտբոլիստին վերաինտեգրման օրվա և վարձակալության պայմանագրի իրական ավարտի ամսաթվի միջև ընկած ժամանակահատվածի համար:

6. Հետևյալ սահմանափակումները կկիրառվեն 2024 թվականի հուլիսի 1-ից.

ա) ակումբը կարող է ունենալ առավելագույնը վեց պրոֆեսիոնալ ֆուտբոլիստ, ովքեր մրցաշրջանի ընթացում ցանկացած պահի վարձակալական հիմունքներով տեղափոխվել են ակումբից;

բ) ակումբը մրցաշրջանի ընթացքում ցանկացած պահի իր ակումբի կազմում կարող է ունենալ վարձակալական հիմունքներով գտնվող առավելագույնը վեց ֆուտբոլիստ:

7. Ֆուտբոլիստի վարձակալությունը կազատվի վերը նշված սահմանափակումներից, եթե՝

ա) վարձակալությունը տեղի է ունենում մինչև նախկին ակումբի այն մրցաշրջանի ավարտը, որի ընթացքում լրանում է պրոֆեսիոնալ ֆուտբոլիստի 21 տարեկանը. և

բ) պրոֆեսիոնալ ֆուտբոլիստը նախկին ակումբում «ակումբում մարզված» ֆուտբոլիստ է (club-trained player):

8. Հետևյալ սահմանափակումները կիրառվում են անկախ տարիքից կամ «ակումբում մարզված» կարգավիճակից.

ա) ակումբը կարող է ունենալ առավելագույնը երեք պրոֆեսիոնալ ֆուտբոլիստ, ովքեր մրցաշրջանի ընթացում ցանկացած պահի վարձակալական հիմունքներով տեղափոխվել են որոշակի ակումբ;

բ) ակումբը կարող է ունենալ առավելագույնը երեք պրոֆեսիոնալ ֆուտբոլիստ, ովքեր մրցաշրջանի ընթացում ցանկացած պահի վարձակալական հիմունքներով որոշակի ակումբից տեղափոխվել են տվյալ ակումբ:

9. Հոդված 12-ի 6-րդ կետի սահմանափակումների համար կիրառվում է հետևյալ անցումային շրջանը.

ա) 2022թ. հուլիսի 1-ից մինչև 2023թ. հունիսի 30-ը՝ առավելագույնը ութ պրոֆեսիոնալ ֆուտբոլիստ յուրաքանչյուր սահմանափակման համար.

բ) 2023թ. հուլիսի 1-ից մինչև 2024թ. հունիսի 30-ը՝ առավելագույնը յոթ պրոֆեսիոնալ ֆուտբոլիստ յուրաքանչյուր սահմանափակման համար:



Գլուխ IV. Պայմանագրային կայունության պահպանումը պրոֆեսիոնալ ֆուտբոլիստների և ակումբների միջև

Հոդված 13. Պրոֆեսիոնալ ֆուտբոլիստի և ակումբի հարաբերությունները

1. Պրոֆեսիոնալ ֆուտբոլիստի և ակումբի միջև հարաբերությունները կարգավորվում են ՀՀ օրենսդրությամբ, ՖԻՖԱ-ի, ՈՒԵՖԱ-ի, ՀՖՖ-ի կանոնակարգող փաստաթղթերով և սույն կանոնակարգով:
2. Պրոֆեսիոնալ ֆուտբոլիստի և ակումբի իրավունքներն ու պարտականություններն ամրագրվում են սահմանված կարգով կնքված աշխատանքային պայմանագրում:
3. Պրոֆեսիոնալ ֆուտբոլիստն իրավունք չունի նույն ժամանակահատվածի համար մեկից ավելի աշխատանքային պայմանագրեր կնքելու (բացառությամբ՝ վարձակալության դեպքի):
4. Պրոֆեսիոնալ ֆուտբոլիստի և ակումբի միջև ֆինանսական և/կամ այլ կումերցիոն գաղտնիք պարունակող հարաբերությունները կարող են արտացոլվել պայմանագրին կից կնքվող հավելվածում (հավելվածներում): Հավելվածի (հավելվածների) առկայության մասին պետք է նշված լինի աշխատանքային պայմանագրի հիմնական տեքստում:
5. Աշխատանքային պայմանագրին կից կնքվող հավելվածի (հավելվածների) գրանցումը ՀՖՖ-ում պարտադիր չէ, սակայն համապատասխան վեճերի առկայության դեպքում ՀՖՖ Վեճերի լուծման պալատի պահանջով ենթակա է պարտադիր ներկայացման:
6. ՀՖՖ-ում գրանցելու նպատակով ներկայացվող աշխատանքային պայմանագիրը, կից հավելվածները, փոփոխություններն ու լրացումները, լրացուցիչ համաձայնությունները կազմվում են գրավոր, երեք օրինակից և դրանք կողմերի կողմից ստորագրվում են էջ առ էջ:
7. Պայմանագրի նվազագույն պահանջները, ինչպես նաև տիպային օրինակը ներկայացված են Հավելված 2-ում:

Հոդված 14. Պրոֆեսիոնալ ֆուտբոլիստի և ակումբի միջև կնքվող պայմանագրի հատուկ պայմանները

1. Պրոֆեսիոնալ ֆուտբոլիստի և ակումբի միջև կնքվող պայմանագրում նշվում են նաև այն անձանց տվյալները, ովքեր ներգրավված են եղել բանակցություններում կամ պայմանագրի կնքման գործընթացում (ֆուտբոլիստի օրինական ներկայացուցիչ, միջնորդ, թարգմանիչ և այլն):
2. Պայմանագրի նվազագույն տևողությունը պետք է լինի պայմանագիրն ուժի մեջ մտնելու պահից մինչև տվյալ մրցաշրջանի ավարտը, իսկ առավելագույն տևողությունը՝ 5 տարի: Նվազ ժամկետով կնքված պայմանագրերի ժամկետներն անհրաժեշտության դեպքում կարող են երկարաձգվել՝ ժամկետի փոփոխության վերաբերյալ լրացուցիչ համաձայնագիր կազմելու միջոցով, սակայն դրանց հանրագումարը չի կարող գերազանցել սույն կետով սահմանված պայմանագրի առավելագույն 5 տարի ժամկետը:
3. 18 տարին չլրացած ֆուտբոլիստը չի կարող կնքել պայմանագիր, որի ժամկետը գերազանցում է երեք տարին:



4. Աշխատանքային պայմանագիր ինքնուրույն կարող է ստորագրել միայն 16 տարին լրացած ֆուտբոլիստը: 14-ից 16 տարեկան ֆուտբոլիստի հետ պայմանագիր կարող է կնքվել վերջինիս ծնողներից մեկի, որդեգրողի կամ հոգաբարձուի գրավոր համաձայնությամբ: 14 տարին չլրացած ֆուտբոլիստի հետ աշխատանքային պայմանագիր կնքելն արգելվում է:
5. Պրոֆեսիոնալ ֆուտբոլիստի հետ պայմանագիր կնքել ցանկացող ակումբը պետք է մինչև բանակցություններ սկսելը իր մտադրության մասին գրավոր տեղեկացնի պրոֆեսիոնալ ֆուտբոլիստի գործող ակումբին: Պրոֆեսիոնալ ֆուտբոլիստն իրավասու է պայմանագիր կնքել այլ ակումբի հետ, եթե իր ակումբի հետ գործող պայմանագիրն ավարտվել է կամ կավարտվի վեց ամսից ոչ ուշ: Այս դրույթի յուրաքանչյուր խախտում ենթակա է սույն կանոնակարգով նախատեսված պատժամիջոցների:
6. Եթե պրոֆեսիոնալ ֆուտբոլիստը միննույն ժամանակահատվածում կնքում է մեկից ավելի պայմանագիր, ապա կիրառվում են Հոդված 13-ով սահմանված դրույթները:
7. Ֆուտբոլիստի Պայմանագրը գործում է անկախ ֆուտբոլիստի բժշկական հետազոտության արդյունքներից և/կամ աշխատանքի թույլտվության հանգամանքից:
8. Եթե ֆուտբոլիստը մարզումների, հավաքների, խաղերի կամ մրցուղևորության ժամանակ ստացած խեղման (վնասվածք) հետևանքով կորցրել է աշխատունակությունը, ապա նրա հետ կնքված աշխատանքային պայմանագիրը չի կարող լուծվել ակումբի նախաձեռնությամբ՝ առանց ֆուտբոլիստի համաձայնության՝ մինչև նրա աշխատունակության վերականգնումը կամ հաշմանդամության կարգի որոշումը:
9. Պայմանագրային դրույթները, որոնք ակումբին լրացուցիչ ժամանակ են շնորհում (այսպես կոչված «արտոնյալ ժամանակահատվածներ») պայմանագրով վճարման ենթակա գումարները ֆուտբոլիստին վճարելու համար, առաջինը են: «Արտոնյալ ժամանակահատվածները», որոնք ներառված են գործատուների և աշխատողների ներկայացուցիչների միջև ներպետական մակարդակով, երկրի օրենսդրության համաձայն կնքված կոլեկտիվ պայմանագրերում, այնուամենայնիվ, օրինաչափորեն ճանաչվում են պարտադիր: Այս արգելքը չի վերաբերում սույն դրույթն ուժի մեջ մտնելուց առաջ ստորագրված և գործող պայմանագրերին:
10. Իգական սեռի ֆուտբոլիստները իրենց պայմանագրի գործողության ընթացքում ունեն հղիության և ծննդաբերության արձակուրդի իրավունք, որը վճարվում է վերջիններիս պայմանագրով սահմանված աշխատավարձի երկու երրորդի չափով: Այն դեպքում, երբ տվյալ երկրի ներպետական օրենսդրությունը կամ կոլեկտիվ պայմանագրերը այլ շահեկան պայմաններ չեն նախատեսում, գործում են սույն կետով սահմանված կանոնները:

Հոդված 14¹. Երրորդ կողմի ազդեցությունն ակումբի վրա

1. Որևէ ակումբ չպետք է այլ ակումբի հետ կնքի պայմանագիր, որն այդ պայմանագրի կողմերին կամ որևէ երրորդ կողմի կօժտի ակումբի կադրային և տրանսֆերային անկախության, քաղաքականության և թիմերի մրցելույթների վրա ներազդելու լիազորություններով:



2. ՖԻՖԱ-ի Կարգապահական կոմիտեն կարող է կարգապահական պատժամիջոցներ կիրառել այն ակումբների նկատմամբ, որոնք չեն պահպանի սույն հոդվածով սահմանված պահանջները:

Հոդված 14². Ֆուտբոլիստների ֆինանսական իրավունքների տնօրինումը երրորդ անձանց կողմից

1. Որևէ ակումբ կամ ֆուտբոլիստ չպետք է համաձայնության գա երրորդ կողմի հետ, ինչի հետևանքով երրորդ կողմն իրավունք կստանա ամբողջական կամ մասնակի մասնակցություն ունենալ ֆուտբոլիստի՝ ակումբից ակումբ հետագա տեղափոխության համար հասանելիք փոխհատուցման վճարմանը, կամ երրորդ կողմին կտրվեն ֆուտբոլիստի հետագա տեղափոխության կամ մարզումային փոխհատուցման հետ կապված որոշակի իրավունքներ:
2. Սույն հոդվածի առաջին կետը ուժի մեջ է մտել 2015թ. մայիսի 1-ին:
3. Պայմանագրերը և համաձայնագրերը, որոնք կնքվել են մինչև 2015թ. մայիսի 1-ը (տե՛ս սույն հոդվածի առաջին կետը) մնում են ուժի մեջ մինչև իրենց պայմանագրային ժամկետի ավարտը, որոնց ժամկետը, սակայն, չի կարող երկարաձգվել:
4. Առաջին կետում նկարագրված 2015թ. հունվարի 1-ից ապրիլի 30-ը ընկած ժամանակահատվածում կնքված ցանկացած համաձայնագրի վավերականության ժամկետը չի կարող գերազանցել 1 տարին՝ սկսած ուժի մեջ մտնելու օրվանից:
5. Վերոնշյալ առաջին կետում նկարագրված բոլոր գործող համաձայնագրերը պետք է մինչև 2015թ. ապրիլի վերջը մուտքագրվեին ՖԻՖԱ-ի Տրանսֆերների համադրման համակարգ (SZZ): Նման համաձայնագրեր ստորագրած բոլոր ակումբները պարտավոր են ամբողջությամբ SZZ մուտքագրել այդ համաձայնագրերը, ներառյալ բոլոր առկա հավելվածները կամ փոփոխությունները՝ նշելով ներգրավված երրորդ կողմի տվյալները, ֆուտբոլիստի ամբողջական անունը, ինչպես նաև համաձայնագրի տևողության ժամկետը:
6. ՖԻՖԱ-ի Կարգապահական կոմիտեն կարող է կարգապահական պատժամիջոցներ կիրառել այն ակումբների նկատմամբ, որոնք չեն պահպանի սույն հոդվածով սահմանված պահանջները:

Հոդված 14³. Իգական սեռի ֆուտբոլիստների պայմանագրերին վերաբերող հատուկ պայմաններ

1. Իգական սեռի ֆուտբոլիստի պայմանագրի գործողությունը չի կարող պայմանավորված լինել նշված ժամկետում իգական սեռի ֆուտբոլիստի հղիության, մինչև 3 տարեկան երեխայի խնամքի համար տրամադրվող արձակուրդում գտնվելու կամ մայրությանն առհասարակ առնչվող հանգամանքների կիրառումով:
2. Եթե ակումբը միակողմանի լուծում է իգական սեռի ֆուտբոլիստի հետ կնքած պայմանագիրը՝ պայմանավորված վերջինիս հղիության, մինչև 3 տարեկան երեխայի խնամքի համար տրամադրվող արձակուրդում գտնվելու հանգամանքով կամ մայրությանն առհասարակ առնչվող հիմքով, ապա ակումբի կողմից պայմանագրի լուծումը համարվում է «Պայմանագրի լուծում առանց հիմնավոր դրդապատճառի»:
3. Եթե հակառակն ապացուցված չէ, ենթադրվում է, որ հղիության կամ մինչև 3 տարեկան երեխայի խնամքի համար տրամադրվող արձակուրդի ժամանակ ակումբի կողմից



իզական սեռի ֆուտբոլիստի պայմանագրի միակողմանի լուծումը տեղի է ունեցել վերջինիս հղիության հետևանքով:

4. Եթե ակումբը, իզական սեռի ֆուտբոլիստի հղիությամբ պայմանավորված, միակողմանի լուծում է վերջինիս հետ կնքած պայմանագիրը, ապա, որպես Հոդված 19-ի 1-ին կետի բացառություն՝

ա) իզական սեռի ֆուտբոլիստին վճարվելիք փոխհատուցումը հաշվարկվում է հետևյալ կերպ՝

- Եթե իզական սեռի ֆուտբոլիստն իր նախորդ պայմանագիրը լուծելուց հետո նոր պայմանագիր չի կնքել, ապա փոխհատուցման չափը, որպես կանոն, պետք է հավասար լինի վաղաժամ լուծված պայմանագրի մնացորդային արժեքին:
- Եթե իզական սեռի ֆուտբոլիստը նոր պայմանագիր է ստորագրել որոշումը կայացնելու ժամանակ, ապա նոր պայմանագրի՝ վաղաժամ լուծված պայմանագրի դեռևս մնացած ժամանակահատվածին համապատասխանող արժեքը, պետք է նվազեցվի վաղաժամ լուծված պայմանագրի մնացորդային արժեքից («Նվազեցված փոխհատուցում»):
- Վերոնշյալ երկու կետերով սահմանված դեպքերում իզական սեռի ֆուտբոլիստն իրավունք ունի ստանալու Հավելյալ փոխհատուցում՝ վաղաժամ լուծված պայմանագրով սահմանված վեց ամսվա աշխատավարձին համարժեք գումարի չափով:
- Գործատուների և աշխատակիցների ներկայացուցիչների կողմից լոկալ մակարդակով համաձայնեցված կոլեկտիվ պայմանագրերը, որոնք համապատասխանում են ներպետական օրենսդրությանը, կարող են շեղվել վերը նշված սկզբունքներից: Նման դեպքերում գերակայում են պայմանագրի պայմանները:

բ) իզական սեռի ֆուտբոլիստի հետ պայմանագիրը վերջինիս հղիության, մինչև 3 տարեկան երեխայի խնամքի համար տրամադրվող արձակուրդում գտնվելու կամ մայրությանն առհասարակ առնչվող հանգամանքների կիրառումով լուծված ակումբի նկատմամբ բացի փոխհատուցում վճարելու պարտավորությունից կարող են կիրառվել նաև մարզական պատժամիջոցներ:

Նշված դեպքերում ակումբին կարգելվի գրանցել նոր իզական սեռի ֆուտբոլիստ (ֆուտբոլիստներ) (ինչպես ազգային, այնպես էլ միջազգային մակարդակով) գրանցման երկու ամբողջական և հաջորդական ժամանակահատվածներում: Ակումբը իրավունք կստանա նոր իզական սեռի ֆուտբոլիստ (ֆուտբոլիստներ) գրանցել (ինչպես ազգային, այնպես էլ միջազգային մակարդակով) միայն հաջորդ գրանցման ժամանակահատվածից սկսած՝ համապատասխան մարզական պատժամիջոցներն ամբողջապես սպառելուց հետո: Մասնավորապես, ակումբը կարող է չօգտվել սույն կանոնակարգի Հոդված 6-ի 1-ի «ա» դրույթով սահմանված բացառությունից և պայմանական միջոցներից՝ իզական սեռի ֆուտբոլիստներին ավելի վաղ փուլում գրանցելու նպատակով:

գ) վերոհիշյալ բ) կետով նախատեսված պատժամիջոցը կարող է կիրառվել տուգանքի հետ միասին:



5. Եթե իգական սեռի ֆուտբոլիստը հղիանում է, ապա վերջինս իր պայմանագրի գործողության ընթացքում իրավունք ունի՝

ա) շարունակել իր ակումբին սպորտային ծառայություններ մատուցել (այն է՝ խաղալ և մարզվել)՝ իրեն հետազոտող բժշկից և անկախ բժշկական մասնագետից (ով նշանակվել է իգական սեռի ֆուտբոլիստի և իր ակումբի փոխհամաձայնությամբ) հաստատում ստանալով առ այն, որ դա իր համար անվտանգ է: Նման դեպքերում իգական սեռի ֆուտբոլիստի ակումբը պարտավոր է հարգել վերջինիս որոշումը և կազմել նրա շարունակական մասնակցության համար անվտանգ մարզումային ծրագիր՝ առաջնահերթ համարելով իգական սեռի ֆուտբոլիստի և նրա դեռևս չծնված երեխայի առողջությունը:

բ) այլընտրանքային աշխատանքային ծառայություններ մատուցել իր ակումբին, եթե հետազոտող բժիշկը կհամարի, որ տվյալ իգական սեռի ֆուտբոլիստի համար այլևս անվտանգ չէ սպորտային ծառայություններ մատուցելը, կամ իգական սեռի ֆուտբոլիստը ինքնակամ կհրաժարվի սպորտային ծառայություններ մատուցելու իր իրավունքից: Նման դեպքերում ակումբը պարտավոր է հարգել իգական սեռի ֆուտբոլիստի որոշումը և աշխատել վերջինիս հետ՝ կազմելով այլընտրանքային աշխատանքային ծրագիր: Ֆուտբոլիստուհին իրավասու է ստանալ իր ամբողջական վարձատրությունն այնքան ժամանակ, քանի դեռ նա գտնվում է մինչև 3 տարեկան երեխայի խնամքի համար տրամադրվող արձակուրդում:

գ) իր հայեցողությամբ որոշել մինչև 3 տարեկան երեխայի խնամքի համար տրամադրվող արձակուրդի ժամանակահատվածը՝ (տե՛ս «Հասկացություններ» բաժնում): ՖԻՖԱ-ի կարգապահական կոմիտեն պատժամիջոցներ կկիրառի այն ակումբի նկատմամբ, որը ճնշում կգործադրի իգական սեռի ֆուտբոլիստի վրա կամ վերջինիս կատիպի մինչև 3 տարեկան երեխայի խնամքի համար տրամադրվող արձակուրդը վերցնել որոշակի կոնկրետ ժամանակահատվածում:

դ) մինչև 3 տարեկան երեխայի խնամքի համար տրամադրվող արձակուրդի ավարտից հետո վերադառնալ ֆուտբոլային գործունեությանը՝ իրեն հետազոտող բժշկից և անկախ բժշկական մասնագետից (ով նշանակվել է իգական սեռի ֆուտբոլիստի և իր ակումբի փոխհամաձայնությամբ) հաստատում ստանալով առ այն, որ դա նրա համար անվտանգ է: Նման դեպքերում ակումբը պարտավոր է հարգել իգական սեռի ֆուտբոլիստի որոշումը, վերջինիս կրկին ընդգրկել ֆուտբոլային գործունեության մեջ (տե՛ս Հոդված 6-ի 1-ին կետի «բ» ենթակետը) և ապահովել համապատասխան շարունակական բժշկական աջակցություն: Ֆուտբոլային գործունեությանը վերադառնալուց հետո իգական սեռի ֆուտբոլիստը իրավունք ունի ստանալու իր ամբողջական վարձատրությունը:

6. Իգական սեռի ֆուտբոլիստին հնարավորություն կտրվի կերակրելու նորածին ակումբին մարզական ծառայություններ մատուցելու ժամանակ: Ակումբները, համաձայն գործող ազգային օրենսդրության կամ կոլեկտիվ պայմանագրի, պարտավոր են ապահովել անհրաժեշտ հարմարությունները:



Հոդված 15. Պայմանագրի գրանցումը

1. Ակումբի և ֆուտբոլիստի միջև կնքված պայմանագիրը, համաձայնագիրը, ինչպես նաև դրանցում բոլոր փոփոխություններն ու լրացումները ենթակա են ներկայացման ՀՖՖ գրանցման դրանք կնքվելուց հետո 15-օրյա ժամկետում:
2. ՀՖՖ ներկայացվում են պայմանագրի, համաձայնագրերի բնօրինակները՝ երեք օրինակից, որոնցից երկուսը համապատասխան գրանցում ստանալուց հետո վերադարձվում են ակումբին:
3. ՀՖՖ-ն սույն հոդվածի 1-ին կետում նշված պայմանագրի, համաձայնագրի, ինչպես նաև դրանցում բոլոր փոփոխություններն ու լրացումները պետք է գրանցի դրանք ստանալուց հետո 15-օրյա ժամկետում:
4. Չգրանցված պայմանագիրը չի կարող հիմք հանդիսանալ ակումբի և պրոֆեսիոնալ ֆուտբոլիստի միջև պայմանագրային վեճի քննարկման համար:

Հոդված 16. Պայմանագրի լուծումը հիմնավոր դրդապատճառներով

1. Պայմանագիրը կարող է միակողմանի, առանց հետևանքների (փոխհատուցման վճարում կամ մարզական պատժամիջոցներ) լուծվել միայն հիմնավոր դրդապատճառների առկայության դեպքում:
2. Կողմերից որևէ մեկի ցանկացած ոչ իրավաչափ վարքագծի դրսևորումը, որի նպատակն է ստիպել հակառակ կողմին լուծել պայմանագիրը կամ փոխել դրա դրույթները, իրավունք է տալիս հակառակ կողմին (ֆուտբոլիստին կամ ակումբին) հիմնավոր դրդապատճառով լուծել պայմանագիրը:

Հոդված 16¹. Պայմանագրի լուծումն աշխատավարձերի չվճարման հիմնավոր դրդապատճառով

1. Եթե ակումբը, խախտելով սահմանված կարգը, առնվազն 2 ամիս շարունակ ֆուտբոլիստին չի վճարել աշխատավարձը սահմանված ժամկետներում, ապա վերջինս ձեռք է բերում պայմանագիրը լուծելու հիմնավոր դրդապատճառ՝ պայմանով, որ նա գրավոր կերպով ծանուցել և առնվազն 15 օրվա վերջնաժամկետ է տրամադրել պարտապան (դեբիտոր) ակումբին ֆինանսական պարտավորությունները կատարելու համար:
Նախքան սույն դրույթն ուժի մեջ մտնելը կնքված աշխատանքային պայմանագրերի պարագայում կարող են հաշվի առնվել դրանցում արդեն իսկ արձանագրված այլընտրանքային պայմանները:
2. Ֆուտբոլիստի ստացած ցանկացած վարձատրության դեպքում, որը ենթակա չէ վճարման ամսական հիմունքով, հաշվի է առնվում նրա՝ երկու ամսվան համարժեք վարձատրության չափը համամասնության սկզբունքով: Առնվազն երկու ամսվա վարձատրությանը համարժեք գումարի չափով վճարման ուշացումը նույնպես կարող է պայմանագիրը լուծելու հիմնավոր դրդապատճառ հանդիսանալ ֆուտբոլիստի համար, եթե վերջինս պահպանել է պայմանագրի լուծման մասին ծանուցման՝ սույն հոդվածի 1-ին կետով սահմանված կարգը:
3. Գործատուների և աշխատողների ներկայացուցիչների միջև բանակցությունների



արդյունքում՝ ազգային մակարդակով և երկրի օրենսդրությանը համաձայն կնքված կոլեկտիվ պայմանագրերը կարող են շեղումներ պարունակել վերոնշյալ 1-ին և 2-րդ կետերով սահմանված սկզբունքներից: Նման պայմանագրերի դրույթները գերակայում են:

Հոդված 17. Պայմանագրի լուծումը մարզական տեսանկյունից հիմնավոր դրդապատճառներով

1. Պրոֆեսիոնալ ֆուտբոլիստը, որը մրցաշրջանի ընթացքում մասնակցել է իր ակումբի անցկացրած 10%-ից քիչ պաշտոնական խաղերի, կարող է վաղաժամ՝ նախքան մրցաշրջանի ավարտը, լուծել պայմանագիրը մարզական դրդապատճառներով: Նման դեպքերում հատուկ ուշադրություն է դարձվում ֆուտբոլիստին վերաբերող հանգամանքներին:
2. Եթե պայմանագրի լուծումը մարզական տեսանկյունից հիմնավորված է, ապա մարզական պատժամիջոցներ չեն կիրառվում, սակայն պայմանագրում նշված փոխհատուցումը պետք է տրամադրվի: Այդ դեպքում պրոֆեսիոնալ ֆուտբոլիստը կարող է լուծել պայմանագիրն իր ակումբի մրցաշրջանի վերջին պաշտոնական խաղից հետո՝ 15-օրյա ժամկետում:

Հոդված 18. Մրցաշրջանի ընթացքում պայմանագրի լուծման սահմանափակումը

Պայմանագիրը չի կարող միակողմանի լուծվել մրցաշրջանի ընթացքում՝ բացառությամբ սույն կանոնակարգով նախատեսված դեպքերի:

Հոդված 19. Առանց հիմնավոր դրդապատճառի պայմանագրի լուծման հետևանքները

1. Պայմանագիրը խախտող կողմը վճարում է փոխհատուցում: Հաշվի առնելով մարզումային փոխհատուցման վերաբերյալ Հավելված 4-ի դրույթները, ինչպես նաև այն, որ եթե պայմանագրով այլ բան նախատեսված չէ, ապա պայմանագիրն առանց հիմնավոր դրդապատճառի լուծելու դեպքում փոխհատուցումը հաշվարկվում է՝ հաշվի առնելով ՀՀ օրենսդրությունը, մարզական առանձնահատկությունները և ցանկացած այլ օբյեկտիվ չափանիշներ, որոնք, մասնավորապես, ընդգրկում են՝
 - առկա և/կամ նոր պայմանագրի համաձայն ֆուտբոլիստին հասանելիք վարձավճարները և այլ եկամուտները,
 - մինչև պայմանագրի ավարտը մնացած ժամանակահատվածը (առավելագույնը մինչև 5 տարի),
 - նախկին ակումբի կողմից վճարված գումարները և ծախսերը (ամորտիզացիոն կերպով բաշխված պայմանագրի գործողության ողջ ժամկետի վրա),
 - արդյոք պայմանագրի լուծումը տեղի է ունեցել պաշտպանված ժամանակահատվածի ընթացքում:

2. Հաշվի առնելով վերոնշյալ սկզբունքները՝ ֆուտբոլիստի համար նախատեսված փոխհատուցումը պետք է հաշվարկվի հետևյալ կերպ՝

ա) եթե ֆուտբոլիստն իր նախորդ պայմանագիրը լուծելուց հետո նոր պայմանագիր



չի կնքել, ապա որպես կանոն, փոխհատուցումը պետք է համարժեք լինի վաղաժամ լուծված պայմանագրի մնացորդային արժեքին:

բ) եթե ֆուտբոլիստը նոր պայմանագիր է ստորագրել որոշումը կայացնելու ժամանակ, ապա նոր պայմանագրի՝ վաղաժամ լուծված պայմանագրի դեռևս մնացած ժամանակահատվածին համապատասխանող արժեքը պետք է նվազեցվի վաղաժամ լուծված պայմանագրի մնացորդային արժեքից («Նվազեցված փոխհատուցում»): Ավելին, ժամկետանց պարտքերի հետևանքով պայմանագրի վաղաժամ լուծման դեպքում, ի լրումն Նվազեցված փոխհատուցման, ֆուտբոլիստն իրավունք կունենա ստանալու երեք ամսվա աշխատավարձին համարժեք գումար («Հավելյալ փոխհատուցում»): Հատուկ դեպքերում Հավելյալ փոխհատուցման չափը կարող է հասնել մինչև ամսական աշխատավարձի առավելագույնը վեցապատիկին: Փոխհատուցման ենթակա ընդհանուր գումարը ոչ մի դեպքում չի կարող գերազանցել վաղաժամ լուծված պայմանագրի մնացորդային արժեքը:

3. Ներպետական օրենսդրության համաձայն գործատուների և աշխատողների ներկայացուցիչների միջև ազգային մակարդակով ընթացած բանակցությունների արդյունքում կնքված կոլեկտիվ պայմանագրերը կարող են շեղումներ պարունակել վերը նշված ա) և բ) կետերով սահմանված սկզբունքներից: Նման պայմանագրերի դրույթները գերակայում են:
4. Փոխհատուցման իրավունքը չի կարող փոխանցվել երրորդ կողմին: Եթե պրոֆեսիոնալ ֆուտբոլիստը պետք է փոխհատուցում վճարի, ապա տվյալ ֆուտբոլիստը և նրա նոր ակումբը հավասարաչափ (համապարտ) պատասխանատվություն են կրում այդ վճարումների համար: Գումարի չափը կարող է նախատեսվել պայմանագրով կամ համաձայնեցվել կողմերի միջև:
5. Պաշտպանված ժամանակահատվածում ֆուտբոլիստի կողմից պայմանագիրը միակողմանի լուծելու դեպքում փոխհատուցման պարտավորությունից բացի կարող են կիրառվել նաև մարզական պատժամիջոցներ: Նշված պատժամիջոցը շուրջ չորս ամսով, իսկ որոշ դեպքերում՝ վեց ամսով, ֆուտբոլիստին զրկում է պաշտոնական խաղերում հանդես գալու իրավունքից: Սույն մարզական պատժամիջոցներն ուժի մեջ են մտնում տվյալ որոշման մասին ֆուտբոլիստի տեղեկացման պահից և շարունակում են ուժի մեջ մնալ մրցաշրջանի վերջին պաշտոնական խաղի և հաջորդ մրցաշրջանի առաջին պաշտոնական խաղի միջև ընկած ժամանակահատվածում՝ ներառելով ակումբների ազգային գավաթների մրցաշարերն ու միջազգային առաջնությունները: Սույն մարզական պատժամիջոցով պայմանավորված որակազրկումն, այնուամենայնիվ, չի կիրառվում, եթե ֆուտբոլիստը հանդիսանում է այն ասոցիացիայի հավաքականի անդամ, որին իրավասու է ներկայացնել, և եթե տվյալ ասոցիացիան հաջորդ մրցաշրջանի վերջին և առաջին խաղերի միջև ընկած ժամանակահատվածում մասնակցում է միջազգային մրցաշարի եզրափակիչ փուլին: Առանց հիմնավոր կամ մարզական տեսանկյունից հիմնավոր դրոպապատճառների պաշտպանված ժամանակահատվածից դուրս պայմանագիրը միակողմանի լուծելու դեպքում մարզական պատժամիջոցներ չեն կիրառվում: Այնուամենայնիվ, պաշտպանված ժամանակահատվածից դուրս պայմանագիրը միակողմանի լուծելու դեպքում կարող են կիրառվել կարգապահական պատժամիջոցներ, եթե պայմանագրի



վաղաժամկետ լուծման վերաբերյալ համապատասխան ծանուցում չի ներկայացվել ՀՖՖ՝ մրցաշրջանի (ներառյալ՝ ՀՀ Գավաթի խաղարկության) ընթացքում ակումբի (որտեղ գրանցված է տվյալ ֆուտբոլիստը) վերջին պաշտոնական խաղից հետո 15-օրյա ժամկետում: Այն դեպքում, երբ ֆուտբոլիստի նախկին պայմանագրի ժամկետը երկարացվում է (պայմանագրի նորացում), պաշտպանված ժամանակահատվածը վերսկսվում է:

6. Պաշտպանված ժամանակահատվածում ակումբի կողմից պայմանագիրը լուծելու կամ պայմանագրի լուծում հրահրելու մեջ մեղավոր ճանաչվելու դեպքում, փոխհատուցում վճարելու պարտավորությունից բացի, կիրառվում են նաև մարզական պատժամիջոցներ: Ենթադրվում է, որ առանց հիմնավոր դրդապատճառի պայմանագիրը լուծած պրոֆեսիոնալ ֆուտբոլիստի հետ նոր պայմանագիր ստորագրած ակումբն է հրահրել նրան նման գործողությունների, եթե չի ապացուցվում հակառակը: Այդ դեպքում ակումբը զրկվում է երկու իրար հաջորդող գրանցման ժամանակահատվածների ընթացքում տեղական և միջազգային մակարդակով որևէ նոր ֆուտբոլիստ գրանցելու հնարավորությունից: Ակումբն իրավունք է ստանում գրանցել նոր ֆուտբոլիստի (տեղական կամ միջազգային մակարդակով) միայն տվյալ մարզական պատժամիջոցն ամբողջությամբ կրելուն հաջորդող գրանցման ժամանակահատվածում: Մասնավորապես, ակումբը չի կարող օգտվել ՀՖՖ-ի ֆուտբոլիստների կարգավիճակի և տեղափոխության կանոնակարգի Հոդված 6-ի 1-ին կետում ամրագրված բացառությունից և ժամանակավոր միջոցներից՝ ֆուտբոլիստներին առավել վաղ շրջանում գրանցելու նպատակով:
7. ՖԻՖԱ-ի և ՀՖՖ-ի կանոնադրությանն ու կանոնակարգերին ենթակա այն անձանց նկատմամբ, ովքեր փորձում են իրենց գործողություններով պայմանագրի լուծում հրահրել ակումբի և պրոֆեսիոնալ ֆուտբոլիստի միջև՝ վերջինիս տեղափոխությունը հեշտացնելու նպատակով, ենթակա են կիրառման պատժամիջոցներ:

Գլուխ V. Մարզումային փոխհատուցումը և համերաշխության մեխանիզմը

Հոդված 20. Պրոֆեսիոնալ ֆուտբոլիստի մարզումային փոխհատուցումը

1. Մարզումային փոխհատուցում պետք է վճարվի պրոֆեսիոնալ ֆուտբոլիստին մարզած, կրթած ակումբին (ակումբներին)
 - ա) եթե ֆուտբոլիստը առաջին անգամ գրանցվում է որպես պրոֆեսիոնալ,
 - բ) եթե պրոֆեսիոնալ ֆուտբոլիստը պայմանագրի ընթացքում կամ ավարտից հետո տեղափոխվում է մի ակումբից մյուսը մինչև իր 23 տարեկան դառնալու օրացուցային տարվա ավարտը:
2. Մարզումային փոխհատուցմանը վերաբերող բոլոր դրույթները շարադրված են սույն կանոնակարգի Հավելված 4-ում:
3. Մարզումային փոխհատուցման սկզբունքները կիրառելի չեն կանանց ֆուտբոլի նկատմամբ:



Հոդված 21. Սիրողական ֆուտբոլիստի մարզումային փոխհատուցումը

1. Նոր ակումբ տեղափոխվելիս 12 տարին լրացած սիրողական ֆուտբոլիստին մարզած և կրթած նախկին ակումբին նոր ակումբի կողմից վճարվում է մարզումային փոխհատուցում՝ Կանոնակարգով սահմանված ակումբների կարգերի և դրույքաչափերի համաձայն (Հավելված 6):
2. Մարզումային փոխհատուցում չի վճարվում սիրողական ֆուտբոլիստի տեղափոխության դեպքում, եթե նա ակումբից ակումբ է տեղափոխվել իր 23 տարին լրանալու օրացուցային տարվա ավարտից հետո:
3. Սիրողական ֆուտբոլիստների մարզումային փոխհատուցմանը վերաբերող բոլոր դրույթները շարադրված են սույն կանոնակարգի Հավելված 4-ում:

Հոդված 22. Համերաշխության մեխանիզմը

1. Պայմանագրի գործողության ընթացքում պրոֆեսիոնալ ֆուտբոլիստի տեղափոխության դեպքում նրան մարզած և կրթած ցանկացած ակումբ պետք է ստանա իր մասնաբաժինը այն գումարից, որը վճարվում է ֆուտբոլիստի նախկին ակումբին (համերաշխության վճար):
2. Համերաշխության մեխանիզմին վերաբերող բոլոր դրույթները շարադրված են սույն կանոնակարգի Հավելված 5-ում:

Գլուխ VI. Վեճերի Լուծման Պալատ

Հոդված 23. Վեճերի լուծման կարգը

Ֆուտբոլային սուբյեկտների միջև սույն կանոնակարգից բխող վեճերի կարգավորումը իրականացվում է Վեճերի լուծման պալատի կողմից՝ ՀՖՖ կանոնադրության, սույն կանոնակարգի և Վեճերի լուծման պալատի (ՎԼՊ) կանոնակարգով սահմանված կարգով:

Հոդված 23՜. ՀՖՖ իրավասությունը

Չխոչընդոտելով ֆուտբոլիստի և/կամ ակումբի՝ ընդհանուր իրավասության դատարան դիմելու իրավունքը՝ պայմանագրային և/կամ աշխատանքային վեճերի առնչությամբ, ՀՖՖ-ն իրավասու է որոշում կայացնել հետևյալ հարցերի շուրջ.

1. Պայմանագրային կայունության պահպանմանն առնչվող (Հոդվածներ 13-19) վեճեր ակումբների և ֆուտբոլիստների միջև, որտեղ կատարվել է ՄՏՍ հարցում, և շահագրգիռ կողմը հայց է ներկայացրել նշված ՄՏՍ հարցման հետ կապված, մասնավորապես, տվյալ ՄՏՍ-ի ուղարկման, սպորտային պատժամիջոցների կամ պայմանագրի դրույթների խախտման հետ կապված փոխհատուցման առնչությամբ:
2. Ակումբի և օտարերկրացի ֆուտբոլիստի միջև աշխատանքային վեճեր. վերոնշյալ կողմերն, ամեն դեպքում, կարող են գրավոր համաձայնություն ներկայացնել առ այն,



որ նման վեճերի առնչությամբ որոշում կայացնի ազգային մակարդակով ՀՖՖ-ի շրջանակներում և/կամ կոլեկտիվ պայմանագրով հիմնադրված անկախ արբիտրաժային դատարանը: Ցանկացած նման արբիտրաժային հայց/ վեճ պետք է ուղղակիորեն ներառվի կա՛մ պայմանագրում, կա՛մ կողմերին վերաբերող կոլեկտիվ պայմանագրում: Ազգային անկախ արբիտրաժային դատարանը պետք է երաշխավորի արդար դատական ընթացակարգեր և հարգի ֆուտբոլիստների և ակումբների հավասար ներկայացուցչության սկզբունքը:

3. ՀՖՖ-ի կամ ակումբի և օտարերկրացի մարզչի միջև աշխատանքային վեճեր, եթե առկա չէ արդար ընթացակարգեր երաշխավորող Ազգային անկախ արբիտրաժային դատարան:
4. Մարզումային փոխհատուցման (Հոդվածներ 20, 21) և համերաշխության մեխանիզմի վերաբերյալ (Հոդված 22) վեճեր ակումբների միջև:

Հոդված 24. Վճարման ենթակա գումարների ժամանակին չվճարելու հետևանքները

1. Այն դեպքում, երբ՝

ա) ՀՖՖ-ի որոշում կայացնող մարմինը համապատասխան որոշմամբ պարտավորեցնում է որևէ կողմին (ակումբ կամ ֆուտբոլիստ) վճարում կատարել հոգուտ մյուս կողմի (ակումբ կամ ֆուտբոլիստ), վճարման ենթակա գումարների ժամանակին չվճարելու հետևանքները պետք է ներառվեն կայացված որոշման մեջ:

բ) Վեճի մեջ ներգրավված կողմերն ընդունում են (կամ չեն մերժում) «Ֆուտբոլիստների կարգավիճակի կոմիտեի և Վեճերի լուծման պալատի ընթացակարգերը կարգավորող կանոնների» համաձայն ՀՖՖ-ի գլխավոր քարտուղարության կողմից արված առաջարկությունը, վճարման ենթակա գումարների ժամանակին չվճարելու հետևանքները պետք է նշվեն հաստատող նամակում:

2. Վճարման ենթակա գումարների ժամանակին չվճարելու հետևանքները շարադրված են ստորև.

ա) *Ընդդեմ ակումբի.* թե՛ ազգային, թե՛ միջազգային մակարդակով նոր ֆուտբոլիստ գրանցելու արգելք, քանի դեռ անհրաժեշտ վճարումները կատարված չեն: Գրանցման արգելքի ընդհանուր առավելագույն տևողությունը չպետք է գերազանցի երեք ամբողջական և իրար հաջորդող գրանցման ժամանակահատվածը: Տվյալ պարագայում պետք է հաշվի առնել նաև 7-րդ կետը ստորև:

բ) *Ընդդեմ ֆուտբոլիստի.* պաշտոնական խաղերին մասնակցելու սահմանափակում քանի դեռ անհրաժեշտ վճարումները կատարված չեն: Սահմանափակման ընդհանուր առավելագույն տևողությունը չպետք է գերազանցի վեց ամիսը: Տվյալ պարագայում պետք է հաշվի առնել նաև 7-րդ կետը ստորև:

3. Վճարման ենթակա գումարների ժամանակին չվճարելու հետևանքները կարող են բացառվել այն դեպքում, երբ ՀՖՖ-ի որոշում կայացնող մարմինը՝



ա) տվյալ գործով մարզական պատժամիջոց է կիրառել Հոդված 19-ի, Հոդված 14³-ի կամ Հավելված 9-ի 20-րդ դրույթի հիման վրա; կամ

բ) պատշաճ տեղեկացվում է առ այն, որ պարտապան ակումբը կամ ասոցիացիան գտնվում են սնանկացման գործընթացում՝ համաձայն ներպետական օրենսդրության, և իրավական տեսանկյունից ի վիճակի չէ կատարել հրահանգը:

4. Վճարման ենթակա գումարների ժամանակին չվճարելու հետևանքների կիրառման դեպքում պարտապանը պետք է պարտատերին վճարի ամբողջական գումարը (ներառյալ բոլոր կիրառելի տոկոսները) որոշման ծանուցումը ստանալուց հետո՝ 45 օրվա ընթացքում:

5. 45-օրյա ժամկետն սկսվում է որոշման ծանուցումը կամ հաստատող նամակն ստանալուն պես:

ա) Ժամկետը կասեցվում է որոշման հիմքերի տրամադրման վավեր դիմում ներկայացնելու դեպքում: Ժամկետը վերսկսվում է որոշման հիմքերը տրամադրելուց հետո:

բ) Ժամկետը կասեցվում է նաև Սպորտային արբիտրաժային դատարան (CAS) բողոքարկում ներկայացնելու դեպքում:

6. Պարտապանը պետք է ամբողջությամբ կատարի վճարումները (ներառյալ բոլոր կիրառելի տոկոսները)՝ այն փոխանցելով պարտատիրոջ կողմից տրամադրված բանկային հաշվին, որը նշված է որոշման մեջ կամ հաստատող նամակում:

7. Եթե պարտապանը սահմանված ժամկետում չի կատարում անհրաժեշտ վճարումները (ներառյալ բոլոր կիրառելի տոկոսները), և որոշումը դառնում է վերջնական և կիրառելի, ապա՝

ա) պարտատերը կարող է պահանջ ներկայացնել ՀՖՖ-ին, որպեսզի վերջինս կիրառի հետևանքները;

բ) նման պահանջ ստանալուն պես ՀՖՖ-ն տեղեկացնում է պարտապանին հետևանքների կիրառման մասին;

գ) հետևանքներն անմիջապես կիրառվում են ՀՖՖ-ի կողմից ծանուցվելու պահից, ներառյալ՝ (կասկածներից խուսափելու նկատառումներով) այն դեպքերում, երբ դրանք կիրառվել են բաց գրանցման ժամանակահատվածի ընթացքում: Նման դեպքերում, 2-րդ կետի «ա» ենթակետի կիրառման շրջանակներում գրանցման ընթացիկ ժամանակահատվածի մնացյալ մասը դիտարկվում է որպես առաջին «ամբողջական» գրանցման ժամանակահատված:

դ) Հետևանքները կարող են վերանայլ միայն ստորև նշված 8-րդ դրույթի համաձայն:



8. Երբ հետևանքներն արդեն իսկ մտած են ուժի մեջ, պարտապանը պետք է ՀՖՖ-ին ներկայացնի ապացույց առ այն, որ բոլոր վճարումները (ներառյալ բոլոր կիրառելի տոկոսները) կատարված են, որպեսզի հետևանքները վերացվեն:
- ա) Վճարման ապացույցն ստանալուն պես ՀՖՖ-ն անմիջապես պարտատիրոջից պահանջում է, որպեսզի վերջինս հնգօրյա ժամկետում հաստատի ամբողջական վճարման ստացումը:
 - բ) Պարտատիրոջից հաստատում ստանալուն պես կամ սահմանված ժամկետը լրանալու և այդ ընթացքում պատասխան չստանալու դեպքում ՀՖՖ-ն կողմերին ծանուցում է հետևանքների վերացման մասին:
 - գ) Հետևանքներն անմիջապես վերացվում են ՀՖՖ-ի կողմից ծանուցում ստանալուն պես:
 - դ) Չնայած վերոգրյալին, եթե չի կատարվել ամբողջական վճարում (ներառյալ բոլոր կիրառելի տոկոսները), ապա հետևանքները ուժի մեջ են մնում մինչև դրանց ամբողջական կատարումը:

Հոդված 24՝ Որոշումների կատարումը և հաստատող նամակը

1. Պարտապանի սպորտային իրավահաջորդը նույնպես համարվում է պարտապան և ենթակա է սույն Հոդվածի շրջանակներում կայացված ցանկացած որոշմամբ կամ հաստատման նամակով սահմանվածի կատարմանը: Ի թիվս այլնի՝ տվյալ կազմակերպության գրասենյակը, անվանումը, իրավական ձևը, թիմի գույները, ֆուտբոլիստները, բաժնետերերը կամ շահագրգիռ կողմերը կամ սեփականության իրավունքը և տվյալ առաջնության կարգը (կատեգորիան) նույնպես դիտարկվում են որպես մեկ այլ կազմակերպության սպորտային իրավահաջորդը համարվելու չափանիշ:
2. Եթե որոշումներ կայացնող համապատասխան մարմինը պարտապանին հանձնարարում է պարտատիրոջը վճարել որոշակի գումար (դեռևս չվճարված գումարներ կամ փոխհատուցում), ապա
 - ա) վճարումը կատարվում է այն ժամանակ, երբ պարտապանը պարտատիրոջը վճարում է հանձնարարված ամբողջ գումարը (ներառյալ ցանկացած կիրառելի տոկոսները);
 - բ) վճարումը կատարված չի համարվում, եթե պարտապանը ցանկացած միակողմանի նվազեցում է կատարում հանձնարարված ամբողջ գումարից (ներառյալ ցանկացած կիրառելի տոկոսները):
3. Հետևյալ գործողությունները չեն հակադրվում Հոդված 19-ով, Հոդված 14³-ով, Հոդված 24-ով կամ Հավելված 9-ի 20-րդ դրույթով սահմանված գրանցման արգելքին.



ա) պրոֆեսիոնալ ֆուտբոլիստի վարձակալությունից վերադարձ՝ բացառապես այն դեպքերում, երբ վարձակալության պայմանագիրն ավարտվում է սահմանված ժամկետում;

բ) պրոֆեսիոնալ ֆուտբոլիստի վարձակալության պայմանագրի երկարաձգում՝ վարձակալության պայմանագրով սահմանված ժամկետի ավարտից հետո;

գ) պրոֆեսիոնալ ֆուտբոլիստի վերջնական գրանցում, որը ժամանակավորապես գրանցվել էր ակումբում նախքան գրանցման արգելքի կիրառումը;

դ) պրոֆեսիոնալ ֆուտբոլիստի գրանցում, որը նախքան գրանցման արգելքի կիրառումն արդեն իսկ գրանցվել էր ակումբում որպես սիրողական ֆուտբոլիստ:

Գլուխ VII. Եզրափակիչ դրույթներ

Հոդված 25. Կանոնակարգի ուժի մեջ մտնելը

1. Սույն կանոնակարգը հաստատվել է Գործադիր կոմիտեի կողմից և ուժի մեջ է մտել 11.07.2022թ.-ին:
2. Սույն կանոնակարգի՝ ուժի մեջ մտնելու պահից ուժը կորցրած է ճանաչվել 09.07.2021թ.-ի ՀՖՖ Ֆուտբոլիստների կարգավիճակի և տեղափոխության կանոնակարգը և հետագայում դրանում կատարված բոլոր փոփոխությունները:
3. Սույն կանոնակարգով չնախատեսված դեպքերում, ինչպես նաև ֆորս-մաժորային իրավիճակներում որոշումը կայացվում է ՀՖՖ Գործադիր կոմիտեի կողմից, ում որոշումը վերջնական է:
4. Նախքան սույն կանոնակարգի ուժի մեջ մտնելը ծագած իրավահարաբերությունների նկատմամբ կիրառելի է 09.07.2021թ.-ի ՀՖՖ Ֆուտբոլիստների կարգավիճակի և տեղափոխության կանոնակարգը:

Հոդված 26. Պատասխանատվությունը՝ կանոնակարգի դրույթները խախտելու համար

Սույն կանոնակարգի դրույթների խախտման, չկատարման կամ ոչ պատշաճ կատարման դեպքերում ֆուտբոլային սուբյեկտները ենթարկվում են կարգապահական պատժամիջոցների սույն կանոնակարգի Հավելված 9-ի և/կամ ՀՖՖ գործող կանոնակարգերի դրույթների համապատասխան:



ՀԱՎԵԼՎԱԾ 1. Ֆուտբոլիստների ազատ արձակումը ՀՀ Ազգային հավաքականներում հանդես գալու համար

Հոդված 1. Կանոններ

1. ՀՖՖ կողմից հրավերի առկայության դեպքում ակումբները պարտավոր են ՀՀ ազգային հավաքականներին տրամադրել իրենց մոտ գրանցված այն ֆուտբոլիստներին, ովքեր, ունենալով համապատասխան քաղաքացիություն, իրավասու են հանդես գալու ՀՀ ազգային հավաքականում: Ֆուտբոլիստի և ակումբի միջև նշված դրույթը սահմանափակող ցանկացած այլ համաձայնագիր առոչինչ է:
2. Սույն հոդվածի առաջին կետի համաձայն՝ ֆուտբոլիստների ազատ արձակումը պարտադիր է Միջազգային խաղերի հաստատված խաղացանկում ընդգրկված բոլոր «միջազգային պատուհան»-ների համար (տե՛ս սույն հոդվածի 3-րդ և 4-րդ կետերը), ինչպես նաև ՖԻՖԱ-ի Աշխարհի Գավաթի եզրափակիչ մրցաշարերի, ՖԻՖԱ-ի Կոնֆեդերացիաների Գավաթի և Կոնֆեդերացիաների ազգային հավաքականների առաջնությունների համար, եթե համապատասխան ասոցիացիան կազմակերպիչ կոնֆեդերացիայի անդամ է:
3. Համապատասխան անդամների հետ խորհրդակցելուց հետո ՖԻՖԱ-ն հրապարակում է միջազգային խաղերի հաստատված խաղացանկը՝ չորս կամ ութ տարի ժամկետով: Այն ներառում է տվյալ շրջանում նախատեսված բոլոր միջազգային պատուհանները (տե՛ս սույն հոդվածի 4-րդ կետը): Միջազգային խաղերի հաստատված խաղացանկի հրապարակումից հետո ավելացվում են միայն ՖԻՖԱ-ի Աշխարհի Գավաթի, ՖԻՖԱ-ի Կոնֆեդերացիաների Գավաթի ու Կոնֆեդերացիաների ազգային հավաքականների առաջնությունների եզրափակիչ մրցաշարերը:
4. «Միջազգային պատուհան»-ը իննօրյա ժամանակահատված է, որը հատկացվում է ազգային հավաքականների խաղերի անցկացման համար: Այն սկսվում է երկուշաբթի առավոտյան և ավարտվում՝ հաջորդ շաբաթվա երեքշաբթի գիշերը: Ցանկացած «միջազգային պատուհան»-ի ժամանակ յուրաքանչյուր ազգային հավաքական կարող է անցկացնել առավելագույնը երկու խաղ՝ անկախ այն հանգամանքից՝ խաղերը միջազգային մրցաշարի որակավորման փուլի, թե՛ ընկերական խաղեր են: Միջազգային պատուհանի ընթացքում տեղի ունեցող նշված խաղերը կարող են անցկացվել ցանկացած օր՝ սկսած չորեքշաբթի օրվանից՝ այն պայմանով, որ երկու իրար հաջորդող խաղերի միջև ընկած կլինի օրացուցային ամբողջական երկու օր (օրինակ՝ հինգշաբթի/կիրակի կամ շաբաթ/երեքշաբթի):
5. Հավաքական թիմերը պետք է անցկացնեն «միջազգային պատուհան»-ի ընթացքում ընկած 2 հանդիպումները նույն կոնֆեդերացիայի տարածքում, բացառությամբ՝ միջմայրցամաքային անցումային (փլեյ-օֆֆ) խաղերի: Եթե երկու խաղերից առնվազն մեկն ընկերական է, դրանք կարող են անցկացվել երկու տարբեր կոնֆեդերացիաներում, միայն եթե խաղերի անցկացման երկու վայրերի միջև թոչիքի հեռավորությունը, համաձայն ավիարնկերության պաշտոնական չվացուցակի և երկու ժամային գոտիների, չի գերազանցում 5 ժամը:
6. Համաձայն սույն հոդվածի 2-րդ կետի՝ ասոցիացիան պարտավոր է ազատ արձակել ֆուտբոլիստներին միջազգային խաղերի հաստատված խաղացանկում ընդգրկված «միջազգային պատուհանի» կամ եզրափակիչ մրցաշարերի ընթացքում: Մնացած



դեպքերում ֆուտբոլիստների ազատ արձակումը պարտադիր չէ: Ասոցիացիան նաև պարտավոր չէ ազատ արձակել միննույն ֆուտբոլիստին ազգային հավաքականի կազմում տարեկան մեկից ավելի եզրափակիչ մրցաշարի մասնակցելու համար: Տվյալ կանոնի վերաբերյալ բացառությունները հաստատվում են ՖԻՖԱ-ի Գործադիր կոմիտեի կողմից միայն ՖԻՖԱ-ի Կոնֆեդերացիաների Գավաթի համար:

7. «Միջազգային պատուհան»-ների համար ֆուտբոլիստները պետք է ազատ արձակվեն և միանան իրենց երկրի ազգային հավաքականին ոչ ուշ, քան երկուշաբթի առավոտյան և վերադառնան իրենց ակումբ ոչ ուշ, քան «միջազգային պատուհան»-ին հաջորդող չորեքշաբթի առավոտյան: Եզրափակիչ մրցաշարերի համար, համաձայն սույն հոդվածի 2-րդ և 3-րդ կետերի, ֆուտբոլիստները պետք է ազատ արձակվեն իրենց երկրի ազգային հավաքականին միանալու նպատակով ոչ ուշ, քան եզրափակիչ մրցաշարին նախորդող շաբաթվա երկուշաբթի առավոտյան և ազատ արձակվեն ասոցիացիայի կողմից մրցաշարում իրենց թիմի անցկացրած վերջին խաղի հաջորդ օրը՝ առավոտյան:
8. Ակումբները և ասոցիացիաները կարող են համաձայնության գալ ֆուտբոլիստին ավելի երկար ժամկետով ազատ արձակելու կամ համաձայն 7-րդ կետի՝ այլ գործողությունների վերաբերյալ:
9. Համաձայն սույն հոդվածի դրույթների՝ ֆուտբոլիստները, ովքեր ազատ են արձակվել իրենց ազգային հավաքականներին միանալու նպատակով, պետք է վերադառնան իրենց ակումբներ ազատ արձակման ժամկետի ավարտից ոչ ուշ, քան 24 ժամ հետո: Տվյալ ժամանակահատվածը կարող է երկարաձգվել մինչև 48 ժամ, եթե ազգային հավաքականների խաղերը տեղի են ունեցել ոչ այն կոնֆեդերացիայում, որտեղ գրանցված է ֆուտբոլիստի ակումբը: Ակումբները պետք է գրավոր տեղեկացվեն ֆուտբոլիստի մեկնելու և վերադառնալու չվացուցակի մասին՝ ազատ արձակման ժամանակահատվածի սկսելուց 10 օր առաջ: Ասոցիացիաները պետք է երաշխավորեն խաղից հետո ֆուտբոլիստների ժամանակին վերադարձն իրենց ակումբներ:
10. Եթե ֆուտբոլիստը չի վերադառնում իր ակումբ մինչև սույն հոդվածում նշված վերջնաժամկետը, ապա համապատասխան հարցման դեպքում ՖԻՖԱ-ի Ֆուտբոլիստների կարգավիճակի կոմիտեն կարող է որոշում կայացնել, համաձայն որի՝ հաջորդ անգամ ազգային հավաքականին միանալու նպատակով ֆուտբոլիստին ազատ արձակելու ժամանակահատվածը կրճատվում է՝

ա) «միջազգային պատուհան»-ի համար՝ 2 օրով,

բ) միջազգային մրցաշարի եզրափակիչ մրցումների համար՝ 5 օրով:

11. Եթե ասոցիացիան շարունակաբար խախտում է նշված դրույթները, ապա ՖԻՖԱ-ի Ֆուտբոլիստների կարգավիճակի կոմիտեն իրավասու է կիրառել հետևյալ պատժամիջոցները՝

ա) տուգանքներ,

բ) ֆուտբոլիստին (ֆուտբոլիստներին) ազատ արձակելու ժամանակահատվածի կրճատում,



զ) ազգային հավաքականներում հանդես գալու նպատակով ֆուտբոլիստի (ֆուտբոլիստների) ազատ արձակման արգելք:

Հոդված 1'. Կանանց ֆուտբոլի կանոններ

1. ՀՖՖ կողմից հրավերի առկայության դեպքում ակումբները պարտավոր են տրամադրել իրենց մոտ գրանցված իգական սեռի ֆուտբոլիստներին ՀՀ ազգային հավաքականներում հանդես գալու համար: Նշված դրույթին հակասող ցանկացած այլ համաձայնություն իգական սեռի ֆուտբոլիստի և ակումբի միջև առոչինչ է:
2. Սույն հոդվածի առաջին կետի համաձայն՝ իգական սեռի ֆուտբոլիստների ազատ արձակումը պարտադիր է Կանանց միջազգային խաղերի հաստատված խաղացանկում ընդգրկված բոլոր «միջազգային պատուհան»-ների համար (տե՛ս սույն հոդվածի 3-րդ և 4-րդ կետերը), ինչպես նաև ՖԻՖԱ-ի Կանանց Աշխարհի Գավաթի եզրափակիչ մրցաշարերի, Կանանց Ֆուտբոլի Օլիմպիական մրցաշարի, Կոնֆեդերացիաների կանանց ազգային հավաքականների առաջնությունների համար, եթե համապատասխան ասոցիացիան կազմակերպիչ կոնֆեդերացիայի անդամ է, և Կանանց Ֆուտբոլի Օլիմպիական մրցաշարի մասնակցության իրավունք սովոր կոնֆեդերացիաների որակավորման եզրափակիչ մրցաշարերի համար (12 օր ազատ արձակման առավելագույն ժամկետով):
3. Համապատասխան անդամների հետ խորհրդակցելուց հետո ՖԻՖԱ-ն հրապարակում է կանանց միջազգային խաղերի հաստատված խաղացանկը՝ չորս տարի ժամկետով: Այն ներառում է տվյալ շրջանում նախատեսված բոլոր միջազգային պատուհանները (տե՛ս սույն հոդվածի 4-րդ կետը), ինչպես նաև ՖԻՖԱ-ի Կանանց Աշխարհի Գավաթի եզրափակիչ մրցաշարերը, Կանանց Ֆուտբոլի Օլիմպիական մրցաշարը, կոնֆեդերացիաների կանանց ազգային հավաքականների առաջնությունների, ինչպես նաև Կանանց Ֆուտբոլի Օլիմպիական մրցաշարի համար անցկացվող կոնֆեդերացիաների եզրափակիչ փուլի որակավորման մրցաշարերի համար նախատեսված ամրագրված ժամանակահատվածները (blocked periods): Կանանց միջազգային խաղերի հաստատված խաղացանկի հրապարակումից հետո ամրագրված ժամանակահատվածում ավելացվում են միայն Կոնֆեդերացիաների կանանց ազգային հավաքականների առաջնությունների և Կանանց Ֆուտբոլի Օլիմպիական մրցաշարի համար անցկացվող կոնֆեդերացիաների եզրափակիչ փուլի որակավորման մրցաշարերի համար նախատեսված հատուկ օրերը: Կոնֆեդերացիաների կանանց ազգային հավաքականների առաջնությունները և Կանանց Ֆուտբոլի Օլիմպիական մրցաշարի եզրափակիչ փուլի որակավորման մրցաշարերը պետք է անցկացվեն համապատասխանաբար սահմանված «ամրագրված ժամանակահատված»-ների ընթացքում: Կոնֆեդերացիաները պարտավոր են գրավոր տեղեկացնել ՖԻՖԱ-ին «հատուկ օրեր»-ի մասին՝ կանանց ազգային հավաքականների համապատասխան առաջնություններից կամ եզրափակիչ փուլի մրցաշարից առնվազն 2 տարի առաջ:
4. «Միջազգային պատուհանները» լինում են 3 տեսակի՝

ա) առաջին տեսակը սահմանվում է որպես իննօրյա ժամանակահատված, որը սկսում է երկուշաբթի առավոտյան և ավարտվում ազգային հավաքականների ելույթներին հաջորդող շաբաթվա երեքշաբթի գիշերը: Առաջին տեսակի «միջազգային



պատուհան»-ի ժամանակ յուրաքանչյուր ազգային հավաքական կարող է անցկացնել առավելագույնը երկու խաղ՝ անկախ այն հանգամանքից՝ խաղերը միջազգային մրցաշարի որակավորման փուլի, թե ընկերական խաղեր են: «Միջազգային պատուհան»-ի ընթացքում տեղի ունեցող նշված խաղերը կարող են անցկացվել ցանկացած օր՝ սկսած չորեքշաբթի օրվանից, այն պայմանով, որ երկու իրար հաջորդող խաղերի միջև ընկած կլինի օրացույցային ամբողջական երկու օր (օր.՝ հինգշաբթի/կիրակի կամ շաբաթ/ երեքշաբթի):

բ) երկրորդ տեսակը սահմանվում է որպես տասնօրյա ժամանակահատված, որը սկսում է երկուշաբթի առավոտյան և ավարտվում ազգային հավաքականների մասնակցությամբ ընկերական մրցաշարերին և որակավորման խաղերին հաջորդող շաբաթվա չորեքշաբթի գիշերը: Երկրորդ տեսակի «միջազգային պատուհան»-ի ժամանակ յուրաքանչյուր ազգային հավաքական կարող է անցկացնել առավելագույնը երեք խաղ: Տվյալ խաղերը կարող են անցկացվել միջազգային պատուհանի ընթացքում ցանկացած օր՝ սկսած հինգշաբթի օրվանից, եթե երկու խաղերի միջև առկա է առնվազն երկու ամբողջական օրացույցային օր (օր.՝ հինգշաբթի/կիրակի/չորեքշաբթի):

գ) երրորդ տեսակը սահմանվում է որպես տասներեքօրյա ժամանակահատված, որը սկսում է երկուշաբթի առավոտյան և ավարտվում բացառապես կոնֆեդերացիաների կանանց ազգային հավաքականների առաջնությունների որակավորման խաղերին հաջորդող շաբաթվա շաբաթ գիշերը: Երրորդ տեսակի «միջազգային պատուհան»-ի ժամանակ յուրաքանչյուր ազգային հավաքական կարող է անցկացնել առավելագույնը չորս խաղ: Տվյալ խաղերը կարող են անցկացվել միջազգային պատուհանի ընթացքում ցանկացած օր՝ սկսած հինգշաբթի օրվանից, եթե երկու խաղերի միջև առկա է առնվազն երկու ամբողջական օրացույցային օր (օրինակ՝ հինգշաբթի/կիրակի/չորեքշաբթի/շաբաթ): Սույն հոդվածի 2-րդ կետի համաձայն՝ «միջազգային պատուհան»-ից դուրս կամ կանանց ֆուտբոլի միջազգային խաղացանկի մեջ ներառված և նշված մրցաշարերից դուրս իգական սեռի ֆուտբոլիստների ազատ արձակումը պարտադիր չէ:

5. Բոլոր երեք տեսակի «միջազգային պատուհան»-ների համար իգական սեռի ֆուտբոլիստները պետք է ազատ արձակվեն և միանան իրենց երկրի ազգային հավաքականին ոչ ուշ, քան երկուշաբթի առավոտյան, և վերադառնան իրենց ակումբ ոչ ուշ, քան «միջազգային պատուհան»-ին հաջորդող չորեքշաբթի (I տեսակի «միջազգային պատուհան»-ի համար), հինգշաբթի առավոտյան (II տեսակի «միջազգային պատուհան»-ի համար) կամ կիրակի առավոտյան (III տեսակի «միջազգային պատուհան»-ի համար):

Կանանց ֆուտբոլի Օլիմպիական մրցաշարի մասնակցության իրավունք տվող կոնֆեդերացիաների որակավորման եզրափակիչ մրցաշարերի համար իգական սեռի ֆուտբոլիստները պետք է ազատ արձակվեն ակումբի կողմից և միանան իրենց երկրի ազգային հավաքականին ոչ ուշ, քան եզրափակիչ մրցաշարի առաջին խաղից առաջ՝ երկուշաբթի առավոտյան, և ազատ արձակվեն ասոցիացիայի կողմից իրենց ակումբ վերադառնալու նպատակով մրցաշարում իրենց թիմի անցկացրած վերջին խաղի հաջորդ օրը՝ առավոտյան: Նշված որակավորման մրցաշարերի համար իգական սեռի



Ֆուտբոլիստների ազատ արձակման առավելագույն ժամանակահատվածը (երկուշաբթի առավոտյան մեկնելու և ասոցիացիայի կողմից ակումբ վերադառնալու նպատակով ազատ արձակվելու օրվա միջև ընկած ժամանակահատված) 16 օր է:

Եզրափակիչ այլ մրցաշարերի համար, համաձայն սույն հոդվածի 2-րդ և 3-րդ կետերի, իգական սեռի ֆուտբոլիստները պետք է ազատ արձակվեն ակումբի կողմից իրենց երկրի ազգային հավաքականին միանալու նպատակով ոչ ուշ, քան տվյալ եզրափակիչ մրցաշարի մեկնարկին նախորդող՝ երկուշաբթի առավոտյան, և ազատ արձակվեն ասոցիացիայի կողմից իրենց ակումբ վերադառնալու նպատակով մրցաշարում իրենց թիմի անցկացրած վերջին խաղի հաջորդ օրը՝ առավոտյան:

6. Ակումբները և ասոցիացիաները կարող են համաձայնության գալ իգական սեռի ֆուտբոլիստին ավելի երկար ժամկետով ազատ արձակելու կամ 6-րդ կետին առնչվող այլ գործողությունների վերաբերյալ:

7. Համաձայն սույն հոդվածի դրույթների՝ իգական սեռի ֆուտբոլիստները, ովքեր ազատ են արձակվել իրենց ազգային հավաքականներին միանալու նպատակով, պետք է վերադառնան իրենց ակումբներ ազատ արձակման ժամկետի ավարտից ոչ ուշ, քան 24 ժամ հետո: Տվյալ ժամանակահատվածը կարող է երկարաձգվել մինչև 48 ժամ, եթե ազգային հավաքականների խաղերը տեղի են ունեցել ոչ այն կոնֆեդերացիայում, որտեղ գրանցված է իգական սեռի ֆուտբոլիստի ակումբը: Ակումբները պետք է գրավոր տեղեկացվեն իգական սեռի ֆուտբոլիստի մեկնելու և վերադառնալու չվացուցակի մասին՝ ազատ արձակման ժամանակահատվածի սկսելուց 10 օր առաջ: Ասոցիացիաները պետք է երաշխավորեն, որ իգական սեռի ֆուտբոլիստները ժամանակին կվերադառնան իրենց ակումբներ:

8. Եթե իգական սեռի ֆուտբոլիստը չի վերադառնում իր ակումբ մինչև սույն հոդվածում նշված վերջնաժամկետը, ապա համապատասխան հարցման դեպքում ՖԻՖԱ-ի Ֆուտբոլիստների կարգավիճակի կոմիտեն կարող է որոշում կայացնել, որի համաձայն՝ հաջորդ անգամ ազգային հավաքականին միանալու նպատակով իգական սեռի ֆուտբոլիստին ազատ արձակելու ժամանակահատվածը կրճատվում է՝

ա) «միջազգային պատուհան»-ի համար՝ 2 օրով,

բ) միջազգային մրցաշարի եզրափակիչ մրցումների համար՝ 5 օրով:

9. Եթե ասոցիացիան շարունակաբար խախտում է նշված դրույթները, ապա ՖԻՖԱ-ի Ֆուտբոլիստների կարգավիճակի կոմիտեն իրավասու է կիրառել հետևյալ պատժամիջոցները՝

ա) տուգանքներ,

բ) իգական սեռի ֆուտբոլիստի (ֆուտբոլիստների) ազատ արձակման ժամանակահատվածի կրճատում,

գ) ազգային հավաքականներում հանդես գալու նպատակով իգական սեռի ֆուտբոլիստին (ֆուտբոլիստներին) ազատ արձակելու արգելք:



Հոդված 1². Ֆուտզալի կանոններ

1. ՀՖՖ կողմից հրավերի առկայության դեպքում ակումբները պարտավոր են տրամադրել իրենց մոտ գրանցված Ֆուտզալի ֆուտբոլիստներին (այսուհետ՝ ֆուտբոլիստ) Հայաստանի Ֆուտզալի ազգային հավաքականում հանդես գալու համար: Նշված դրույթը սահմանափակող ցանկացած այլ համաձայանությունն ֆուտբոլիստի և ակումբի միջև առոչինչ է:
2. Սույն հոդվածի առաջին կետի համաձայն՝ ֆուտբոլիստների ազատ արձակումը պարտադիր է Ֆուտզալի միջազգային խաղերի հաստատված խաղացանկում ընդգրկված բոլոր «միջազգային պատուհանների» համար (տե՛ս սույն հոդվածի 3-րդ և 4-րդ կետերը), ինչպես նաև ՖԻՖԱ-ի Ֆուտզալի Աշխարհի Գավաթի եզրափակիչ մրցաշարերի և Կոնֆեդերացիաների ազգային հավաքականների առաջնությունների համար, եթե համապատասխան ասոցիացիան կազմակերպիչ կոնֆեդերացիայի անդամ է:
3. Համապատասխան անդամների հետ խորհրդակցելուց հետո ՖԻՖԱ-ն հրապարակում է ֆուտզալի միջազգային խաղերի հաստատված խաղացանկը՝ հինգ տարի ժամկետով: Այն ներառում է տվյալ շրջանում նախատեսված բոլոր միջազգային պատուհանները (տե՛ս սույն հոդվածի 4-րդ կետը): Ֆուտզալի միջազգային խաղերի հաստատված խաղացանկի հրապարակումից հետո ավելացվում են միայն ՖԻՖԱ-ի Ֆուտզալի Աշխարհի Գավաթի և Կոնֆեդերացիաների ազգային հավաքականների առաջնությունների եզրափակիչ մրցաշարերը:
4. Ֆուտզալի «միջազգային պատուհան»-ները լինում են 2 տեսակի՝

ա) առաջին տեսակը սահմանվում է որպես տասնօրյա ժամանակահատված, որը սկսում է երկուշաբթի առավոտյան և ավարտվում ֆուտզալի ազգային հավաքականների ելույթներին հաջորդող շաբաթվա չորեքշաբթի գիշերը:

Առաջին տեսակի «միջազգային պատուհան»-ի ժամանակ յուրաքանչյուր ազգային հավաքական կարող է անցկացնել առավելագույնը չորս խաղ՝ անկախ այն հանգամանքից՝ խաղերը միջազգային մրցաշարի որակավորման փուլի, թե ընկերական խաղեր են: Առաջին տեսակի «միջազգային պատուհան»-ի ժամանակ ազգային հավաքականները կարող են անցկացնել առավելագույնը չորս խաղ՝ ոչ ավել, քան երկու կոնֆեդերացիայում:

բ) երկրորդ տեսակը բնութագրվում է որպես քառօրյա ժամանակահատված, որը սկսում է կիրակի առավոտյան և ավարտվում ֆուտզալի ազգային հավաքականների ելույթներին հաջորդող շաբաթվա չորեքշաբթի գիշերը: Երկրորդ տեսակի «միջազգային պատուհան»-ի ժամանակ յուրաքանչյուր ազգային հավաքական կարող է անցկացնել առավելագույնը երկու խաղ՝ անկախ այն հանգամանքից՝ խաղերը միջազգային մրցաշարի որակավորման փուլի, թե ընկերական խաղեր են:

Երկրորդ տեսակի «միջազգային պատուհան»-ի ժամանակ ազգային հավաքականները նույն կոնֆեդերացիայի տարածքում կարող են անցկացնել առավելագույնը երկու խաղ:



5. Համաձայն սույն հոդվածի 2-րդ կետի՝ ֆուտբոլիստների ազատ արձակումը պարտադիր չէ ֆուտբոլի միջազգային խաղերի հաստատված խաղացանկում ընդգրկված միջազգային պատուհանից դուրս կամ եզրափակիչ մրցաշարերից դուրս:
6. Նշված երկու տեսակի «միջազգային պատուհան»-ների համար ֆուտբոլիստները պետք է ազատ արձակվեն և միանան իրենց երկրի ազգային հավաքականին ոչ ուշ, քան պատուհանի առաջին կիրակի կամ երկուշաբթի առավոտյան, և վերադառնան իրենց ակումբ ոչ ուշ, քան «միջազգային պատուհան»-ի փակմանը հաջորդող հինգշաբթի առավոտյան: Կոնֆեդերացիաների ազգային հավաքականների առաջնությունների եզրափակիչ մրցաշարերի համար ֆուտբոլիստները պետք է ազատ արձակվեն իրենց երկրի ազգային հավաքականին միանալու նպատակով ոչ ուշ, քան եզրափակիչ մրցաշարի առաջին խաղից 12 օր առաջ՝ առավոտյան, և ազատ արձակվեն ասոցիացիայի կողմից իրենց ակումբ վերադառնալու նպատակով մրցաշարում իրենց թիմի անցկացրած վերջին խաղի հաջորդ օրը՝ առավոտյան: ՖԻՖԱ-ի Ֆուտբոլի Աշխարհի Գավաթի համար ֆուտբոլիստները պետք է ազատ արձակվեն և միանան իրենց երկրի ազգային հավաքականին Աշխարհի գավաթի մեկնարկից 14 օր առաջ՝ առավոտյան, և ազատ արձակվեն ասոցիացիայի կողմից իրենց ակումբ վերադառնալու նպատակով մրցաշարում իրենց թիմի անցկացրած վերջին խաղի հաջորդ օրը՝ առավոտյան:
7. Ակումբները և ասոցիացիաները կարող են համաձայնության գալ ֆուտբոլիստին ավելի երկար ժամկետով ազատ արձակելու կամ սույն հոդվածի 6-րդ կետին առնչվող այլ գործողությունների վերաբերյալ:
8. Համաձայն սույն հոդվածի դրույթների՝ ֆուտբոլիստները, ովքեր ազատ են արձակվել իրենց ազգային հավաքականներին միանալու նպատակով, պետք է վերադառնան իրենց ակումբներ ազատ արձակման ժամկետի ավարտից ոչ ուշ, քան 24 ժամ հետո: Տվյալ ժամանակահատվածը կարող է երկարաձգվել մինչև 48 ժամ, եթե ազգային հավաքականների խաղերը տեղի են ունեցել ոչ այն կոնֆեդերացիայում, որտեղ գրանցված է ֆուտբոլիստի ակումբը: Ակումբները պետք է գրավոր տեղեկացվեն ֆուտբոլիստի մեկնելու և վերադառնալու չվացուցակի մասին ազատ արձակման ժամանակահատվածի սկսելուց 10 օր առաջ: Ասոցիացիաները պետք է երաշխավորեն, որ ֆուտբոլիստները ժամանակին կվերադառնան իրենց ակումբներ:
9. Եթե ֆուտբոլիստը չի վերադառնում իր ակումբ մինչև սույն հոդվածում նշված վերջնաժամկետը, ապա համապատասխան հարցման դեպքում ՖԻՖԱ-ի Ֆուտբոլիստների կարգավիճակի կոմիտեն կարող է որոշում կայացնել, որի համաձայն՝ հաջորդ անգամ ազգային հավաքականին միանալու նպատակով ֆուտբոլիստին ազատ արձակելու ժամանակահատվածը կրճատվում է՝

ա) «միջազգային պատուհան»-ի համար՝ 2 օրով,

բ) միջազգային մրցաշարի եզրափակիչ մրցումների համար՝ 5 օրով:

10. Եթե ասոցիացիան շարունակաբար խախտում է նշված դրույթները, ապա ՖԻՖԱ-ի Ֆուտբոլիստների կարգավիճակի կոմիտեն իրավասու է կիրառել հետևյալ պատժամիջոցները՝

ա) տուգանքներ,



- բ) ֆուտբոլիստի (ֆուտբոլիստների) ազատ արձակման ժամանակահատվածի կրճատում,
- գ) ազգային հավաքականներում հանդես գալու նպատակով ֆուտբոլիստին (ֆուտբոլիստներին) ազատ արձակելու արգելք:

Հոդված 2. Ֆինանսական դրույթներն ու ապահովագրությունը

1. Ֆուտբոլիստին ազատ արձակած ակումբը, համաձայն սույն հավելվածի (Հավելված 1), իրավունք չունի ստանալու ֆինանսական փոխհատուցում:
2. ՀՖՖ-ն հոգում է ֆուտբոլիստների՝ ՀՀ Ազգային հավաքականներ (տղամարդկանց, կանանց, ֆուտզալի և այլն) ժամանման հետ կապված ծախսերը:
3. Ակումբը, որտեղ գրանցված է հրավիրված ֆուտբոլիստը, պատասխանատվություն է կրում ազատ արձակման, ամբողջ ժամանակահատվածում նրա հիվանդության և դժբախտ պատահարների, ինչպես նաև այն միջազգային խաղի (խաղերի) ընթացքում ստացած վնասվածքների ապահովագրման համար, որին հրավիրվել է:
4. Եթե պրոֆեսիոնալ ֆուտբոլիստն ազգային հավաքականի խաղին մասնակցելու նպատակով ազատ արձակման ժամանակահատվածում պատահաբար մարմնական վնասվածք է ստանում, որի արդյունքում ժամանակավորապես ամբողջովին անգործունակ է դառնում, ապա ակումբը, որտեղ գրանցված է ֆուտբոլիստը, ստանում է փոխհատուցում ՖԻՖԱ-ի կողմից: Վնասի փոխհատուցման պայմանները և ընթացակարգերը ամրագրված են Տեխնիկական բյուլետեն-ակումբների պաշտպանության ծրագրում:

Հոդված 3. Ֆուտբոլիստների հրավերը

1. Ակումբում գրանցված ֆուտբոլիստը պարտավոր է ընդունել ՀՖՖ հրավերը՝ Ազգային հավաքականներից որևէ մեկում հանդես գալու համար:
2. ՀՖՖ-ն ֆուտբոլիստին հավաքական հրավիրելու ցանկության դեպքում պետք է գրավոր տեղեկացնի ֆուտբոլիստին «միջազգային պատուհանի» (տե՛ս Հավելված 1-ի Հոդված 1-ի կետ 4-ը) այն խաղից առնվազն 15 օր առաջ, որին նա հրավիրվում է մասնակցելու: Եթե ՀՖՖ-ն ցանկանում է ֆուտբոլիստին հրավիրել միջազգային մրցաշարի եզրափակիչ մրցումներին մասնակցելու համար, ապա պետք է այդ մասին գրավոր տեղեկացնի ֆուտբոլիստին վերջինիս ազատ արձակելու ժամանակահատվածի սկսելուց 15 օր առաջ: ՀՖՖ-ն, միաժամանակ, պարտավոր է այդ մասին գրավոր տեղեկացնել այն ակումբին, որտեղ ֆուտբոլիստը հանդես է գալիս՝ միննույն նամակն ուղարկելով նաև տվյալ հրավերի մեջ ընդգրկված ակումբի ասոցիացիային: Ակումբը պարտավոր է հաստատել ֆուտբոլիստի ազատ արձակումը հաջորդող 6 օրվա ընթացքում:
3. ՀՖՖ-ն իրավասու է դիմելու ՖԻՖԱ-ի օգնությանը արտերկրում հանդես եկող ֆուտբոլիստի ազատ արձակումը ստանալու նպատակով միայն հետևյալ դեպքերում՝



ա) ասոցիացիան, որտեղ տվյալ ֆուտբոլիստը գրանցված է, դրական միջամտություն չի ցուցաբերել գործընթացին,

բ) գործը հանձնվել է ՖԻՖԱ-ին այն խաղից առնվազն 5 օր առաջ, որին ֆուտբոլիստին հրավիրել էին մասնակցելու:

Հոդված 4. Վնասվածք ստացած ֆուտբոլիստները

Ֆուտբոլիստը, ով վատառողջության կամ վնասվածք ստանալու պատճառով չի կարող ընդունել ՀՖՖ հրավերը, վերջինիս պահանջի դեպքում պետք է անցնի բժշկական հետազոտություն: Բժշկի ընտրությունը կատարում է ՀՖՖ-ն: Ֆուտբոլիստի ցանկության դեպքում այդ բժշկական հետազոտությունն անցկացվում է այն վայրում, որտեղ նա գրանցված է:

Հոդված 5. Ֆուտբոլիստների՝ խաղերին մասնակցելու սահմանափակումը

Ֆուտբոլիստը, որը հրավիրվել է հանդես գալու Ազգային հավաքականներից որևէ մեկում, չի կարող առանց ՀՖՖ համաձայնության խաղալ իրեն գրանցած ակումբի կազմում այն ժամանակահատվածում, որում նա ազատ է արձակվել կամ պետք է ազատ արձակվեր՝ համաձայն սույն հավելվածի (Հավելված 1) կետերի: Ակումբի կազմում խաղալու այդ սահմանափակումը կարող է երկարաձգվել ևս 5 օրով:

Հոդված 6. Կարգապահական պատժամիջոցներ

Սույն հավելվածում նշված ցանկացած պայմանի խախտումը կհանգեցնի կարգապահական պատժամիջոցների կիրառման, ինչի շուրջ որոշումը կայացնում է ՖԻՖԱ-ի կարգապահական կոմիտեն՝ ՖԻՖԱ-ի Կարգապահական կանոնակարգի հիման վրա:



ՀԱՎԵԼՎԱԾ 2. Աշխատանքային պայմանագրի նվազագույն պահանջները

Հոդված 1. Պայմանագիրը և կողմերը

1. Ակումբի և ֆուտբոլիստի միջև պայմանագիրը պետք է կնքվի գրավոր և պատշաճ ստորագրված լինի երկու կողմերի կողմից: Անչափահաս ֆուտբոլիստի հետ պայմանագիր կնքելիս, այն պետք է նաև ստորագրվի նրա օրինական ներկայացուցչի կողմից:
2. Յուրաքանչյուր կողմին տրվում է պայմանագրի մեկական օրինակ:
3. Պայմանագրում նշվում են ֆուտբոլիստի անունը, ազգանունը, հայրանունը, ծննդյան թիվը, քաղաքացիությունը (երկքաղաքացիությունը), ինչպես նաև փաստացի բնակության վայրի ամբողջական հասցեն: Եթե ֆուտբոլիստը անչափահաս է, պայմանագրում պետք է, համապատասխանաբար, նշվեն նաև նրա օրինական ներկայացուցչի տվյալները:
4. Պայմանագրում նշվում են կազմակերպության տեղեկությունները անվանումը (ներառյալ՝ կազմակերպության լրիվ անվանումը, կազմակերպչաիրավական ձևը, գրանցման համարը, ՀՎՀՀ-ն և գտնվելու վայրի հասցեն), ինչպես նաև ակումբը ներկայացնող անձի անունը, ազգանունը, հայրանունը, հասցեն: Պրոֆեսիոնալ ֆուտբոլիստի հետ պայմանագիր կարող է կնքել միայն ֆուտբոլային ակումբը ներկայացնող համապատասխան կազմակերպչաիրավական ձև ունեցող կազմակերպությունը (իրավաբանական անձը): Համաձայն ակումբների արտոնագրման ազգային կանոնակարգի/ձեռնարկի՝ նման կազմակերպությունը հանդիսանում է որպես արտոնագրման թեկնածու: Այն պետք է հանդիսանա ազգային ասոցիացիայի և/կամ պրոֆեսիոնալ լիգայի ուղղակի կամ անուղղակի անդամ և գրանցված լինի: Այլ կազմակերպություն չի կարող ֆուտբոլիստի հետ պայմանագիր կնքել առանց կոմպետենտ ազգային ֆուտբոլային մարմնի և/կամ ՖԻՖԱ-ի գրավոր համաձայնության:
5. Պայմանագրում պետք է հստակ սահմանվեն պայմանագրի ուժի մեջ մտնելու սկիզբը (օր/ ամիս/տարի) և ավարտը: Ցանկացած վաղաժամկետ դադարեցում պետք է լինի օրենքով և Կանոնակարգով նախատեսված:
6. Պայմանագրում պետք է նշվեն նաև այն անձանց տվյալները, ովքեր ներգրավված են եղել բանակցություններում կամ պայմանագրի կնքման գործընթացում (ֆուտբոլիստի օրինական ներկայացուցիչ, ֆուտբոլիստի միջնորդ, թարգմանիչ և այլն): Առանց միջնորդի պայմանագիր կնքելու հանգամանքը ևս պետք է ամրագրվի պայմանագրում:
7. Աշխատանքային պայմանագրում պետք է ներառվեն կողմերի իրավունքները և պարտականությունները:
8. Օտարերկրացի ֆուտբոլիստի հետ կնքվող աշխատանքային պայմանագրում պետք է ներառվեն նաև օտարերկրացի ֆուտբոլիստի և նրա ընտանիքի անդամների՝ Հայաստանի Հանրապետություն փոխադրման, սոցիալական ապահովության և ապահովագրության, դիմավորման, կացարանով ապահովման և բնակության վայրում հաշվառման և վերադարձի հետ կապված հարցերը:



9. Պայմանագրի ցանկացած փոփոխություն պետք է կատարվի երկկողմանի ստորագրությամբ մեկ փաստաթուղթ կազմելու միջոցով և որպես անբաժանելի մաս՝ կցվի հիմնական պայմանագրին:

Հոդված 2. Ակումբի պարտականությունները

1. Պայմանագիրը պետք է ամբողջ ծավալով սահմանի ակումբի ֆինանսական պարտականությունները, այդ թվում՝ փոխհատուցումները: Մասնավորապես՝
 - աշխատավարձ,
 - ֆինանսական այլ եկամուտներ (բոնուսներ, պարգևատրումներ և այլն),
 - ոչ ֆինանսական եկամուտներ (մեքենա, բնակարան և այլն),
 - հիվանդության ու դժբախտ պատահարների դեպքում ֆուտբոլիստի ապահովագրություն (օրենքով պարտադիր) և վերջինիս անգործունակության դեպքում աշխատավարձի վճարում,
 - ֆուտբոլիստի կողմից արված ծախսերի փոխհատուցում:
2. Պայմանագիրը պետք է սահմանի գումարի վճարման ժամկետը և վճարման ձևը (կանխիկ, փոխանցումով և այլն): Պայմանագիրը կարող է կանոնակարգել նաև ֆինանսական դրույթների փոփոխության հնարավորություն՝ կախված գործատուի եկամտի փոփոխություններից (առաջխաղացում, ռեգրես):
3. Պայմանագիրը պետք է երաշխավորի երիտասարդ ֆուտբոլիստների ոչ ֆուտբոլային (մարզական) կրթությունը (պարտադիր միջնակարգ դպրոց) անարգել շարունակելու իրավունքը:
4. Պայմանագիրը պետք է սահմանի ֆուտբոլիստի տարեկան արձակուրդի իրավունքը՝ (նվազագույնը 20 աշխատանքային օր): Արձակուրդի ժամկետը պետք է համաձայնեցվի ակումբի հետ նախօրոք և լինի ակումբի ֆուտբոլային կանոնավոր մրցաշրջանից հետո:
5. Պայմանագիրը պետք է ներառի առողջապահության և անվտանգության ասպարեզում ակումբի կողմից վարվող քաղաքականության վերաբերյալ դրույթներ՝ հիվանդության ու դժբախտ պատահարների դեպքում ֆուտբոլիստի ՀՀ օրենքով սահմանված կարգով ապահովագրման և բժշկական կանոնավոր զննման մասին:
6. Պայմանագիրը կանոնակարգում է նաև վնասվածքի մասին համապատասխան գրառումների պահպանումը (ներառյալ ազգային թիմում ստացված վնասվածքների)՝ միաժամանակ պահպանելով գաղտնիություն: Եթե օրենքն այլ բան չի նախատեսում, ապա, որպես կանոն, վնասվածքի մասին գրառումները պահվում են թիմի պատասխանատու բժշկի մոտ:
7. Պայմանագիրը պետք է սահմանի դրույթ, ըստ որի ակումբը պարտավորվում է ղեկավարվել ՖԻՖԱ-ի, ՈՒԵՖԱ-ի, ՀՖՖ-ի, ինչպես նաև ակումբի ներքին կանոնադրություններով և կանոնակարգերով:

Հոդված 3. Ֆուտբոլիստի պարտականությունները

1. Պայմանագիրը պետք է սահմանի ֆուտբոլիստի հետևյալ պարտականությունները՝



- մասնակցել հանդիպումներին ունակությունների առավելագույն դրսևորմամբ,
- մասնակցել մարզումներին և խաղի նախապատրաստական աշխատանքներին՝ համաձայն մարզչի հրահանգների,
- վարել առողջ ապրելակերպ, պահպանել ֆիզիկական պատրաստվածության բարձր ցուցանիշներ,
- հետևել ակումբի ղեկավարների հրահանգներին (ողջամիտ),
- հաճախել ակումբին վերաբերող բոլոր միջոցառումներին (լինի մարզական, թե առևտրային),
- ենթարկվել ակումբի ներքին կանոնակարգերին,
- դրսևորել մարզական պատշաճ վարքագիծ հանդիպումներին և ուսումնամարզական հավաքներին ներգրավված անձանց նկատմամբ, սովորել և կիրառել խաղի կանոնները և ենթարկվել խաղի պաշտոնյաների որոշումներին,
- զերծ մնալ ֆուտբոլային այլ միջոցառումներին մասնակցելուց, որոնք իրական վտանգ են ներկայացնում և անցկացվում են ակումբի անվտանգության համակարգից դուրս,
- ուշադիր լինել ակումբին պատկանող գույքի նկատմամբ և վերադարձնել այն պայմանագրի ավարտից հետո,
- հիվանդության և դժբախտ պատահարի դեպքում անմիջապես տեղեկացնել ակումբին և չընդունել որևէ այլ բժշկական միջամտություն՝ առանց ակումբի բժշկին տեղեկացնելու (բացառությամբ՝ անհետաձգելի իրավիճակների),
- ներկայացնել անաշխատունակության վերաբերյալ համապատասխան բժշկական փաստաթուղթ,
- ակումբի բժշկի պահանջով բժշկական կանոնավոր զննման ենթարկվել և ստանալ անհրաժեշտ բուժումներ,
- ենթարկվել ազգային ասոցիացիայի, լիգայի, ֆուտբոլիստների միության և ակումբի ցանկացած խտրականության դեմ վարվող քաղաքականության պայմաններին,
- չկատարել որևէ գործողություն, որը կարող է խոչընդոտել կամ խափանել ակումբի գործունեության բնականոն ընթացքը, արատավորել ակումբի բարի համբավը, (հարցազրույցներ և այլն),
- չկատարել խաղադրույքներ և չձավալել նմանատիպ այլ գործունեություն ֆուտբոլային ասպարեզում:

2. Պայմանագիրը պետք է սահմանի դրույթ, ըստ որի ֆուտբոլիստը պարտավորվում է ղեկավարվել ՖԻՖԱ-ի, ՈՒԵՖԱ-ի, ՀՖՖ-ի և Ակումբի ներքին կանոնադրություններով և կանոնակարգերով:
3. Ֆուտբոլիստի և ակումբի բժշկի տարակարծության դեպքում ֆուտբոլիստն իրավունք ունի ստանալու այլընտրանքային մասնագետի եզրակացություն: Տարբեր կարծիքների դեպքում երկու կողմերը համաձայնվում են ընդունել երրորդ՝ անկախ կարծիքը, որը դառնում է պարտադիր:

Հոդված 4. Հարկային պարտավորություններ

Պայմանագրում պետք է նախատեսված լինեն դրույթներ, որոնք վերաբերում են պայմանագրից բխող հարկային պարտավորությունները կատարելուն:



Հոդված 5. Իմիջային իրավունք

1. Ֆուտբոլիստը և ակումբը պետք է պայմանավորվեն ֆուտբոլիստի իմիջային իրավունքների օգտագործման վերաբերյալ:
2. Ֆուտբոլիստը, որպես կանոն, կարող է օգտագործել իր իմիջային իրավունքները (եթե կոնֆլիկտ չկա ակումբի հովանավորների/գործընկերների հետ), մինչդեռ ակումբը կարող է օգտագործել ֆուտբոլիստի իմիջային իրավունքները որպես ամբողջ թիմի մի մաս:

Հոդված 6. Վարձակալություն

Պայմանագիրը պետք է նախատեսի անհրաժեշտության դեպքում ֆուտբոլիստին այլ ակումբ վարձակալությամբ տեղափոխելու պայմանների վերաբերյալ դրույթներ՝ համաձայն գործող կանոնակարգերի:

Հոդված 7. Հակախթանիչներ

Պայմանագիրը պետք է ֆուտբոլիստի և ակումբի պարտականությունների մեջ ներառի հակախթանիչային կանոնակարգերին անխտիր ենթարկվելու վերաբերյալ դրույթներ:

Հոդված 8. Պայմանագրի լուծումը

1. Պայմանագիրը պետք է սահմանի դրույթ առ այն, որ այն դեպքում, երբ ֆուտբոլիստը կորցրել է աշխատունակությունը աշխատանքային խեղման /վնասվածք/ հետևանքով, որը ստացել է մարզումների, հավաքների, խաղերի կամ մրցուղևորության ժամանակ, նրա հետ կնքված աշխատանքային պայմանագիրն առանց ֆուտբոլիստի համաձայնության չի կարող լուծվել ակումբի նախաձեռնությամբ մինչև ֆուտբոլիստի աշխատունակության վերականգնումը կամ հաշմանդամության կարգի որոշումը:
2. Պայմանագիրը պետք է պայմաններ նախատեսի ՖԻՖԱ-ի, ՈՒԵՖԱ-ի և ՀՖՏ-ի համապատասխան կանոնադրությունների և կանոնակարգերի համաձայն պայմանագիրը վաղաժամկետ լուծելու վերաբերյալ:

Հոդված 9. Կոլեկտիվ պայմանագիր

Ակումբն ու ֆուտբոլիստը պարտավոր են կատարելու նախապես համաձայնեցված և ամբողջությամբ ստորագրված կոլեկտիվ պայմանագրի դրույթները:

Հոդված 10. Անձնական տվյալների մշակումը

1. Պայմանագիրը պետք է պարունակի դրույթներ առ այն, որ ֆուտբոլիստը տալիս է իր համաձայնությունը՝ «Անձնական տվյալների պաշտպանության մասին» ՀՀ օրենքի համաձայն ակումբի կողմից իր անձնական տվյալների մշակման վերաբերյալ:



2. Միաժամանակ պայմանագիրը պետք է դրույթներ պարունակի առ այն, որ ակումբը պարտավորվում է պահպանել անձնական տվյալների գաղտնիությունը ինչպես անձնական տվյալները մշակելու հետ առնչվող ծառայողական կամ աշխատանքային պարտականությունները կատարելու ընթացքում, այնպես էլ դրա ավարտից հետո:
3. Ֆուտբոլիստի անձնական տվյալները մշակելիս՝ ակումբը պարտավորվում է կատարել «Անձնական տվյալների պաշտպանության մասին» ՀՀ օրենքի 5-րդ գլխում ամրագրված անձնական տվյալներ մշակողի պարտականությունները:

Հոդված 11. Աշխատանքային պայմանագրի նվազագույն պահանջները չպահպանելու հետևանքները

1. Յուրաքանչյուր կողմ անձնական պատասխանատվություն է կրում սույն կանոնակարգով սահմանված պայմանագրի կայունության և պայմանագրի նվազագույն պահանջների պահպանման համար և կրում է այդ պահանջների չպահպանման բացասական հետևանքները:
2. ՎԼՊ-ն սույն հոդվածի 1-ին կետով նախատեսված դեպքերում իրավունք ունի կիրառելու այդպիսի խախտումների վերացման համապատասխան մեխանիզմներ:

Հոդված 12. Եզրափակիչ դրույթներ

1. Պայմանագրի եզրափակիչ դրույթներում պետք է նշվեն՝
 - կողմերի միջև առաջացած վեճերի կարգավորման եղանակները՝ ՀՀ գործող օրենսդրությանը, ՖԻՖԱ-ի, ՈՒԵՖԱ-ի, և ՀՖՖ գործող կանոնադրություններին և կանոնակարգերին համապատասխան,
 - նշում այն մասին, թե պայմանագրի որ տարբերակին է տրվում գերակայություն, եթե պայմանագիրը թարգմանվել է մեկից ավելի լեզուներով,
 - պայմանագրի գաղտնիությունը, քանի դեռ ազգային օրենսդրությամբ կամ ֆուտբոլային կանոնակարգերով չի նախատեսվում դրույթների հրապարակումը,
 - պայմանագրի օրինակների թիվը, ում են դրանք տրամադրվում,
 - պայմանագրին կցված հավելվածների թիվը (առկայության դեպքում),
 - նշում այն մասին, որ պայմանագրի որևէ դրույթի անվավերությունը չի հանգեցնում պայմանագրի մնացած դրույթների անվավերության,
 - պայմանագրի դրույթները կարող են փոփոխվել միայն կողմերի գրավոր համաձայնությամբ:



Տիպային օրինակ

ԱՇԽԱՏԱՆՔԱՅԻՆ ՊԱՅՄԱՆԱԳԻՐ

ք.Երևան

«__» . «_____».202__թ.

..... (այսուհետ «Ակումբ»), ի դեմս գործադիր տնօրեն, որը գործում է «Ակումբ»-ի կանոնադրության հիման վրա՝ մի կողմից, և ՀՀ քաղաքացի (այսուհետ «Ֆուտբոլիստ»)՝ մյուս կողմից, կնքեցին սույն պայմանագիրը հետևյալի մասին՝ Պայմանագրում պետք է նշվեն նաև այն անձանց տվյալները, ովքեր ներգրավված են եղել բանակցություններում կամ պայմանագրի կնքման գործընթացին (ֆուտբոլիստի օրինական ներկայացուցիչ, ֆուտբոլիստի գործակալ, թարգմանիչ և այլն): Առանց միջնորդի պայմանագիր կնքելու հանգամանքը ևս պետք է ամրագրվի պայմանագրում:

1. Հիմնական դրույթները

- 1.1 Սույն պայմանագրով «Ֆուտբոլիստ»-ը ընդունվում է Ակումբում աշխատանքի, պրոֆեսիոնալ կարգավիճակով:
- 1.2 «Ֆուտբոլիստ»-ի և «Ակումբ»-ի միջև փոխհարաբերությունները կարգավորվում են սույն պայմանագրով, ՀՀ գործող օրենսդրությամբ, «Ակումբ»-ի, ՀՖՖ-ի, ՈՒԵՖԱ-ի, ՖԻՖԱ-ի կանոնադրություններով և կանոնակարգերով:
- 1.3 «Ակումբ»-ը, ուր աշխատում է ֆուտբոլիստը, հանդիսանում է նրա հիմնական աշխատավայրը:
- 1.4 «Ֆուտբոլիստ»-ի աշխատաժամանակի տևողությունը չնորմավորված է: Աշխատանքը սկսելու տարին, ամիսը, ամսաթիվը _____:

2. «Ֆուտբոլիստ»-ի իրավունքները և պարտականությունները

- 2.1 «Ֆուտբոլիստ»-ը պարտավորվում է
 - 2.1.1 ընդունել վերոգրյալ կանոնադրություններն ու կանոնակարգերը և իր աշխատանքային գործունեության ընթացքում ղեկավարվել դրանցով,
 - 2.1.2 Ենթարկվել ՀՖՖ-ի, ՖԻՖԱ-ի, ՈՒԵՖԱ-ի ղեկավար մարմինների համապատասխան կանոնադրություններով և կանոնակարգերով՝ իրենց լիազորությունների շրջանակներում ընդունված որոշումներին, ինչպես նաև ենթարկվել ակումբի ներքին կանոնադրություններին ու կանոնակարգերին (ներառյալ անհրաժեշտության դեպքում Ակումբի Կարգապահական կանոնակարգին, որը մինչև պայմանագրի կնքումը ամբողջությամբ պետք է ներկայացվի ֆուտբոլիստին),
 - 2.1.3 ներդնել իր ողջ ներուժը և մարզական ունակությունները ի շահ Ակումբի, կատարել հնարավորինը՝ Ակումբին աջակցելու և Ակումբի հեղինակությունը ամրապնդելու համար, խուսափել ամեն տեսակի գործողություններից, որոնք կարող են որևէ կերպ վնաս հասցնել Ակումբին, մասնավորապես, այն միջոցառումներից առաջ (ընթացքում), որոնց վերջինս մասնակցում է,
 - 2.1.4 մասնակցել Ակումբի կողմից անցկացվող բոլոր խաղերին և մարզումներին, ֆուտբոլիստներին վերաբերող ցանկացած խորհրդակցության ու հանդիպման և



մրցաշարերին նախապատրաստվելու նպատակով կազմակերպվող բոլոր միջոցառումներին: Սա անհրաժեշտ պայման է նույնիսկ այն դեպքում, երբ նրա մասնակցությունը խաղին որպես հիմնական կազմի ֆուտբոլիստ կամ պահեստային ֆուտբոլիստ չի դիտարկվում,

2.1.5 իր ֆուտբոլային գործունեության ընթացքում վնասվածք ստանալու կամ վատառողջ լինելու դեպքում անմիջապես հայտնել Ակումբի բժշկին, տեղեկացնել Ակումբի կողմից նշանակված համապատասխան անձին կամ մարմինն բժշկի կատարած փորձաքննության արդյունքների մասին: Եթե ֆուտբոլիստը 3 օրից հետո չի կարողանում վերականգնել իր ֆիզիկական կայուն վիճակը կամ առողջական վիճակի պատճառով անկարող է մասնակցել խաղերին և մարզումներին, ապա նա պարտավոր է ներկայացնել բժշկական տեղեկանք,

2.1.6 ընդունել ամբողջական մարզական և թերապևտիկ բուժման միջոցառումներ՝ հետևելով Ակումբի կողմից լիազորված անձի հրահանգներին՝ հաշվի առնելով ֆուտբոլիստի անհատական իրավունքները,

2.1.7 պայմանագրի գործողության ընթացքում խնամքով վերաբերվել Ակումբի կողմից տրամադրված սպորտային գույքին ու հանդերձանքին,

2.1.8 պահպանել վարքագծի բարոյական նորմերը՝ Ակումբի և ազգային ասոցիացիայի հեղինակությանը վնաս չհասցնելու համար, չտարածել Ակումբի ներքին հարցերին վերաբերող տեղեկատվություն եթե այն կարող է վնաս հասցնել Ակումբին,

2.1.9 պահպանել առողջ ապրելակերպ և ֆիզիկական պատրաստվածության բարձր մակարդակ: Բարեխղճորեն նախապատրաստվել Ակումբի կողմից անցկացվող բոլոր միջոցառումներին՝ հետևելով մարզչի՝ կենսակերպին վերաբերող հրահանգներին,

2.1.10 մարզական ճիշտ վարքագիծ ցուցաբերել հանդիպման կամ մարզումներում ներգրավված ցանկացած անձի նկատմամբ, մասնավորապես, առանց բողոքի արտահայտման հարգել խաղի ընթացքում մրցավարական խմբի կողմից ընդունված որոշումները,

2.1.11 առանց Ակումբի գրավոր թույլտվության չընդգրկվել որևէ ուրիշ թիմում, բանակցություններ չվարել այլ Ակումբների հետ իր տեղափոխության հարցերով, բացառությամբ «Ֆուտբոլիստների կարգավիճակի և տեղափոխության» կանոնակարգով նախատեսված դեպքերի,

2.1.12 չկատարել խաղադրույքներ և չծավալել նմանատիպ այլ գործունեություն ֆուտբոլային ասպարեզում,

2.1.13 զերծ մնալ ֆուտբոլային այլ միջոցառումներին մասնակցելուց, որոնք իրական վտանգ են ներկայացնում և անցկացվում են ակումբի անվտանգության համակարգից դուրս,

2.1.14 ենթարկվել ֆուտբոլային մարմինների բոլոր հակախթանիչային կանոնակարգերին:

2.2 «Ֆուտբոլիստ»-ն իրավունք ունի՝

2.2.1 պահանջելու, որ Ակումբը ժամանակին վճարի սույն պայմանագրով (կամ հավելվածով) նախատեսված ամենամսյա աշխատավարձը,

2.2.2 պահանջելու, որ Ակումբը պատշաճ կերպով կատարի սույն պայմանագրով նախատեսված իր պարտականությունները,

2.2.3 ակումբի կողմից իր պարտականությունների կոպիտ խախտումների դեպքում դիմել ՀՖՖ Վեճերի լուծման պալատ,



2.2.4 օգտվել վճարովի արձակուրդի իրավունքից՝ տարեկան առնվազն 20 աշխատանքային օր ժամանակահատվածով՝ ամենամյա նվազագույն արձակուրդ [պետք է հաշվի առնել, որ եթե աշխատանքը նկարագրվում է որպես չնորմավորված, ՀՀ աշխատանքային օրենսգրքի համաձայն Աշխատողին պետք է տրամադրվի լրացուցիչ արձակուրդ], ինչը պետք է համաձայնեցված լինի Ակումբի խաղային և մարզումային ծրագրի հետ,

2.2.5 ակումբի բժշկի հետ տարակարծության դեպքում՝ ստանալու այլընտրանքային մասնագետի եզրակացություն: Տարբեր կարծիքների դեպքում երկու կողմերը համաձայնում են ընդունել երրորդ անկախ կարծիքը, որը դառնում է պարտադիր:

3. Ակումբի իրավունքները և պարտավորությունները

3.1 **Ակումբը** պարտավորվում է՝

3.1.1 ընդունել վերոգրյալ կանոնադրություններն ու կանոնակարգերը և ղեկավարվել դրանցով,

3.1.2 ենթարկվել ՀՖՖ-ի, ՖԻՖԱ-ի, ՈՒԵՖԱ-ի ղեկավար մարմինների համապատասխան կանոնադրություններով և կանոնակարգերով՝ իրենց լիազորությունների շրջանակներում ընդունված որոշումներին,

3.1.3 սույն պայմանագրի 6-րդ գլխով նախատեսված կարգով՝ ժամանակին վճարել աշխատավարձը, ինչպես նաև ֆուտբոլիստին տրվող այլ վճարումները կամ պարգևատրումները,

3.1.4 ապահովել մարզումների և ֆուտբոլային խաղերի կազմակերպումը համապատասխան մասնագետների ղեկավարությամբ, ինչպես նաև ֆուտբոլիստին՝ բժշկական և տեխնիկական բոլոր պահանջներին և պայմաններին համապատասխան մարզումային և խաղային հրապարակներով, մարզական հագուստով և գույքով, նաև այլ անհրաժեշտ կենցաղային հարմարություններով,

3.1.5 պահպանել ֆուտբոլիստի ամենամյա աշխատավարձը և այլ պարգևատրումները նրան Հայաստանի ազգային հավաքական ժամանակավորապես հրավիրելու դեպքում,

3.1.6 ՀՀ գործող օրենսդրությանը համապատասխան ապահովագրել Ֆուտբոլիստին: Ապահովագրությունը պետք է ընդգրկի նաև այն ժամանակահատվածը, երբ Ֆուտբոլիստը, մարզումներ և խաղեր անցկացնելու համար գտնվում է ազգային հավաքականի կազմում,

3.1.7 ՀՀ գործող օրենսդրությանը համապատասխան կատարել սույն պայմանագրից բխող հարկային պարտականությունները,

3.1.8 գերծ մնալ ֆուտբոլիստի նկատմամբ որևէ տեսակի խտրականության դրսևորումից,

3.1.9 ենթարկվել ֆուտբոլային մարմինների բոլոր հակախթանիչային կանոնակարգերին,

3.1.10 վարել և պահպանել ֆուտբոլիստի ստացած վնասվածքների վերաբերյալ համապատասխան գրառումներ (ներառյալ ազգային հավաքականում ստացված վնասվածքների)՝ միաժամանակ երաշխավորելով դրանց գաղտնիությունը,

3.1.11. պայմանագրում պարզաբանվում է Ակումբի առողջապահության և անվտանգության քաղաքականությունը, որը ներառում է մշտական բժշկական/ատամնաբուժական հետազոտություն, ինչպես նաև բուժում որակավորված անձնակազմի կողմից ֆուտբոլային պարտականությունները կատարելու ժամանակ: Սա նաև վերաբերում է հակադոպինգային կանխարգելմանը:



3.2 Ակումբն իրավունք ունի՝

3.2.1 պահանջելու ֆուտբոլիստից պատշաճ կերպով կատարելու սույն պայմանագրով, ինչպես նաև ՀՖՖ-ի, ՖԻՖԱ-ի, ՈՒԵՖԱ-ի կանոնադրություններով և կանոնակարգերով նախատեսված պարտականությունները,

3.2.2 ֆուտբոլիստի կողմից իր պարտականությունները կոպտորեն խախտելու դեպքում, պատասխանատվության ենթարկելու վերջինիս՝ համաձայն Ակումբի կողմից ընդունված կանոնակարգերի:

4. Անձնական, ոչ գույքային իրավունքներ

4.1 Ակումբը ճանաչում է ֆուտբոլիստի անձնական, ոչ գույքային իրավունքները: Ֆուտբոլիստը լիազորում է Ակումբին՝ օգտագործելու իր անձնական, ոչ գույքային իրավունքներն ընդհանուր շահի համար:

4.2 Այդ իրավունքների ընդհանուր օգտագործումը տեղի է ունենում Ակումբի և ֆուտբոլիստի միջև կնքված պայմանագրի հիման վրա:

Պայմանագրում պետք է հստակ ամրագրվեն այն իրավունքները, որոնք անմիջականորեն պատկանում են ֆուտբոլիստին, և նրանք, որոնք նա տրամադրում է Ակումբին, ընդհանուր շահերը ներկայացնելու համար:

5. Պայմանագրի գործողության ժամկետը

5.1 Սույն պայմանագիրն ուժի մեջ է մտնում ----- և ավարտվում -----:

5.2 Պայմանագրի ժամկետի ավարտից հետո այն կարող է երկարացվել կողմերի համաձայնությամբ մեկ փաստաթուղթ կազմելու միջոցով:

6. Աշխատավարձը և պարգևատրումները

6.1 Ֆուտբոլիստին տրվում է ամենամսյա աշխատավարձ և պարգևատրումներ՝ համաձայն պայմանագրին կցված և նրա անբաժանելի մասը կազմող Հավելված 1-ի:

6.2 Աշխատավարձի և պարգևատրումների վճարման կարգն ու ժամկետը, ինչպես նաև այլ փոխհատուցումների վճարման կարգը նույնպես սահմանվում են նշված հավելվածով:

7. Պայմանագրի լուծումը

7.1 Սույն պայմանագիրը կարող է վաղաժամկետ լուծվել կողմերի համաձայնությամբ:

7.2 Սույն պայմանագիրը կողմերից մեկի պահանջով կարող է լուծվել ՀՖՖ համապատասխան կոմիտեի որոշմամբ, միայն մյուս կողմի թույլ տված պայմանագրի էական խախտման դեպքում կամ ՀՀ գործող օրենսդրությամբ, ՀՖՖ-ի, ՈՒԵՖԱ-ի, ՖԻՖԱ-ի համապատասխան կանոնակարգերով նախատեսված դեպքերում և կարգով:

7.3 Եթե ֆուտբոլիստը մարզումների, հավաքների, խաղերի կամ մրցուղևորության ժամանակ ստացած աշխատանքային խեղման /վնասվածք/ պատճառով կորցրել է աշխատունակությունը, ապա նրա հետ կնքված աշխատանքային պայմանագիրը առանց ֆուտբոլիստի համաձայնության չի կարող լուծվել ակումբի նախաձեռնությամբ մինչև ֆուտբոլիստի աշխատունակության վերականգնումը կամ հաշմանդամության կարգի որոշումը:



8. Վարձակալություն

8.1 Պայմանագիրը պետք է ներառի դրույթ նաև Ֆուտբոլիստի հնարավոր այլ Ակումբ վարձակալությամբ տեղափոխվելու պայմանների մասին, որը հնարավոր է բացառապես կողմերի համաձայնությամբ, գործող կանոնակարգին համապատասխան:

9. Եզրափակիչ դրույթներ

9.1 Կողմերի միջև առաջացած վեճերը ենթակա են կարգավորման անմիջական բանակցությունների միջոցով, ՀՀ գործող օրենսդրության շրջանակներում, ինչպես նաև ՀՖՖ, ՈՒԵՖԱ-ի, ՖԻՖԱ-ի գործող կանոնադրություններին և կանոնակարգերին համապատասխան: Եթե բանակցությունները դրական արդյունք չեն տալիս, ապա վեճը ենթակա է լուծման ՀՖՖ-ի Վեճերի լուծման պալատի կողմից՝ վերջինիս կանոնակարգի դրույթներին համապատասխան:

9.2 Սույն պայմանագրի դրույթները կարող են փոխվել միայն Կողմերի գրավոր համաձայնությամբ, մեկ փաստաթուղթ կազմելու միջոցով, որն որպես անբաժանելի մաս կցվում է սույն պայմանագրին և ենթակա է գրանցման ՀՖՖ-ում՝ համաձայն գործող կանոնակարգերի:

9.3 Սույն պայմանագրի որևէ դրույթի անվավերությունը չի կարող անդրադառնալ մյուս դրույթների վավերությանը:

9.4 Սույն պայմանագիրը ենթակա է պարտադիր գրանցման ՀՖՖ-ում:

9.5 Սույն պայմանագրին են կցված թվով հավելվածներ:

9.6 Պայմանագրի, ինչպես նաև կից հավելվածների բոլոր էջերը ենթակա են վավերացման կողմերի ստորագրություններով:

9.7 Սույն պայմանագիրը կազմված է 3 օրինակից՝ մեկական օրինակ Կողմերին և մեկ օրինակ ՀՖՖ-ին:

9.8 Կողմերը պարտավոր են ապահովել սույն պայմանագրի դրույթների գաղտնիությունը:

«Ակումբ»

«Ֆուտբոլիստ»

.....
(անվանումը)

.....
(անուն, ազգանուն, հայրանուն)

.....
(հասցե)

.....
(հասցե)

.....
(բանկային վավերապայմանները)

.....
(անձն., ում կողմից է տրված, երբ)

Գործադիր տնօրեն՝

.....
(քաղաքացիությունը)

.....
կ.տ. (ստորագրություն)

.....
(ստորագրություն)



ՀԱՎԵԼ ՎԱԾ 3.

Գլուխ I. ՏՀՀ-ով իրականացվող միջազգային տրանսֆերը կարգավորող ընթացակարգ

Հոդված 1. Գործունեության շրջանակ

1. Տրանսֆերների համադրման համակարգը /ՏՀՀ/ (տե՛ս սույն կանոնակարգի «Հասկացություններ» բաժնի 32-րդ կետը) ստեղծվել է՝ նպատակ ունենալով ֆուտբոլային ղեկավար մարմիններին մանրամասն տեղեկատվություն տրամադրել ֆուտբոլիստների միջազգային տրանսֆերների վերաբերյալ:
Այն նպատակաուղղված է անհատական տրանսֆերների թափանցիկության մեծացմանը, որն իր հերթին կնպաստի ամբողջ տրանսֆերային համակարգի իսկության ու հեղինակության բարելավմանը:
2. ՏՀՀ-ն ստեղծվել է, որպեսզի հստակ տարանջատումներ դրվեն ֆուտբոլիստների միջազգային տրանսֆերների հետ կապված վճարումների միջև: Նման տեսակի բոլոր վճարումները պետք է մուտքագրվեն համակարգ, քանի որ սա միակ ճանապարհն է տրանսֆերների հետ կապված գումարների տեղափոխությունը վերահսկելու և գործընթացի թափանցիկությունն ապահովելու համար: Մինևս սույն ժամանակ համակարգը կերաշխավորի, որ տվյալ տեղափոխությունն իրականում տեղի ունենա և ոչ թե գործ ունենանք մտացածին մի ֆուտբոլիստի տեղափոխության հետ, որը հնարել են փողի տեղաշարժի (փողի լվացման) նպատակով:
3. ՏՀՀ-ն կարգավորում է անչափահաս ֆուտբոլիստների պաշտպանության գործընթացը: Եթե անչափահաս ֆուտբոլիստն առաջին անգամ գրանցվում է այն երկրում, որի քաղաքացին չի հանդիսանում կամ եթե ներգրավված է միջազգային տրանսֆերի մեջ, ապա այս դեպքում անհրաժեշտ է ստանալ ՖԻՖԱ-ի Ֆուտբոլիստների կարգավիճակի կոմիտեի կողմից նշանակված ենթակոմիտեի հաստատումը (տե՛ս սույն հավելվածի Գլուխ III-ի Հոդված 4-ը): Եթե ՀՖՖ-ն ցանկանում է գրանցել այլ երկրի քաղաքացի հանդիսացող անչափահասին սույն հավելվածի Գլուխ III-ի Հոդված 1-ի 1-ին և 2-րդ կետերի համաձայն, ապա նա պարտավոր է ենթակոմիտեի հաստատմանը ներկայացված դիմումին ու համապատասխան գործընթացին ընթացք տալ ՏՀՀ համակարգի միջոցով (տե՛ս սույն հավելվածի Գլուխ III -ը):
4. Սույն հավելվածի (մասնավորապես՝ Հավելված 3-ի Հոդված 1-ի 5-րդ կետի) շրջանակներում ՏՀՀ-ն այն համակարգն է, որի միջոցով հարցվում և ուղարկվում է միջազգային տրանսֆերային սերտիֆիկատը (USU):
5. ՏՀՀ-ի կիրառումը պարտադիր է մեծ ֆուտբոլում ներգրավված թե՛ արական և թե՛ իգական սեռի պրոֆեսիոնալ և սիրողական ֆուտբոլիստների միջազգային տրանսֆերների դեպքում: Նման ցանկացած ֆուտբոլիստի գրանցում ՏՀՀ-ից դուրս համարվում է անվավեր:
Սույն հավելվածի հաջորդ հոդվածներում մատնանշվող «ֆուտբոլիստ» տերմինը վերաբերում է միայն մեծ ֆուտբոլում հանդես եկող արական և իգական սեռի ֆուտբոլիստներին:



Սույն հավելվածում «միջազգային տրանսֆեր» տերմինը բացառապես վերաբերում է երկու ասոցիացիաների միջև տեղի ունեցող նման ֆուտբոլիստների տեղափոխությանը:

6. Մեծ ֆուտբոլի շրջանակներում տեղի ունեցող յուրաքանչյուր միջազգային տրանսֆերը պետք է մուտքագրվի ՏՀՀ համակարգ: Եթե նոր ասոցիացիայում ֆուտբոլիստը գրանցվում է սիրողական կարգավիճակով, ապա տրանսֆերը մուտքագրվում է ՏՀՀ համակարգ ՏՀՀ անձնական էջ ունեցող ակումբի կողմից: Ակումբի՝ ՏՀՀ անձնական էջ չունենալու դեպքում, տրանսֆերը ՏՀՀ է մուտքագրում տվյալ ասոցիացիան:

Հոդված 2. Համակարգ

1. ՏՀՀ-ն էլեկտրոնային տեղեկատվական համակարգ է՝ նախատեսված ասոցիացիաների և ակումբների համար, որի նպատակն է ղեկավարել և վերահսկել միջազգային տրանսֆերների գործընթացը:
2. Կախված տվյալ տրանսֆերի տեսակից՝ համակարգ մուտքագրվում է համապատասխան տեղեկատվություն:
3. Եթե միջազգային տրանսֆեր իրականացնելիս տրանսֆերային համաձայնագիր չի ստորագրվել, ապա նոր ակումբը պետք է ՏՀՀ մուտքագրի տվյալ տրանսֆերին վերաբերող հատուկ տեղեկատվություն և համապատասխան փաստաթղթեր: Այնուհետև գործընթացն անցնում է ՀՖՖ-ի վերահսկողության ներքո՝ կապված ՄՏՍ-երի հարցման և տրամադրման ընթացակարգի հետ (տե՛ս 8-րդ հոդվածը հաջորդիվ):
4. Եթե միջազգային տրանսֆեր իրականացնելիս ստորագրվել է տրանսֆերային համաձայնագիր, ապա ներգրավված ակումբներն, իրարից անկախ, պայմանագրի ստորագրումից անմիջապես հետո պետք է ՏՀՀ մուտքագրեն տվյալ տրանսֆերին վերաբերող հատուկ տեղեկատվություն և համապատասխան փաստաթղթեր:
5. Սույն հոդվածի նախորդ կետում նկարագրված դեպքում՝ էլեկտրոնային ՄՏՍ-երի հարցման և տրամադրման գործընթացն անցնում է ՀՖՖ-ի վերահսկողության ներքո (տե՛ս Հոդված 8-ը հաջորդիվ) ակումբների միջև համաձայնագրի ստորագրումից անմիջապես հետո:

Հոդված 3. Համակարգի օգտատերեր

1. Բոլոր ՏՀՀ օգտատերերը պետք է արդար գործեն:
2. Բոլոր ՏՀՀ օգտատերերը պետք է ամեն օր պարբերաբար ստուգեն ՏՀՀ-ն և անպատասխան չթողնեն ցանկացած տեսակի հարցերն ու հարցումները:
3. ՏՀՀ օգտատերերը պետք է հաստատեն, որ ունեն բոլոր անհրաժեշտ միջոցները ՏՀՀ-ում իրենց պարտականություններն իրականացնելու համար:

Հոդված 3.1. Ակումբներ

1. Ակումբները պատասխանատու են տրանսֆերի տվյալները ՏՀՀ մուտքագրելու և հաստատելու համար, ինչպես նաև, անհրաժեշտության դեպքում, մուտքագրված տվյալների համապատասխանությունը հաստատելու համար, Սա ներառյալ՝ անհրաժեշտ փաստաթղթերի մուտքագրումը համակարգ:



2. Ակումբները երաշխավորում են, որ տիրապետում են համապատասխան գիտելիքների և ունեն անհրաժեշտ փորձ իրենց պարտականությունները կատարելու համար: Ըստ այդմ՝ ակումբները պետք է նշանակեն ՏՀՀ պատասխանատուների, որոնց համապատասխանաբար կներկայացնեն ՏՀՀ-ից օգտվելու կարգը և որոնք, իրենց հերթին, պատասխանատու կլինեն անհրաժեշտության դեպքում իրենց փոխարինողի ուսուցման համար: Սա կօգնի ակումբներին մշտապես պատրաստ լինել ՏՀՀ-ում իրենց պարտականությունների կատարմանը: Անհրաժեշտության դեպքում տարբեր տեխնիկական հարցերով նրանց կաջակցեն ՖԻՖԱ-ի Կարգավորող հարկադրանքի դեպարտամենտը և համապատասխան թեժ գիծը: Վերոնշյալ հարցի առնչությամբ գործում է սույն հավելվածի 5.3 կետը:

Հոդված 3.2. Ասոցիացիաներ

1. Ասոցիացիաները պատասխանատու են իրենց մրցաշրջանի և գրանցման ժամանակահատվածների տվյալների (հնարավորության դեպքում արական և իգական սեռի ֆուտբոլիստների համար առանձին-առանձին), ինչպես նաև ակումբների տվյալների պահպանման համար (ներառյալ ակումբների կարգերը՝ կապված մարզումային փոխհատուցման հետ):
2. Ասոցիացիաները երաշխավորում են, որ տիրապետում են համապատասխան գիտելիքների և ունեն անհրաժեշտ փորձ իրենց պարտականությունները կատարելու համար: Ըստ այդմ՝ յուրաքանչյուր ասոցիացիա պետք է նշանակի ՏՀՀ պատասխանատու և առնվազն մեկ լրացուցիչ օգտատեր, որոնց համապատասխանաբար կներկայացվի ՏՀՀ-ից օգտվելու կարգը: Անհրաժեշտության դեպքում ասոցիացիաները պատասխանատու են լրացուցիչ ՏՀՀ պատասխանատուի ուսուցման համար, որպեսզի իրենք մշտապես պատրաստ լինեն ՏՀՀ-ում իրենց պարտականությունների կատարմանը: Տարբեր տեխնիկական հարցերով նրանց կաջակցեն նաև ՖԻՖԱ-ի Կարգավորող հարկադրանքի դեպարտամենտը և համապատասխան թեժ գիծը:

Հոդված 3.3. ՖԻՖԱ-ի ընդհանուր քարտուղարություն

ՖԻՖԱ-ի ընդհանուր քարտուղարության իրավասու բաժինները պատասխանատու են՝

- ա) համապատասխան սպորտային պատժամիջոցներ մուտքագրելու, կանոնակարգի հնարավոր խախտումները կարգավորելու համար,
- բ) համապատասխան կարգապահական պատժամիջոցներ մուտքագրելու համար,
- գ) ասոցիացիայի գործունեության կասեցումը մուտքագրելու համար:

Հոդված 3.4. Գաղտնապահություն և ՏՀՀ մուտք գործելու իրավունք

1. Ասոցիացիաներն ու ակումբները պարտավոր են գաղտնի պահել ՏՀՀ-ից ստացված տեղեկատվությունը և կիրառել անհրաժեշտ միջոցներ ու խիստ զգուշություն լիարժեք



գաղտնապահություն երաշխավորելու նպատակով: Ավելին, ասոցիացիաներն ու ակումբները պետք է օգտագործեն գաղտնի տեղեկատվությունը բացառապես այն ֆուտբոլիստների գործարքներն իրականացնելու նպատակով, որոնցում ուղղակիորեն ներգրավված են:

2. Ասոցիացիաներն ու ակումբները երաշխավորում են միայն լիազորված օգտատերերի մուտքը ՏՀՀ: Ավելին, ասոցիացիաներն ու ակումբները պետք է բարձր պատասխանատվությամբ ընտրեն, ուսուցանեն և վերահսկեն լիազորված օգտատերերին:

Հոդված 4. Ակումբների պարտականությունները

1. Ակումբները պետք է կիրառեն ՏՀՀ-ն միջազգային տրանսֆերներ իրականացնելու համար:
2. Համակարգում տրանսֆերներ մուտքագրելիս, ակումբները և, անհրաժեշտության դեպքում, ասոցիացիաները (տե՛ս Հավելված 3-ի Հոդված 1-ի 6-րդ կետը) պարտավոր են տրամադրել հետևյալ պարտադիր տվյալները՝

- տրանսֆերի տեսակ (ֆուտբոլիստի ձեռքբերում/engage կամ ազատ արձակում/release),
- նշում՝ արդյոք տրանսֆերն իրականացվում է մշտական հիմունքներով թե վարձակալությամբ,
- նշում նախկին ակումբի հետ տրանսֆերային համաձայնագրի առկայության մասին (եթե առկա է),
- նշում՝ արդյոք տրանսֆերը վերաբերում է ֆուտբոլիստների փոխանակմանը,
- եթե տրանսֆերը նախկինում կատարված վարձակալության տեսակ է, անհրաժեշտ նշում այն մասին, թե արդյոք՝
 - այն վարձակալությունից վերադարձ է
 - վարձակալության երկարաձգում կամ
 - վարձակալության վերափոխում մշտական տրանսֆերի
- ֆուտբոլիստի անունը, ազգությունը/ազգությունները և ծննդյան թիվը,
- ֆուտբոլիստի նախկին ակումբը,
- ֆուտբոլիստի նախկին ասոցիացիան,
- տրանսֆերային համաձայնագրի ամսաթիվը,
- վարձակալության պայմանագրի ուժի մեջ մտնելու և ավարտման ամսաթվերը,
- ակումբի գործակալի անունը, տեսակը և վարձատրության չափը,
- ֆուտբոլիստի՝ նախկին ակումբի հետ ունեցած պայմանագրի ուժի մեջ մտնելու և ավարտման ամսաթվերը,
- ֆուտբոլիստի՝ նախկին ակումբի հետ ունեցած պայմանագրի լուծման պատճառը
- ֆուտբոլիստի՝ նոր ակումբի հետ ունեցած պայմանագրի ուժի մեջ մտնելու և ավարտման ամսաթվերը,
- ֆուտբոլիստի ֆիքսված վարձատրության չափը, ինչպես նշված է նոր ակումբի հետ ֆուտբոլիստի կնքած պայմանագրում,
- ֆուտբոլիստի գործակալի անունն ու տեսակը,
- նշում՝ արդյոք տրանսֆերն իրականացվում է ներքոնշյալ որևէ վճարման դիմաց՝



- ֆիքսված տրանսֆերային գումար, ներառյալ՝ մաս առ մաս վճարման տվյալները (եթե առկա են)
 - ցանկացած գումար, որը կվճարվի ի կիրառումն նախկին ակումբի հետ կնքած ֆուտբոլիստի պայմանագրում նշված դրույթի՝ համաձայն որի տվյալ պայմանագրի լուծման համար նախատեսվում է փոխհատուցում
 - տրանսֆերի պայմանական գումար՝ ներառյալ պայմանների մանրամասները
 - համերաշխության վճար
 - մարզումային փոխհատուցում
- վճարման տարադրամի տեսակը,
 - վերոնշյալ բոլոր վճարման տեսակների համար գումարի/գումարների, վճարման ամսաթվի/ամսաթվերի և ստացողի/ստացողների վերաբերյալ նշում,
 - բանկային տվյալներ (բանկի անուն կամ բանկային կոդ, հաշվեհամար կամ IBAN, բանկի հասցե, հաշվեհամարի օգտատեր),
 - հայտարարություն երրորդ կողմի վճարումների և ազդեցության վերաբերյալ,
 - հայտարարություն ֆուտբոլիստի տնտեսական իրավունքների՝ երրորդ կողմի կողմից տնօրինման վերաբերյալ,
 - ֆուտբոլիստի կարգավիճակը (սիրողական կամ պրոֆեսիոնալ) նախկին ակումբում,
 - ֆուտբոլիստի կարգավիճակը (սիրողական կամ պրոֆեսիոնալ) նոր ակումբում:
3. Ակումբները պարտավոր են նաև ներբեռնել ՏՀՀ մուտքագրած տեղեկատվության իսկությունը հաստատող պարտադիր փաստաթղթեր (տե՛ս Հավելված 3-ի Գլուխ I -ի Հոդված 8.2-ի 1-ին կետը) և հաստատել տվյալ տրանսֆերի տեսակը:
4. Անհրաժեշտության դեպքում ակումբների պարտականությունն է նաև տրանսֆերի մեջ ներգրավված մյուս ակումբների հետ լուծել տրանսֆերի տվյալների համապատասխանության հարցերը:
5. ՄՏՍ-ի հարցման գործընթացին (տե՛ս Հավելված 3-ի Գլուխ I -ի Հոդված 8.2 -ի 1-ին կետը) ընթացք է տրվում միայն այն ժամանակ, երբ ակումբները՝ համաձայն սույն հոդվածի վերոնշյալ կետերի, բարեխղճորեն կատարում են իրենց պարտականությունները:
6. Ակումբները պարտավոր են համակարգ մուտքագրել կատարված բոլոր վճարումները: Սա վերաբերում է նաև ֆուտբոլիստի նոր ակումբի կողմից նախկին ակումբին արված այն վճարումներին, որոնք կատարվել են համաձայն նախկին ակումբի հետ ֆուտբոլիստի ունեցած պայմանագրային պարտավորությունների և, չնայած այն փաստին, որ տրանսֆերային համաձայնագիր չէր կնքվել: Վճարումն իրականացնելուց հետո վճարող ակումբը պետք է ՏՀՀ մուտքագրի վճարման անդորրագիրը:
7. Հաշվի առնելով կողմերի հետ հաղորդակցությունը, ինչը սահմանվում է ՖԻՖԱ-ի Ֆուտբոլիստների կարգավիճակի կոմիտեի և Վեճերի լուծման պալատի ընթացակարգերը կառավարող կանոնների 9bis հոդվածով, ակումբը պետք է ապահովի մշտապես գործող կոնտակտային տվյալներ՝ հասցե, հեռախոսահամար և էլեկտրոնային հասցե, որոնք պետք է պարբերաբար թարմացվեն ՏՀՀ-ում:

Հոդված 5. Ասոցիացիաների պարտականությունները

ՀՖՖ-ն կիրառում է ՏՀՀ-ն միջազգային տրանսֆերներ իրականացնելու համար:



Հոդված 5.1. Հիմնարար տվյալներ

1. Ե՛վ գրանցման ժամանակահատվածների, և՛ մրցաշրջանների մեկնարկի ու ավարտի ամսաթվերը (հնարավորության դեպքում արական և իգական սեռի ֆուտբոլիստների համար առանձին-առանձին), ինչպես նաև այն հնարավոր գրանցման ժամանակահատվածները, որոնք նախատեսվում են միայն սիրողական ֆուտբոլիստների մասնակցությամբ մրցաշարերի համար (տե՛ս Գլուխ I-ի Հոդված 6-ի 4-րդ 5-րդ կետերը), պետք է համակարգ մուտքագրվեն ուժի մեջ մտնելուց առնվազն 12 ամիս առաջ՝ միաժամանակ հաշվի առնելով ներքոնշյալ ժամանակավոր բացառությունները: Բացառիկ դեպքերում մինչև գրանցման ժամանակահատվածների ուժի մեջ մտնելը՝ ՀՖՖ-ն կարող է փոփոխել դրանք: Գրանցման ժամանակահատվածները պետք է միշտ համապատասխանեն սույն կանոնակարգի Հոդված 6-ի պահանջներին:

Ասոցիացիաները կարող են.

ա) դիմել իրենց գրանցման ժամանակահատվածի մեկնարկի և ավարտի օրերը կամ երկարացնելու կամ փոփոխելու համար

բ) դիմել իրենց գրանցման ժամանակահատվածը փոփոխելու կամ երկարացնելու համար, երբ վերջինս արդեն մեկնարկել է՝ պայմանով, որ առաջարկվող գրանցման ժամանակահատվածի տևողությունը չի գերազանցի Կանոնակարգով սահմանված առավելագույն ժամկետին (այն է՝ 16 շաբաթ)՝ համաձայն Հոդված 6-ի 2-րդ կետի:

գ) դիմել իրենց գրանցման ժամանակահատվածը փոփոխելու կամ չեղարկելու համար, երբ այն դեռևս չի մեկնարկել՝ պայմանով, որ առաջարկվող գրանցման ժամանակահատվածի տևողությունը չի գերազանցի Կանոնակարգով սահմանված առավելագույն ժամկետին (այն է՝ 16 շաբաթ)՝ համաձայն Հոդված 6-ի 2-րդ կետի:

- 2. Ակումբի հասցեն, հեռախոսահամարը, էլեկտրոնային հասցեն և մարզումային կարգը (տե՛ս Հավելված 4-ի Հոդված 5-ը) պետք է լինեն գործող և մշտապես թարմացվեն ՏՀՀ-ում:
- 3. ՀՖՖ-ն պետք է ապահովի, որ բոլոր ակումբներն ու տվյալ պահին ՀՖՖ-ում գրանցված ֆուտբոլիստներն ունենան ՖԻՖԱ կոդ (FIFA ID):

Հոդված 5.2. Տրանսֆերների վերաբերյալ տեղեկատվություն

1. Տրանսֆերի տվյալները մուտքագրելիս ակումբները պետք է համակարգում նշեն տրանսֆերի մեջ ներգրավված ֆուտբոլիստի Կանոնակարգի Հավելված 3-ի Գլուխ I-ի Հոդված 4-ի 2-րդ կետով սահմանված տվյալները: ՏՀՀ-ն պարունակում է բազմաթիվ ֆուտբոլիստների տվյալներ, ովքեր մասնակցել են ՖԻՖԱ-ի մրցաշարերին: Եթե տրանսֆերի մեջ ներգրավված ֆուտբոլիստի տվյալները ՏՀՀ-ում չկան, ապա ակումբները պետք է մուտքագրեն դրանք՝ որպես տրանսֆերի բաղկացուցիչ մաս: ՄՏՍ-ի հարցման գործընթացին (տե՛ս Հավելված 3-ի Գլուխ I-ի Հոդված 8.2-ի 1-ին



կետը) ընթացք է տրվում միայն այն բանից հետո, երբ ֆուտբոլիստի նախկին ասոցիացիան հաստատում է ֆուտբոլիստի տվյալները: Նախկին ասոցիացիան մերժում է ֆուտբոլիստի հաստատումը, եթե վերջինիս ինքնությունն ամբողջովին չի հաստատվում:

2. ՄՍՍ-ի հարցման գործընթացը (տե՛ս Հավելված 3-ի Գլուխ I-ի Հոդված 8.2-ի 2-րդ կետը) համապատասխան ժամկետներում իրականացվում է ՀՖՖ-ի կողմից:
3. Համապատասխան ժամկետներում ՄՍՍ-ի տրամադրման և ֆուտբոլիստին գրանցումից հանելու գործընթացը (տե՛ս Հավելված 3-ի Գլուխ I-ի Հոդված 8.2-ի 3-րդ և 4-րդ կետերը) իրականացվում է նախկին ասոցիացիայի կողմից:
4. ՄՍՍ-ը ստանալու դեպքում ՀՖՖ-ն պետք է համակարգ մուտքագրի և հաստատի ֆուտբոլիստի գրանցման ամսաթիվը (տե՛ս Հավելված 3-ի Գլուխ I-ի Հոդված 8.2-ի 1-ին կետը):
5. ՄՍՍ-ը մերժելու դեպքում (տե՛ս Հավելված 3-ի Գլուխ I-ի Հոդված 8.2-ի 7-րդ կետը) ՀՖՖ-ն կա՛մ ընդունում, կա՛մ բողոքարկում է ՄՍՍ-ի մերժումը՝ կախված տվյալ գործի բնույթից:
6. Ժամանակավոր գրանցման դեպքում (տե՛ս Հավելված 3-ի Գլուխ I-ի Հոդված 8.2-ի 6-րդ կետը) կամ այն դեպքում, երբ ՀՖՖ-ի կողմից ՄՍՍ-ի մերժումը բողոքարկելուց հետո միանձնյա դատավորը ժամանակավոր գրանցման թույլտվություն է տվել (տե՛ս ՖԻՖԱ-ի Ֆուտբոլիստների կարգավիճակի և տեղափոխության կանոնակարգի Հոդված 23-ի 3-րդ կետը), ՀՖՖ-ն պետք է համակարգ մուտքագրի և հաստատի ֆուտբոլիստի գրանցման ամսաթիվը:

Հոդված 5.3. Մեմբերներ ակումբների ՏՀՀ պատասխանատուների համար

ՀՖՖ-ն պարտավոր է համապատասխան սեմինարներ անցկացնել ակումբների ՏՀՀ պատասխանատուների համար, որպեսզի վերջիններս կարողանան կատարել սույն հավելվածում ամրագրված իրենց պարտավորությունները:

Հոդված 6. ՖԻՖԱ-ի ընդհանուր քարտուղարության դերը

1. ՖԻՖԱ-ի համապատասխան բաժինը, հիմնվելով տվյալ ասոցիացիայի կողմից ՏՀՀ-ի միջոցով արված հարցման վրա, զբաղվում է տվյալների անհամապատասխանության ցանկացած հարցով (validation exception) և, անհրաժեշտության դեպքում, հարցը դնում է կոմպետենտ, որոշում կայացնող մարմնի (օր.՝ ՖԻՖԱ-ի Ֆուտբոլիստների Կարգավիճակի Կոմիտեի, վերոնշյալ կոմիտեի Միանձնյա Դատավորի կամ Վեճերի լուծման պալատի/ ՎԼՊ կամ էլ՝ ՎԼՊ դատավորի) քննարկմանը՝ կախված տվյալ գործի բնույթից, բացառությամբ, այսպես կոչված, «ֆուտբոլիստի հաստատում»-ից, որի համար պատասխանատու է ներգրավված ասոցիացիան (տե՛ս Հավելված 3-ի Գլուխ I-ի Հոդված 5.2-ի 1-ին կետը):
2. Տվյալ ասոցիացիան (ասոցիացիաները) ՏՀՀ-ի միջոցով իրավաբանորեն ծանուցվում է համապատասխան բաժնի գնահատականի կամ որոշում կայացնող մարմնի կողմից կայացված որոշման մասին: Ծանուցումը համարվում է վերջնական միայն այն դեպքում, երբ գնահատականը կամ որոշումը վերբեռնված կլինի ՏՀՀ-ում: Գնահատականների կամ որոշումների վերաբերյալ նմանատիպ ծանուցումը համարվում է իրավաբանորեն պարտադիր:



3. Պահանջի դեպքում՝ համապատասխան բաժինը զբաղվում է տվյալների անհամապատասխանության հարցերով (validation warning) և, անհրաժեշտության դեպքում, հարցը ներկայացնում է կոմպետենտ, որոշում կայացնող մարմնի քննարկմանը:
4. Սույն կանոնակարգի կիրառմանն առնչվող ընթացակարգերի շրջանակներում ՖԻՖԱ-ն կարող է օգտագործել ՏՀՀ-ի կողմից ստեղծված, ՏՀՀ-ում պարունակվող կամ ուսումնասիրությունների արդյունքում ՏՀՀ-ի համապատասխան բաժնի կողմից ձեռք բերված (տե՛ս Հավելված 3-ի Գլուխ I-ի Հոդված 7-ի 4-րդ կետը) ցանկացած փաստաթուղթ կամ ապացույց՝ օրակարգում դրված հարցին հարիր լուծում տալու նպատակով:
5. ՏՀՀ-ին առնչվող սպորտային պատժամիջոցները մուտքագրվում են ՏՀՀ կոմպետենտ բաժնի կողմից:
6. ՏՀՀ-ին առնչվող կարգապահական պատժամիջոցները մուտքագրվում են ՏՀՀ կոմպետենտ բաժնի կողմից:
7. ՏՀՀ-ին առնչվող ասոցիացիայի պատժամիջոցները մուտքագրվում են ՏՀՀ կոմպետենտ բաժնի կողմից:

Հոդված 7. ՖԻՖԱ-ի դերը

1. ՖԻՖԱ-ն պատասխանատու է համակարգի ֆունկցիոնալությունն ու անխափան մուտքն ապահովելու համար: Ի հավելումն՝ ՖԻՖԱ-ն և ՖԻՖԱ-ի Կարգավորող հարկադրանքի դեպարտամենտը պատասխանատու են նաև ՏՀՀ օգտատերերի մուտքն ապահովելու և լիազորված օգտատեր լինելու չափանիշները սահմանելու համար:
2. ՖԻՖԱ-ն ապահովում է, որ բոլոր ասոցիացիաները կատարեն իրենց սույն հավելվածի դրույթների հետ կապված պարտավորությունները, ՖԻՖԱ-ի Կարգավորող հարկադրանքի դեպարտամենտը պարբերաբար անցկացնում է պարապմունքներ և աջակցություն է ցուցաբերում անդամ ասոցիացիաներին:
3. ՖԻՖԱ-ի Կարգավորող հարկադրանքի դեպարտամենտը նշանակում է ՏՀՀ ադմինիստրատորներ վերոհիշյալ պարտականությունները կատարելու նպատակով:
4. ՖԻՖԱ-ի Կարգավորող հարկադրանքի դեպարտամենտն ուսումնասիրում է միջազգային տրանսֆերների հետ կապված հարցերը՝ նպատակ ունենալով ապահովել ակումբների ու ասոցիացիաների կողմից սույն հավելվածում ամրագրված իրենց պարտավորությունների կատարումը:
Բոլոր կողմերը պարտավոր են համագործակցել փաստերի հավաստիությունն ապացուցելու նպատակով: Մասնավորապես, հիմնավոր հարցման դեպքում կողմերը պետք է ներկայացնեն իրենց տրամադրության տակ գտնվող ցանկացած տեսակի փաստաթուղթ, տեղեկատվություն կամ այլ նյութեր: Ավելին, կողմերը պարտավոր են ձեռք բերել և ներկայացնել նաև այն փաստաթղթերը, տեղեկատվությունը կամ նյութերը, որոնք չեն գտնվում իրենց տրամադրության տակ, սակայն վերջիններս իրավասու են ձեռք բերել:
ՖԻՖԱ-ի Կարգավորող հարկադրանքի դեպարտամենտի հարցումները չկատարելու և անպատասխան թողնելու դեպքում, ՖԻՖԱ-ի Կարգապահական կոմիտեն կարող է կիրառել պատժամիջոցներ:



Հոդված 8. Ֆուտբոլիստների տրանսֆերը կարգավորող վարչական գործընթաց

Հոդված 8.1. Կանոններ

1. Ցանկացած ֆուտբոլիստ, ով գրանցված է տվյալ ասոցիացիայի որևէ ակումբում, կարող է գրանցվել մեկ այլ ասոցիացիայի ակումբում միայն նախկին ասոցիացիայի կողմից միջազգային տրանսֆերային սերտիֆիկատը (ՄՏՍ) ուղարկելուց և նոր ասոցիացիայի կողմից ՄՏՍ-ի ստացումը հաստատելուց հետո: ՄՏՍ շնորհելու և ստանալու գործընթացը կատարվում է բացառապես ՏՀՀ-ի միջոցով, բացառությամբ՝ ՏՀՀ-ով ստեղծված ՄՏՍ-ից (ոչ մի այլ ձևի ՄՏՍ վավեր չի համարվում):
2. ՏՀՀ-ով ՄՏՍ-ի հարցման վերջնաժամկետը ՀՖՖ-ի համապատասխան գրանցման ժամանակահատվածի վերջին օրն է:
3. Նոր ասոցիացիային ՄՏՍ ուղարկելիս նախկին ասոցիացիան պարտավոր է համակարգ մուտքագրել նաև ֆուտբոլիստի ֆուտբոլային անձնագրի պատճենը (տե՛ս սույն կանոնակարգի Հոդված 7-ը):
4. Նոր ասոցիացիային ՄՏՍ ուղարկելիս նախկին ասոցիացիան պարտավոր է համակարգ մուտքագրել ֆուտբոլիստի վրա կիրառված հնարավոր կարգապահական պատժամիջոցների և վերաբերող համապատասխան փաստաթղթերի պատճենները և առկայության դեպքում դեպքում դրանց երկարացումը՝ նոր ասոցիացիայի համար ՄՏՍ ստեղծելիս լայնամասշտաբ ազդեցություն ունենալու նպատակով:

Հոդված 8.2. Ֆուտբոլիստի համար ՄՏՍ-ի ստեղծումը

1. Բոլոր տվյալները, որոնք թույլ են տալիս նոր ասոցիացիային ՄՏՍ-ի հարցում կատարել, մուտքագրվում են ՏՀՀ, հաստատվում և համապատասխանեցվում են այն ակումբի կողմից, որը ցանկանում է գրանցել տվյալ ֆուտբոլիստին տվյալ ասոցիացիայի գրանցման ժամանակահատվածներից որևէ մեկի ընթացքում (տե՛ս Հավելված 3-ի Գլուխ I-ի Հոդված 4-ի 4-րդ կետը): Կախված իրականացվող տրանսֆերի տեսակից համապատասխան տվյալներ համակարգ մուտքագրելու ժամանակ՝ նոր ակումբը պետք է ՏՀՀ մուտքագրի առնվազն հետևյալ փաստաթղթերը՝
 - նոր ակումբի և պրոֆեսիոնալ ֆուտբոլիստի միջև կնքված պայմանագրի պատճենը (եթե առկա է),
 - նոր ակումբի և նախկին ակումբի միջև կնքված տրանսֆերային կամ վարձակալության պայմանագրի պատճենը (եթե առկա է),
 - ֆուտբոլիստի ինքնությունը, ազգությունն ու ծննդյան թիվը հաստատող փաստաթղթի պատճենը (օրինակ՝ անձնագիր կամ նույնականացման քարտ),
 - ֆուտբոլիստի կնքած վերջին պայմանագրի ավարտման ամսաթվի ապացույցն ու պայմանագրի լուծման պատճառը (եթե առկա է),
 - ֆուտբոլիստի և նախկին ակումբի կողմից ստորագրված փաստաթուղթ առ այն, որ երրորդ կողմը չի տնօրինում ֆուտբոլիստի տնտեսական իրավունքները (եթե առկա է):



2. Եթե երրորդ կողմը տնօրինում է ֆուտբոլիստի տնտեսական իրավունքները (տե՛ս Հավելված 3-ի Գլուխ I-ի Հոդված 4-ի 2-րդ կետը), ապա նախկին ակումբը պետք է մուտքագրի երրորդ կողմի հետ կնքած համաձայնագրի պատճենը:
3. Փաստաթղթերը պետք է ներբեռնվեն ՖԻՖԱ-ի համապատասխան բաժնի կողմից պահանջվող ֆորմատով:
Բացառիկ անհրաժեշտության դեպքում և եթե վերոնշյալ փաստաթղթերից որևէ մեկը կամ դրանից անհրաժեշտ քաղվածքը առկա չէ ՖԻՖԱ-ի չորս պաշտոնական լեզուներից որևէ մեկով (անգլերեն, ֆրանսերեն, գերմաներեն, իսպաներեն), ապա այն պետք է ՏՀՀ ներմուծվի համապատասխան թարգմանությամբ ՖԻՖԱ-ի չորս պաշտոնական լեզուներից որևէ մեկով: Նշված գործընթացի պահանջները չբավարարելու դեպքում պահանջվող փաստաթուղթը կարող է անվավեր ճանաչվել:
4. Նոր ասոցիացիան, համակարգում ծանուցում ստանալով այն մասին, որ տրանսֆերը սպասում է ՄՍՍ-ի հարցման, պետք է անմիջապես ՏՀՀ-ով հարցում ուղարկի նախկին ասոցիացիային՝ պահանջելով ուղարկել պրոֆեսիոնալ ֆուտբոլիստի ՄՍՍ-ը (ՄՍՍ-ի հարցում):
5. Իր նախկին ակումբում պրոֆեսիոնալ կարգավիճակով գրանցված ֆուտբոլիստի միջազգային տրանսֆերի դեպքում ՄՍՍ-ի հարցումը ստանալուն պես նախկին ասոցիացիան անմիջապես հարցում է կատարում նախկին ակումբին և պրոֆեսիոնալ ֆուտբոլիստին՝ հավաստիանալու համար, թե արդյոք ավարտվել է ֆուտբոլիստի պայմանագրի գործողության ժամկետը, արդյոք վաղաժամ լուծարումը կատարվել է փոխադարձ համաձայնությամբ կամ արդյոք գոյություն ունեն պայմանագրային վեճեր:
6. ՄՍՍ-ի հարցումը ստանալուց 7 օրվա ընթացքում նախկին ասոցիացիան, ՏՀՀ-ի համապատասխան բաժինն ընտրելով, պետք է.

ա) կա՛մ ուղարկի ՄՍՍ-ը նոր ասոցիացիային և մուտքագրի ֆուտբոլիստին գրանցումից հանելու ամսաթիվը,

բ) կա՛մ մերժի ՄՍՍ-ի հարցումը և ՏՀՀ-ում նշի մերժման պատճառը, որը կարող է լինել կա՛մ նախկին ակումբի և պրոֆեսիոնալ ֆուտբոլիստի միջև կնքված պայմանագրի ավարտված չլինելը, կա՛մ վերջիններիս միջև պայմանագիրը վաղաժամկետ լուծելու վերաբերյալ փոխադարձ համաձայնության բացակայությունը:

Վերոնշյալը վերաբերում է միայն այն ֆուտբոլիստների միջազգային տրանսֆերներին, ովքեր իրենց նախկին ակումբներում գրանցված են եղել պրոֆեսիոնալ կարգավիճակով:

Միննույն ժամանակ նախկին ասոցիացիան պետք է ՏՀՀ վերբեռնի ՖԻՖԱ-ի չորս պաշտոնական լեզուներից որևէ մեկով (անգլերեն, ֆրանսերեն, գերմաներեն և իսպաներեն) կազմված և պատշաճ ստորագրված պաշտոնական գրություն՝ ներկայացնելով ՄՍՍ-ի մերժման վերաբերյալ իր փաստարկները:

Վերոնշյալը վերաբերում է միայն այն ֆուտբոլիստներին, որոնք տեղափոխությանը, ովքեր իրենց նախկին ակումբում գրանցված էին պրոֆեսիոնալ կարգավիճակով:



7. ՄՏՍ-ը ուղարկելուց հետո նոր ասոցիացիան պետք է հաստատի ստացումը և ՏՀՀ-ում լրացնի ֆուտբոլիստի գրանցման վերաբերյալ համապատասխան տեղեկատվությունը:
8. Եթե նոր ասոցիացիան հարցումն անելուց հետո 7 օրվա ընթացքում ՄՏՍ-ի հարցմանը պատասխան չի ստանում, ապա այն անմիջապես ժամանակավոր հիմունքներով գրանցում է պրոֆեսիոնալ ֆուտբոլիստին նոր ակումբում (ժամանակավոր գրանցում): Նոր ասոցիացիան ՏՀՀ է մուտքագրում տվյալ ֆուտբոլիստի գրանցման վերաբերյալ տվյալները (տե՛ս Հավելված 3-ի Գլուխ I-ի Հոդված 5.2-ի 6-րդ կետը):
9. Նախկին ասոցիացիան պրոֆեսիոնալ ֆուտբոլիստի համար ՄՏՍ չի տրամադրում, եթե նախկին ակումբի և պրոֆեսիոնալ ֆուտբոլիստի միջև պայմանագրային վեճ է ծագել Հավելված 3-ի Գլուխ I-ի Հոդված 8.2-ի 4բ) կետում ամրագրված հանգամանքների հիմքով: Այս պարագայում և նոր ասոցիացիայի հարցումով ՖԻՖԱ-ն բացառիկ դեպքերում կարող է ձեռնարկել ժամանակավոր միջոցներ: Այս կապակցությամբ, ՖԻՖԱ-ն հաշվի է առնում նախկին ասոցիացիայի կողմից ներկայացված փաստարկները, որոնք հիմնավորում են ՄՏՍ-ի հարցման մերժումը: (տե՛ս Հավելված 3-ի Հոդված 8.2-ի 3-րդ և 4-րդ կետերը):
Եթե կոմպետենտ մարմինը լիազորում է ժամանակավոր գրանցումը (տե՛ս ՖԻՖԱ-ի Ֆուտբոլիստների կարգավիճակի և տեղափոխության կանոնակարգի Հոդվածի 23-ի 4-րդ կետը), ապա նոր ասոցիացիան ՏՀՀ է մուտքագրում տվյալ ֆուտբոլիստի գրանցման վերաբերյալ համապատասխան տվյալները (տե՛ս Հավելված 3-ի Գլուխ I-ի Հոդված 5.2-ի 6-րդ կետը): Ավելին, պրոֆեսիոնալ ֆուտբոլիստը, նախկին ակումբը և/կամ նոր ակումբը լիազորված են բողոք ներկայացնելու ՖԻՖԱ՝ համաձայն ՖԻՖԱ-ի Ֆուտբոլիստների կարգավիճակի և տեղափոխության կանոնակարգի Հոդված 22-ի: Ֆուտբոլիստի ժամանակավոր գրանցման վերաբերյալ որոշումը պետք է չխոչընդոտի պայմանագրից բխող նման հնարավոր վեճի հիմնավորումներին/հանգամանքներին:
10. Ֆուտբոլիստն իրավունք չունի մասնակցելու իր նոր ակումբի պաշտոնական խաղերին, եթե.

ա) նոր ասոցիացիան ՄՏՍ-ի ստացումից հետո դեռևս ՏՀՀ չի մուտքագրել և չի հաստատել ֆուտբոլիստի գրանցման ամսաթիվը (տե՛ս Հավելված 3-ի Հոդված 5.2-ի 4-րդ կետը), կամ

բ) նոր ասոցիացիան, տվյալ ֆուտբոլիստի ՄՏՍ հարցմանը 7 օրվա ընթացքում որևէ պատասխան չստանալուց հետո, ՏՀՀ-ում ավարտին է հասցրել ֆուտբոլիստի գրանցման վերաբերյալ տեղեկատվության մուտքագրումը, կամ ՖԻՖԱ-ից ստացել է ֆուտբոլիստի ժամանակավոր գրանցման թույլտվությունը (տե՛ս Հավելված 3-ի Հոդված 5.2-ի 6-րդ կետը):

Հոդված 8.3. Պրոֆեսիոնալ ֆուտբոլիստի վարձակալություն

1. Վերոնշյալ կանոններն ու ընթացակարգը կիրառվում են նաև պրոֆեսիոնալ ֆուտբոլիստին մեկ ասոցիացիայի ակումբից այլ ասոցիացիայի ակումբ վարձակալության տրամադրելու, ինչպես նաև վարձակալությունից իր նախնական ակումբ վերադառնալու դեպքում (եթե առկա է):



2. Վարձակալությամբ տեղափոխված պրոֆեսիոնալ ֆուտբոլիստի գրանցման ժամանակ, նոր ակումբը պետք է ՏՀՀ մուտքագրի նախկին ակումբի հետ կնքած (հնարավոր է նաև ֆուտբոլիստի կողմից ստորագրված) վարձակալության պայմանագրի պատճենը (տե՛ս Հավելված 3-ի Գլուխ I-ի Հոդված 8.2-ի 1-ին կետը): Վարձակալության պայմանագրի ժամկետները պետք է մուտքագրվեն ՏՀՀ-ում:
3. Վարձակալության երկարացումն ու վարձակալությունից առաջացած ֆուտբոլիստների մշտական գրանցումները պատշաճ կերպով ևս մուտքագրվում են ՏՀՀ:

Հոդված 9. Պատժամիջոցներ

Հոդված 9.1. Ընդհանուր դրույթներ

1. Այն ակումբի կամ ասոցիացիայի նկատմամբ, որը խախտել է սույն հավելվածի ցանկացած դրույթ, կիրառվում են պատժամիջոցներ:
2. Պատժամիջոցներ են կիրառվում նաև այն ակումբի կամ ասոցիացիայի նկատմամբ, որը կեղծ տվյալներ է մուտքագրել համակարգ կամ անօրինական նպատակներով օգտագործել է ՏՀՀ-ն:
3. Ասոցիացիաներն ու ակումբները պատասխանատու են ՏՀՀ պատասխանատուների գործողությունների և նրանց կողմից համակարգ մուտքագրված տեղեկատվության համար:

Հոդված 9.2. Իրավասություն

1. ՖԻՖԱ-ի Կարգապահական կոմիտեն իրավունք ունի պատժամիջոցներ կիրառել՝ համաձայն ՖԻՖԱ-ի Կարգապահական կանոնակարգի:
2. Պատժամիջոցների կիրառման գործընթացը սկսում է ՖԻՖԱ-ն՝ կա՛մ իր նախաձեռնությամբ, կա՛մ ներգրավված կողմի՝ ներառյալ ՖԻՖԱ-ի համապատասխան բաժնի հարցումով:
3. ՖԻՖԱ-ի համապատասխան բաժինը ՖԻՖԱ-ի Կարգապահական կոմիտեի կողմից լիազորվելու դեպքում և հստակորեն արձանագրված խախտումների ժամանակ կարող է պատժամիջոցների կիրառման գործընթաց սկսել սեփական նախաձեռնությամբ՝ իր իրավասության ներքո պարտավորությունները չկատարելու համար:

Հոդված 9.3. Պատժամիջոցներ ասոցիացիաների նկատմամբ

1. Համաձայն ՖԻՖԱ-ի Կարգապահական կանոնակարգի՝ սույն հավելվածի դրույթները խախտելու դեպքում ասոցիացիաների նկատմամբ կիրառվում են, մասնավորապես, հետևյալ պատժամիջոցները՝
 - նկատողություն կամ զգուշացում,
 - տուգանք,
 - որակազրկում մրցումներից,
 - պարզևատրումների վերադարձ:



2. Այս պատժամիջոցները կարող են կիրառվել առանձին կամ միաժամանակ:

Հոդված 9.4. Պատժամիջոցներ ակումբների նկատմամբ

1. Համաձայն ՖԻՖԱ-ի Կարգապահական կանոնակարգի՝ սույն հավելվածի դրույթները խախտելու դեպքում ակումբների նկատմամբ կիրառվում են, մասնավորապես, հետևյալ պատժամիջոցները՝

- նկատողություն կամ զգուշացում,
- տուգանք,
- խաղի արդյունքի չեղյալ հայտարարում,
- պարտության գրանցում,
- որակազրկում մրցումներից,
- միավորների կրճատում,
- տեղափոխություն ցածրակարգ խումբ,
- տրանսֆերային արգելք,
- պարզևատրումների վերադարձ:

2. Այս պատժամիջոցները կարող են կիրառվել առանձին կամ միաժամանակ:

Հոդված 10. Ժամկետներ

ՖԻՖԱ-ի Կարգավորող հարկադրանքի դեպարտամենտի կողմից իրականացվող վարույթների և քննությունների առնչությամբ ՏՀՀ-ով կամ ՏՀՀ-ում նշված էլեկտրոնային փոստով կողմերի ուղարկվող էլեկտրոնային ծանուցումները հանդիսանում են հաղորդակցման պատշաճ միջոցներ և բավարար են ժամկետներ սահմանելու համար:

Այդուհանդերձ, վերոնշյալն ազդեցություն չունի և կիրառելի չէ ՖԻՖԱ-ի Կարգապահական կոմիտեի ընթացակարգերի դեպքում:

Գլուխ II. ՏՀՀ-ից դուրս իրականացվող ֆուտբոլիստների միջազգային տրանսֆերը կարգավորող վարչական գործընթաց

Հոդված 1. Կանոններ

Սույն հավելվածը կարգավորում է ֆուտզալի ֆուտբոլիստների միջազգային տրանսֆերների ընթացակարգերը:

1. Ցանկացած ֆուտզալի ֆուտբոլիստ, ով գրանցված է ՀՖՖ-ի որևէ ակումբում, իրավունք չունի խաղալու մեկ այլ ասոցիացիայի ակումբի կազմում, քանի դեռ համաձայն սույն հավելվածի դրույթների՝ ՀՖՖ-ն չի տրամադրել, իսկ նոր ասոցիացիան չի ստացել ֆուտբոլիստի ֆուտզալի միջազգային տրանսֆերային սերտիֆիկատը (ՖՄՏՍ-ը)



համաձայն սույն հավելվածի կետերի: Տվյալ գործընթացն իրականացվում է ՖԻՖԱ-ի կողմից տրամադրված հատուկ ձևաթղթերի միջոցով:

2. ՀՖՖ-ն պետք է ՖՄՏՍ հարցում կատարի ամենաուշը իր գրանցման ժամանակահատվածի վերջին օրը:
3. ՖՄՏՍ տրամադրող ասոցիացիան ՖՄՏՍ-ին կից պետք է ներկայացնի նաև ֆուտբոլիստի անձնագրի պատճենը:

Հոդված 2. Պրոֆեսիոնալ ֆուտբոլիստին ՖՄՏՍ տրամադրելը

1. Նոր ակումբը պրոֆեսիոնալ ֆուտբոլիստի գրանցման դիմումը ՀՖՖ է ներկայացնում նրանում հաստատված գրանցման ժամանակահատվածներից որևէ մեկի ընթացքում: Դիմումին կից ներկայացվում է նոր ակումբի և պրոֆեսիոնալ ֆուտբոլիստի միջև կնքված պայմանագրի պատճենը: Պրոֆեսիոնալ ֆուտբոլիստն իրավունք չունի հանդես գալ իր նոր ակումբի կազմում, քանի դեռ նախկին ասոցիացիան չի տրամադրել, իսկ նոր ասոցիացիան չի ստացել ՖՄՏՍ-ը:
2. Գրանցման դիմումը ստանալուն պես ՀՖՖ-ն անմիջապես դիմում է նախկին ասոցիացիային պրոֆեսիոնալ ֆուտբոլիստի ՖՄՏՍ-ը ստանալու նպատակով (ՖՄՏՍ-ի հարցում): ՖՄՏՍ-ի հարցման վերջնաժամկետը ՀՖՖ-ի գրանցման ժամանակահատվածի վերջին օրն է: Առանց որևէ հարցման այլ ասոցիացիայից տրամադրված ՖՄՏՍ-ի պարագայում ՀՖՖ-ն իրավասու չէ գրանցել պրոֆեսիոնալ ֆուտբոլիստին:
3. ՖՄՏՍ-ի հարցումը ստանալուն պես՝ նախկին ասոցիացիան անմիջապես հարցում է կատարում նախկին ակումբին և պրոֆեսիոնալ ֆուտբոլիստին՝ հավաստիանալու համար, թե արդյոք ավարտվել է ֆուտբոլիստի պայմանագրի գործողության ժամկետը, արդյոք վաղաժամ լուծարումը կատարվել է փոխադարձ համաձայնությամբ, կամ գոյություն ունեն արդյոք պայմանագրային վեճեր:
4. ՖՄՏՍ-ի հարցումը ստանալուն պես՝ 7 օրվա ընթացքում նախկին ասոցիացիան պարտավոր է՝

– տրամադրել ՖՄՏՍ-ը նոր ասոցիացիային կամ

– տեղեկացնել նոր ասոցիացիային, որ ՖՄՏՍ-ը չի կարող տրամադրվել, քանի որ նախկին ակումբի և պրոֆեսիոնալ ֆուտբոլիստի միջև պայմանագրի ժամկետը չի ավարտվել կամ տվյալ պայմանագրի վաղաժամ լուծարման վերաբերյալ չի եղել փոխադարձ համաձայնություն:

5. Եթե 30 օրվա ընթացքում ՖՄՏՍ-ի հարցմանը որևէ պատասխան չի ստացվում, ապա ՀՖՖ-ն ժամանակավոր հիմունքներով գրանցում է տվյալ պրոֆեսիոնալ ֆուտբոլիստին նոր ակումբում («ժամանակավոր գրանցում»): Ժամանակավոր գրանցումը դառնում է մշտական ՖՄՏՍ-ի հարցումը կատարելուց մեկ տարի անց: ՖԻՖԱ-ի Ֆուտբոլիստների կարգավիճակի կոմիտեն կարող է չեղյալ համարել ժամանակավոր գրանցումը, եթե այդ մեկ տարվա ընթացքում նախկին ասոցիացիան հիմնավոր պատճառներ ներկայացնի՝ բացատրելով, թե ինչու չի պատասխանել համապատասխան ՖՄՏՍ-ի հարցմանը:
6. Նախկին ասոցիացիան ՖՄՏՍ չի տրամադրում, եթե նախկին ակումբի և պրոֆեսիոնալ ֆուտբոլիստի միջև պայմանագրային վեճ է ծագել: Այս դեպքում պրոֆեսիոնալ



Ֆուտբոլիստը, նախկին ակումբը և/կամ նոր ակումբը լիազորված են բողոք ներկայացնելու ՖԻՖԱ՝ համաձայն ՖԻՖԱ-ի Ֆուտբոլիստների կարգավիճակի և տեղափոխության կանոնակարգի Հոդված 22-ի : Այնուհետև, ՖԻՖԱ-ն 60 օրվա ընթացքում որոշում է կայացնում ՖՄՏՍ-ը հանձնելու և մարզական պատժամիջոցներ կիրառելու վերաբերյալ: Ամեն դեպքում սպորտային պատժամիջոցներ կիրառելու վերաբերյալ որոշումը պետք է ընդունվի նախքան ՖՄՏՍ տրամադրելը: ՖՄՏՍ-ի տրամադրումը պետք է չխոչընդոտի պայմանագրի խզման հետևանքով առաջացած փոխհատուցում ստանալու իրավունքին: Բացառիկ դեպքերում ՖԻՖԱ-ն կարող է դիմել ժամանակավոր միջոցների:

- 7. Նոր ասոցիացիան տվյալ մրցաշրջանի համար կարող է ֆուտբոլիստին շնորհել խաղալու ժամանակավոր իրավունք՝ հեռատիպով ուղարկված ՖՄՏՍ-ի հիման վրա: Եթե ՖՄՏՍ-ի բնօրինակն այդ ընթացքում չի ստացվում, ապա ֆուտբոլիստի խաղալու ժամանակավոր իրավունքը համարվում է վերջնական:
- 8. Ֆուտբոլիստին ստուգողական խաղերում ներգրավելու նպատակով ՖՄՏՍ պահանջելն արգելվում է:
- 9. Վերոհիշյալ կանոններն ու ընթացակարգը վերաբերում են նաև պրոֆեսիոնալ այն ֆուտբոլիստներին, ովքեր, տեղափոխվելով նոր ակումբ, ձեռք են բերում սիրողական կարգավիճակ:

Հոդված 3. Սիրողական կարգավիճակ ունեցող ֆուտբոլիստներին ՖՄՏՍ տրամադրելը

- 1. Նոր ակումբը սիրողական ֆուտբոլիստի գրանցման դիմումը ՀՖՖ է ներկայացնում նրանում հաստատված գրանցման ժամանակահատվածներից որևէ մեկի ընթացքում:
- 2. Գրանցման դիմումը ստանալուն պես ՀՖՖ-ն անմիջապես դիմում է նախկին ասոցիացիային ֆուտբոլիստի ՖՄՏՍ-ը ստանալու նպատակով (ՖՄՏՍ-ի հարցում):
- 3. ՖՄՏՍ-ի հարցումը ստանալուն պես՝ 7 օրվա ընթացքում, նախկին ասոցիացիան պարտավոր է ՀՖՖ-ին տրամադրել ՖՄՏՍ-ը:
- 4. Եթե ՀՖՖ-ն հարցումն անելուց հետո 30 օրվա ընթացքում ՖՄՏՍ-ի հարցմանը պատասխան չի ստանում, ապա այն անմիջապես ժամանակավոր հիմունքներով գրանցում է սիրողական ֆուտբոլիստին նոր ակումբում (ժամանակավոր գրանցում): Ժամանակավոր գրանցումը դառնում է մշտական ՖՄՏՍ-ի հարցումը կատարելուց մեկ տարի անց: ՖԻՖԱ-ի Ֆուտբոլիստների կարգավիճակի կոմիտեն կարող է չեղյալ համարել ժամանակավոր գրանցումը, եթե այդ մեկ տարվա ընթացքում նախկին ասոցիացիան հիմնավոր պատճառներ է ներկայացնում՝ բացատրելով, թե ինչու չի պատասխանել համապատասխան ՖՄՏՍ-ի հարցմանը:
- 5. Վերոհիշյալ կանոններն ու ընթացակարգը վերաբերում են նաև սիրողական այն ֆուտբոլիստներին, ովքեր, տեղափոխվելով նոր ակումբ ձեռք են բերում պրոֆեսիոնալ կարգավիճակ:

Հոդված 4. Ֆուտբոլիստների վարձակալություն

- 1. Վերոհիշյալ կանոններն ու ընթացակարգը կիրառվում են նաև պրոֆեսիոնալ ֆուտբոլիստին այլ ասոցիացիայի ակումբ վարձակալության տրամադրելու կամ այլ ասոցիացիայի ակումբից վարձակալելու դեպքում:



2. Վարձակալության պայմանագրի ժամկետները պետք է ներկայացվեն ՖՄՏՍ-ի հարցմանը կից:
3. Վարձակալության ժամկետի ավարտին համապատասխան հարցմամբ ՖՄՏՍ-ը պետք է վերադարձվի պրոֆեսիոնալ ֆուտբոլիստին վարձակալության տրամադրած ակումբի ասոցիացիային:

Գլուխ III. Անչափահասների առաջին գրանցումն ու տրանսֆերը կարգավորող ընթացակարգը և անչափահաս ֆուտբոլիստների գրանցումը ակադեմիաներում

Հոդված 1. Ընդհանուր դրույթներ

1. Մինչև 10 տարեկան ֆուտբոլիստների համար ՄՏՍ չի պահանջվում:
2. Միջազգային տրանսֆեր թույլատրվում է միայն 18 տարին լրացած ֆուտբոլիստի դեպքում:
3. Մինչև 18 տարեկան ֆուտբոլիստին չի թույլատրվում տրամադրել միջազգային տրանսֆերային սերտիֆիկատ՝ բացառությամբ հետևյալ հինգ դեպքերի.
 - 3.1. Եթե ֆուտբոլիստի ծնողները ոչ ֆուտբոլային դրդապատճառներով տեղափոխվում են այն երկիր, որտեղ գտնվում է ֆուտբոլիստի նոր ակումբը,
 - 3.2. Եթե ֆուտբոլիստը 16-ից 18 տարեկան է, և՛

- տեղափոխությունն իրականացվում է Եվրոպական Միության (ԵՄ) կամ Եվրոպական տնտեսական գոտու (ԵՏԳ) տարածքում կամ
- տեղափոխությունն իրականացվում է միննույն երկրի երկու տարբեր ասոցիացիաների միջև

Վերոնշյալ դեպքերում նոր ակումբը պետք է բավարարի հետևյալ նվազագույն պահանջները՝

- ապահովում է ֆուտբոլիստի համապատասխան ֆուտբոլային կրթությունը և/կամ մարզումները տվյալ երկրի լավագույն ստանդարտներին համապատասխան (տե՛ս Հավելված 4, Հոդված 5),
- ի լրումն ֆուտբոլային կրթության և/կամ մարզումների՝ ապահովում է ֆուտբոլիստի ակադեմիական և/կամ դպրոցական և/կամ մասնագիտական կրթությունը, որը թույլ կտա ֆուտբոլիստին պրոֆեսիոնալ գործունեությունը դադարեցնելուց հետո զբաղվել այլ կարիերայով,
- իրականացնում է բոլոր անհրաժեշտ միջոցառումները ֆուտբոլիստի համար հնարավորինս լավագույն պայմաններ ապահովելու նպատակով (հյուրընկալող ընտանիքում կամ ակումբում օպտիմալ կենսական պայմանների ապահովումը, ակումբում ուսուցիչ-դաստիարակի նշանակումը և այլն),



– նման ֆուտբոլիստ գրանցելիս ակումբը համապատասխան ասոցիացիային տրամադրում է վերոհիշյալ պարտավորությունները ստանձնելու մասին ապացույցներ:

3.3. Եթե ֆուտբոլիստը բնակվում է պետական սահմանից ոչ ավել, քան 50 կմ հեռավորության վրա, իսկ հարևան ասոցիացիայի ակումբը, որտեղ ֆուտբոլիստը ցանկանում է գրանցվել, ևս գտնվում է այդ սահմանից 50 կմ հեռավորության վրա: Նման դեպքերում ֆուտբոլիստը շարունակում է ապրել իր բնակավայրում, իսկ համապատասխան երկու ասոցիացիաները տալիս են իրենց լիարժեք համաձայնությունը:

Ֆուտբոլիստի բնակավայրի և ակումբի միջև եղած առավելագույն թույլատրելի հեռավորությունը 100 կմ է:

3.4. Եթե ֆուտբոլիստն, առանց ծնողների ուղեկցության, մարդասիրական դրդապատճառներով լքում է (փախչում է) իր ծննդավայրը՝ ռասսայական, կրոնական, ազգային պատկանելության, որոշակի սոցիալական խմբի պատկանելու կամ քաղաքական հայեցակարգի հետևանքով իր կյանքը կամ ազատությունը վտանգված լինելու պատճառով և, հետևաբար, ժամանակավոր բնակության թույլտվություն է ստանում այն երկրում, ուր ժամանել է:

3.5. Եթե ֆուտբոլիստն ուսանող է և ուսումնական դրդապատճառներով փոխանակման ծրագրի շրջանակներում ժամանակավորապես տեղափոխվում է այլ երկիր՝ առանց ծնողների ուղեկցության: Ֆուտբոլիստի՝ նոր ակումբում գրանցման տևողությունը մինչև վերջինիս 18 տարեկան լրանալը կամ մինչև ուսումնական ծրագրի ավարտը չի կարող գերազանցել մեկ տարին: Ֆուտբոլիստի նոր ակումբը կարող է լինել միայն սիրողական ակումբ, այն է՝ չունենա որևէ պրոֆեսիոնալ թիմ կամ իրավաբանական, ֆինանսական կամ դե ֆակտո առնչություն որևէ պրոֆեսիոնալ ակումբի հետ:

4. Սույն հոդվածի դրույթները վերաբերում են նաև ցանկացած ֆուտբոլիստի, ով նախկինում երբևիցե գրանցված չի եղել որևէ ակումբում, չի հանդիսանում այն երկրի քաղաքացի, որտեղ առաջին անգամ ցանկանում է գրանցվել և շարունակաբար չի ապրել տվյալ երկրում առնվազն վերջին 5 տարիների ընթացքում:

Հոդված 2. Կանոններ

1. Անչափահասի առաջին գրանցման (համաձայն սույն հավելվածի Գլուխ III-ի Հոդված 1-ի 3-րդ կետի) կամ միջազգային տրանսֆերի (համաձայն սույն հավելվածի Գլուխ III-ի Հոդված 1-ի 2-րդ կետի) ընթացակարգերը ենթակա են իրականացման ՏՀՀ էլեկտրոնային համակարգի միջոցով:

2. Բացառությամբ սույն կանոնակարգում նշված դեպքերի՝ անչափահասի առաջին գրանցումն ու միջազգային տրանսֆերը կարգավորվում են ՖԻՖԱ-ի Ֆուտբոլիստների կարգավիճակի կոմիտեի և Վեճերի լուծման պալատի ընթացակարգային կանոններով (հաշվի առնելով էլեկտրոնային տարբերակով դրանք կատարելու հանգամանքը՝ հնարավոր են աննշան փոփոխություններ):



Հոդված 3. ՀՖՖ-ի պարտականությունները

1. ՀՖՖ-ն պետք է պարբերաբար՝ նվազագույնը երեք օրը մեկ, ստուգի ՏՀՀ էլեկտրոնային համակարգի «Անչափահասներ» բաժինը և անպատասխան չթողնի իրեն ուղղված ցանկացած հարց կամ հարցում:
2. ՀՖՖ-ն ամբողջությամբ պատասխանատվություն է կրում համակարգում առաջացած ընթացակարգային ցանկացած թերության համար, որը դիտվում է որպես վերոնշյալ դրույթի խախտում:

Հոդված 4. ՖԻՖԱ-ի ենթակումիտե

1. Անչափահասի յուրաքանչյուր միջազգային տրանսֆեր (համաձայն Հավելված 3-ի Գլուխ III-ի Հոդված 1-ի 2-րդ կետի) և յուրաքանչյուր առաջին գրանցում (համաձայն Հավելված 3-ի Գլուխ III-ի Հոդված 1-ի 3-րդ կետի), ինչպես նաև արտասահմանցի անչափահաս ֆուտբոլիստի առաջին գրանցում, ով շարունակաբար առնվազն վերջին 5 տարիների ընթացքում ապրել է այն երկրում, որտեղ նա ցանկանում է գրանցվել, ենթակա է ՖԻՖԱ-ի Ֆուտբոլիստների կարգավիճակի կումիտեի կողմից այդ նպատակով ստեղծված ՖԻՖԱ-ի ենթակումիտեի (այսուհետև՝ ենթակումիտե) հաստատմանը, եթե տվյալ անչափահաս ֆուտբոլիստն առնվազն 10 տարեկան է: ՖԻՖԱ-ի Ֆուտբոլիստների կարգավիճակի կումիտեի կողմից նշանակված ենթակումիտեն բաղկացած է ՖԻՖԱ-ի Ֆուտբոլիստների կարգավիճակի կումիտեի նախագահից, նախագահի տեղակալից և 9 անդամներից: Որպես կանոն ենթակումիտեն որոշումներն ընդունում է առնվազն երեք անդամների ներկայությամբ: Արտակարգ դեպքերում նախագահը կամ նրա կողմից նշանակված անդամը կարող է որոշումներ ընդունել՝ որպես միանձնյա դատավոր: Անչափահասի յուրաքանչյուր միջազգային տրանսֆերի և առաջին գրանցման վերաբերյալ դիմումը ներկայացնում է տվյալ ֆուտբոլիստին գրանցել ցանկացող ասոցիացիան՝ հիմնվելով ակումբից ստացած հարցման վրա: Նախկին ասոցիացիային հնարավորություն է ընձեռվում ներկայացնելու իր դիրքորոշումը: Ասոցիացիայի կողմից միջազգային տրանսֆերային սերտիֆիկատ կամ առաջին գրանցում ստանալու նպատակով հարցումը կատարվում է ենթակումիտեի կողմից ասոցիացիայի դիմումը հաստատելուց հետո:
2. Եթե տվյալ անչափահաս ֆուտբոլիստի 10 տարեկանը դեռ չի լրացել, ապա ՀՖՖ-ն, մտադիր լինելով գրանցել տվյալ ֆուտբոլիստին ակումբի դիմումի հիման վրա, պարտավորվում է հաստատել և ապահովել, որ ֆուտբոլիստի տեղափոխման հանգամանքները, առանց որևէ կասկածի, համապատասխանեն սույն գլխի Հոդված 1-ի 2-րդ կետով սահմանված բացառություններից մեկին կամ 5 տարվա կանոնին (տե՛ս Հոդված 1-ի 3-րդ կետը և Հոդված 4-ի 1-ին կետը): Տվյալ հաստատումը պետք է իրականացվի նախքան որևէ գրանցում կատարելը:
3. Հատուկ հանգամանքների առկայության դեպքում՝ ՀՖՖ-ն կարող է ՏՀՀ-ի միջոցով գրավոր դիմում ներկայացնել ՖԻՖԱ-ի ենթակումիտեին՝ անչափահաս ֆուտբոլիստների գրանցման ընթացակարգից ազատում /Limited minor exemption («LME»)/ ստանալու նպատակով: Նշված ազատումն ստանալու պարագայում ՀՖՖ-ն հատուկ պայմաններով և միայն սիրողական ակումբներում սիրողական կարգավիճակով անչափահաս ֆուտբոլիստների գրանցման համար ազատվում է ենթակումիտեից հաստատում ստանալու նպատակով ՏՀՀ-ի միջոցով պաշտոնական



դիմում ներկայացնելու պարտավորությունից՝ համաձայն սույն հոդվածի 1-ին կետի և սույն կանոնակարգի Հավելված 3-ի Գլուխ III-ի: Նման դեպքերում, նախքան ՄՏՍ-ի և/կամ առաջին գրանցման հարցում կատարելը, տվյալ ասոցիացիան պարտավորվում է հաստատել և ապահովել, որ ֆուտբոլիստի տեղափոխության հանգամանքները, առանց որևէ կասկածի, համապատասխանեն վերոնշյալ 2-րդ կետով սահմանված բացառություններից մեկին կամ 5 տարվա կանոնին (տե՛ս Հոդված 1-ի 3-րդ կետը և Հոդված 4-ի 1-ին կետը):

4. Կարգապահական կոմիտեն սույն կետի ցանկացած խախտման դեպքում կիրառում է պատժամիջոցներ՝ համաձայն ՖԻՖԱ-ի Կարգապահական օրենսգրքի: Ավելին, պատժամիջոցներ կարող են կիրառվել նաև նախկին ասոցիացիայի նկատմամբ, եթե վերջինս ՄՏՍ է տրամադրում՝ առանց ենթակոմիտեից նախապես ստացած հաստատման, ինչպես նաև այն ակումբների նկատմամբ, որոնք ներգրավված են տվյալ անչափահաս ֆուտբոլիստի տեղափոխության գործընթացին:

Հոդված 5. Ընթացակարգեր

1. Ընթացակարգերի մեջ ներգրավված բոլոր կողմերը պետք է գործեն բարեխիղճ:
2. Ընթացակարգերի մեջ ներգրավված բոլոր կողմերը պարտավոր են ճշմարիտ տեղեկատվություն տրամադրել ենթակոմիտեին: Պատժամիջոցներ կարող են կիրառվել այն ասոցիացիայի կամ ակումբի նկատմամբ, որն ենթակոմիտեին տրամադրել է սխալ կամ կեղծ տվյալներ կամ օգտագործել է ՏՀՀ համակարգը անօրինական նպատակներով: Ցանկացած տեսակի խախտում (օրինակ՝ կեղծ փաստաթղթերի տրամադրումը) կենթարկվի համապատասխան պատժամիջոցների ՖԻՖԱ-ի Կարգապահական կոմիտեի կողմից՝ համաձայն ՖԻՖԱ-ի Կարգապահական կանոնակարգի:
3. Ենթակոմիտեն կարող է օգտագործել իր տրամադրության տակ գտնվող բոլոր միջոցները վերոնշյալ սկզբունքների իրականացումը երաշխավորելու համար:
4. ՖԻՖԱ ՏՀՀ-ն քննում է բոլոր դեպքերը՝ կապված կողմերի՝ սույն հավելվածով սահմանված պարտականությունների հետ: Բոլոր կողմերը պարտավոր են համագործակցել փաստերի պարզաբանման շրջանակներում: Մասնավորապես, նրանք պարտավոր են ՖԻՖԱ ՏՀՀ-ի կողմից հիմնավոր պահանջի դեպքում տրամադրել իրենց տրամադրության տակ գտնվող ցանկացած փաստաթուղթ, տեղեկատվություն կամ այլ բնույթի նյութեր:
Ի հավելումն՝ կողմերը պարտավոր են տրամադրել իրենց տրամադրության տակ չգտնվող այն փաստաթղթերը, տեղեկատվությունը կամ ցանկացած այլ բնույթի նյութերը, որոնք իրենք, սակայն, իրավասու են ձեռք բերել: ՖԻՖԱ ՏՀՀ-ի կողմից վերոնշյալ հարցումներին չենթարկվելը կարող է հանգեցնել ՖԻՖԱ-ի Կարգապահական կոմիտեի կողմից համապատասխան պատժամիջոցների կիրառմանը:

Հոդված 6. Ընթացակարգի սկիզբը, փաստաթղթերի ներկայացումը

1. Անչափահասի առաջին գրանցման (տե՛ս Հավելված 3-ի Գլուխ III-ի Հոդված 1-ի 3-րդ կետը) կամ միջազգային տրանսֆերի (տե՛ս Հավելվածի Գլուխ III-ի Հոդված 1-ի 2-րդ կետը) հաստատման նպատակով ներկայացված դիմումը մուտքագրվում է համակարգ



տվյալ ասոցիացիայի կողմից: Նշված դրույթով սահմանված դիմումները չեն քննվի, եթե ՏՀՀ համակարգ մուտքագրելու փոխարեն ներկայացվեն այլ միջոցներով:

2. Կախված դիմումի բնույթից՝ ասոցիացիան պարտավորված է նաև ՏՀՀ մուտքագրել հետևյալ փաստաթղթերը՝
 - ֆուտբոլիստի անձն ու ազգությունը հաստատող ապացույց
 - ֆուտբոլիստի ծնողների անձն ու ազգությունը հաստատող ապացույց
 - ֆուտբոլիստի ծննդյան ամսաթվի ապացույց (ծննդյան վկայական)
 - ֆուտբոլիստի աշխատանքային պայմանագիր
 - ֆուտբոլիստի ծնողների աշխատանքային պայմանագիր
 - ֆուտբոլիստի աշխատանքի թույլտվություն
 - ֆուտբոլիստի ծնողների աշխատանքի թույլտվություն
 - ֆուտբոլիստի բնակության վայրի մասին ապացույց
 - ֆուտբոլիստի ծնողների բնակության վայրի մասին ապացույց
 - փաստաթղթեր ակադեմիական կրթություն ստանալու վերաբերյալ
 - փաստաթղթեր ֆուտբոլային կրթություն ստանալու վերաբերյալ
 - բնակության, խնամակալության փաստաթղթեր
 - ծնողների լիազորագիր
 - հեռավորության վերաբերյալ ապացույց, 50 կմ-ի կանոնը (տե՛ս 3-րդ հավելվածի III գլխի 2-րդ հոդվածի 2.3. կետը)
 - նախկին ասոցիացիայի համաձայնության ապացույց
 - առաջին գրանցման/ միջազգային տրանսֆերի հաստատման մասին պաշտոնական հարցում
3. Եթե որևէ պարտադիր փաստաթուղթ կամ համաձայն ներքոհիշյալ Հոդված 8-ի՝ թարգմանություն և/կամ պաշտոնական հաստատում բացակայում է համակարգում, ապա ենթակոմիտեն այդ մասին տեղեկացնում է դիմող ասոցիացիային:
Դիմումին ընթացք է տրվում միայն այն դեպքում, եթե բոլոր պարտադիր փաստաթղթերը կամ Հոդված 8-ով ամրագրված բոլոր անհրաժեշտ թարգմանություններն ու պաշտոնական հաստատումները պատշաճ կերպով ներկայացվել են:
4. Անհրաժեշտության դեպքում դիմող ասոցիացիան դիմումի հետ մեկտեղ կարող է ներկայացնել նաև այլ փաստաթղթեր: Ենթակոմիտեն ցանկացած ժամանակ կարող է պահանջել հավելյալ փաստաթղթեր:

Հոդված 7. Նախկին ասոցիացիայի հաստատումը (դիրքորոշումը)

1. Անչափահասի առաջին գրանցման կամ միջազգային տրանսֆերի դիմումը ստանալուն պես՝ ենթակոմիտեն հնարավորություն է ընձեռում նախկին ասոցիացիային ծանոթանալու համակարգում առկա բոլոր ոչ կոնֆիդենցիալ փաստաթղթերին:
Նախկին ասոցիացիան համակարգ է մուտքագրում իր դիրքորոշումը 7 օրվա ընթացքում: Անհրաժեշտության դեպքում վերջինս ևս կարող է հավելյալ փաստաթղթեր մուտքագրել համակարգ:



2. Եթե նախկին ասոցիացիան չի մուտքագրում որևէ դիրքորոշում, ապա ենթակումիտեն որոշում է կայացնում առկա փաստաթղթերի հիման վրա:

Հոդված 8. Փաստաթղթերի լեզուն

Եթե ներկայացվող փաստաթուղթը ՖԻՖԱ-ի չորս պաշտոնական լեզուներից որևէ մեկով չէ, ապա ասոցիացիան պարտավոր է ներկայացնել կա՛մ տվյալ փաստաթղթի թարգմանությունը, կա՛մ տվյալ փաստաթղթերի հիմնական բովանդակությունն ամփոփող պաշտոնական հաստատում ՖԻՖԱ-ի չորս պաշտոնական լեզուներից մեկով: Այս կարգը խախտելու դեպքում, համաձայն սույն գլխի Հոդված 6-ի 3-րդ կետի, ենթակումիտեն կարող է հաշվի չառնել քննության մեջ գտնվող հարցը:

Հոդված 9. Վերջնաժամկետները

SՀՀ համակարգում հաստատված վերջնաժամկետները ունեն իրավական ուժ: Վերջնաժամկետները սահմանված կարգով տեղադրվում են համակարգում: Փաստաթղթերը մուտքագրվում են SՀՀ՝ հաշվի առնելով տվյալ երկրի ժամային գոտով պայմանավորված վերջնաժամկետը:

Հոդված 10. Որոշումների ծանուցումը, բողոք ներկայացնելու կարգը

1. Կողմերը տեղեկացվում են ենթակումիտեի որոշման մասին SՀՀ համակարգի միջոցով: Ծանուցումը համարվում է իրականացված, երբ որոշումը մուտքագրվում է համակարգ: Նման կարգով որոշումների ծանուցումը պարտադիր է:
2. Կողմերը ծանուցվում են որոշման մասին: Կողմերը ծանուցումը ստանալուց հետո տասնօրյա ժամկետում իրավունք ունեն SՀՀ-ի միջոցով գրավոր կերպով բողոքարկելու որոշումը:
3. Վերը նշված ժամանակահատվածում բողոք չներկայացնելու դեպքում, ենթակումիտեի որոշումը մտնում է ուժի մեջ:
4. Որոշման բողոքարկման դեպքում ենթակումիտեն, քննելով ներկայացրած բողոքը, հիմնավորված որոշում է կայացնում, որի մասին կողմերը տեղեկացվում են գրավոր ձևով՝ SՀՀ միջոցով:
5. Բողոքարկման ժամկետի հաշվարկը սկսում է որոշման մասին ծանուցումը ստանալու պահից:

Հոդված 11. Ակադեմիաներում անչափահաս ֆուտբոլիստների գրանցումը

1. Այն ակումբները, որոնց կից գործում են վերջիններիս հետ իրավաբանորեն, ֆինանսապես կամ դե ֆակտո կապված ակադեմիաներ, պարտավոր են ակադեմիա հաճախող բոլոր անչափահասների ցուցակները տրամադրել ՀՖՖ-ին:
2. Յուրաքանչյուր ասոցիացիա պարտավոր է ապահովել, որպեսզի որևէ ակումբի հետ իրավաբանորեն, ֆինանսապես կամ դե ֆակտո կապ չունեցող բոլոր ակադեմիաները՝

ա) ներկայացնեն տվյալ ազգային առաջնություններին մասնակցող որևէ ակումբ. բոլոր ֆուտբոլիստները գրանցվում են ՀՖՖ-ում կամ հենց տվյալ ակումբում,



կամ՝

բ) մարզվելու նպատակով ակադեմիա հաճախող բոլոր անչափահասների ցուցակները տրամադրվեն ՀՖՖ-ին:

3. Յուրաքանչյուր ասոցիացիա գրանցում է անչափահասներին (նշվում են նրանց անուններն ու ծննդյան ամսաթվերը)՝ հիմնվելով ակումբների և ակադեմիաների տրամադրած տվյալների վրա:
4. Ակադեմիաներն ու նրանց ֆուտբոլիստները գրանցվելուց հետո պարտավորվում են ծավալել ֆուտբոլային գործունեություն՝ համաձայն ՖԻՖԱ-ի և ՀՖՖ-ի կանոնադրությունների՝ հարգելով և զարգացնելով կազմակերպված ֆուտբոլի բարոյական սկզբունքները:
5. Համաձայն ՖԻՖԱ-ի Կարգապահական կանոնակարգի՝ սույն դրույթի ցանկացած խախտման դեպքում ՖԻՖԱ-ի Կարգապահական կոմիտեի կողմից կիրառվում են պատժամիջոցներ:
6. Սույն կանոնակարգի Հավելված 3-ի Գլուխ III-ի դրույթների պահանջները վերաբերում են նաև բոլոր այն անչափահաս ֆուտբոլիստների գրանցմանը, որոնք չեն հանդիսանում այն երկրի քաղաքացի, որտեղ ցանկանում են գրանցվել:

Գլուխ IV. Ներքին տեղափոխությունը կարգավորող ընթացակարգ

Հոդված 1. Կանոններ

1. ՀՖՖ-ում գրանցված որևէ ակումբի ֆուտբոլիստ իրավունք չունի խաղալու մեկ այլ ակումբի կազմում, քանի դեռ նախկին ակումբը չի տվել իր գրավոր համաձայնությունը, իսկ նոր ակումբը չի գրանցել (վերագրանցել) տվյալ ֆուտբոլիստին՝ համաձայն սույն կանոնակարգով սահմանված դրույթների:
2. Ներքին տեղափոխության դեպքում ֆուտբոլիստը պետք է գրանցվի (վերագրանցվի) նոր ակումբում սույն կանոնակարգի III գլխում սահմանված դրույթներին համապատասխան:
3. Պրոֆեսիոնալ ֆուտբոլիստի տեղափոխության դեպքում նախկին ակումբը կարող է համաձայնություն չտալ այդ տեղափոխությանը, եթե իր և ֆուտբոլիստի միջև պայմանագրային վեճ է ծագել: Այս դեպքում պրոֆեսիոնալ ֆուտբոլիստը, նախկին ակումբը և/կամ նոր ակումբը իրավասու են բողոք ներկայացնելու ՀՖՖ:Նման դեպքում , ՀՖՖ-ն 10 օրվա ընթացքում որոշում է կայացնում ֆուտբոլիստին գրանցելու (վերագրանցելու) և նրա նկատմամբ մարզական պատժամիջոցներ կիրառելու վերաբերյալ: Ամեն դեպքում, պատժամիջոցներ կիրառելու վերաբերյալ որոշումը պետք է ընդունվի նախքան ֆուտբոլիստին գրանցելը, իսկ գրանցումը չպետք է խոչընդոտի պայմանագրի խզման հետևանքով առաջացած փոխհատուցում ստանալու իրավունքին:
4. Ֆուտբոլիստի և նախկին ակումբի միջև պարտք ու պահանջի առկայությունը չի կարող արգելք հանդիսանալ ֆուտբոլիստի ներքին տեղափոխության և վերագրանցման համար:
5. Ներքին տեղափոխության դեպքում գրանցման դիմումի հետ մեկտեղ պետք է ներկայացվեն մարզումային փոխհատուցման վճարը հաստատող



փաստաթղթերը (վճարման հանձնարարականի պատճենը և ստացված գումարի վերաբերյալ նախկին ակումբի կողմից լրացված ձևաթուղթը):

6. Ֆուտբոլիստի գրանցումը կարող է չեղյալ համարվել ՀՖՖ-ի Վեճերի լուծման պալատի որոշմամբ:



ՀԱՎԵԼՎԱԾ 4. Մարզումային փոխհատուցում

Հոդված 1. Մարզումային փոխհատուցումը

1. Ֆուտբոլիստի մարզման և ուսուցման գործընթացը տեղի է ունենում 12-23 տարեկան հասակում: Մարզումային փոխհատուցումը ենթակա է վճարման սույն կանոնակարգի Հոդված 20 և 21-ում նշված դեպքերում մինչև 23 տարեկան ֆուտբոլիստի համար՝ մինչև նրա 21 տարին լրանալը մարզման և ուսուցման համար կատարված ներդրումների հաշվարկով՝ այն պարագայում, երբ ակնհայտ չէ, որ ֆուտբոլիստն արդեն դադարեցրել է իր մարզումային գործընթացը մինչև 21 տարեկանը լրանալը: Նման դեպքում մարզումային փոխհատուցումը վճարվում է մինչև ֆուտբոլիստի 23 տարեկանը լրանալու օրացուցային տարվա ավարտը: Սակայն վճարման ենթակա գումարի հաշվարկը կատարվում է՝ սկսած 12 տարեկանից մինչև այն տարիքը, երբ հաստատվում է, որ ֆուտբոլիստն իրականում ավարտել է իր մարզումները:
2. Մարզումային փոխհատուցում վճարելու պարտավորությունը պայմանավորված չէ պայմանագրի իսկական հետևանքով առաջացած որևէ պարտավորությամբ (այդ թվում նաև փոխհատուցմամբ):

Հոդված 2. Միջազգային տրանսֆերի դեպքում պրոֆեսիոնալ ֆուտբոլիստի մարզումային փոխհատուցման վճարումը

1. Մարզումային փոխհատուցում պետք է վճարվի պրոֆեսիոնալ ֆուտբոլիստին մարզած, կրթած ակումբին (ակումբներին)
 - ա) եթե ֆուտբոլիստը ստորագրում է իր առաջին պրոֆեսիոնալ պայմանագիրը,
 - բ) երբ պրոֆեսիոնալ ֆուտբոլիստը տեղափոխվում է մի ակումբից մյուսը (պայմանագրի ընթացքում կամ ավարտից հետո) մինչև իր 23 տարեկանը լրանալու մրցաշրջանի օրացուցային տարվա ավարտը:
2. Պրոֆեսիոնալ ֆուտբոլիստի համար մարզումային փոխհատուցում չի վճարվում՝
 - ա) եթե նախկին ակումբն առանց որևէ հիմնավոր դրդապատճառի խզել է պայմանագիրը (պահպանվում են նախորդ ակումբի իրավունքները),
 - բ) եթե ֆուտբոլիստը տեղափոխվում է 4-րդ կարգի ակումբ,
 - գ) եթե պրոֆեսիոնալ ֆուտբոլիստը տեղափոխվելիս կրկին ստանում է սիրողական կարգավիճակ:

Հոդված 2'. Ներքին տեղափոխության դեպքում պրոֆեսիոնալ ֆուտբոլիստի մարզումային փոխհատուցման վճարումը



1. Մարզումային փոխհատուցում պետք է վճարվի պրոֆեսիոնալ ֆուտբոլիստին մարզած, կրթած ակումբին (ակումբներին)
 - ա) եթե ֆուտբոլիստը ստորագրում է իր առաջին պրոֆեսիոնալ պայմանագիրը,
 - բ) երբ պրոֆեսիոնալ ֆուտբոլիստը տեղափոխվում է մի ակումբից մյուսը (պայմանագրի ընթացքում կամ ավարտից հետո) մինչև իր 23 տարեկանը լրանալու օրացուցային տարվա ավարտը:
2. Պրոֆեսիոնալ ֆուտբոլիստի համար մարզումային փոխհատուցում չի վճարվում`
 - ա) եթե նախկին ակումբն առանց որևէ հիմնավոր դրդապատճառի խզել է պայմանագիրը (պահպանվում են նախորդ ակումբի իրավունքները),
 - բ) եթե ֆուտբոլիստը տեղափոխվում է 4-րդ կարգի ակումբ,
 - գ) եթե պրոֆեսիոնալ ֆուտբոլիստը տեղափոխվելիս կրկին ստանում է սիրողական կարգավիճակ,
 - դ) եթե պրոֆեսիոնալ ֆուտբոլիստը տեղափոխվում է այլ ակումբ իր 23 տարեկանը լրանալու օրացուցային ավարտից հետո,
 - ե) եթե պրոֆեսիոնալ ֆուտբոլիստը չի մասնակցել կազմակերպված ֆուտբոլին տեղափոխությանը նախորդող առնվազն երկու մրցաշրջանների ընթացքում (միայն ներքին տեղափոխությունների դեպքում):
 - զ) եթե ֆուտբոլիստը տեղափոխվում է մեկ ակումբից մյուսը պարտադիր զինծառայության մեջ գտնվելու ժամանակահատվածում:
3. Այն դեպքերում, երբ ֆուտբոլիստը սիրողական կարգավիճակով նախկին ակումբից տեղափոխվում է նոր ակումբ (որի ժամանակ նոր ակումբը վճարում է նախկին ակումբին հասանելիք մարզումային փոխհատուցումը) և իր առաջին պրոֆեսիոնալ պայմանագիրն է կնքում տվյալ նոր ակումբի հետ, ապա նոր ակումբը նախկին ակումբին չի վճարում առաջին պրոֆեսիոնալ պայմանագրի կնքմամբ պայմանավորված մարզումային փոխհատուցումը՝ կրկնակի վճարումից խուսափելու նպատակով:
4. ՀՖՖ-ի Վեճերի լուծման պալատը շահագրգիռ անձանց դիմումի հիման վրա իրավասու է քննել և ներքին տեղափոխությունների մարզումային կարգերի նվազագույն դրույքաչափով (տե՛ս Հավելված 6-ի 2-րդ սանդղակը) սահմանել այն ակումբների մարզումային փոխհատուցումները, որոնց նախաձեռնությամբ է լուծվել իրենց ակումբում մարզված պրոֆեսիոնալ ֆուտբոլիստի հետ պայմանագիրը, բացառությամբ այն դեպքերի, երբ տվյալ հրաժարումը պայմանավորված է պրոֆեսիոնալ ֆուտբոլիստի ոչ մարզական կամ այլ անթույլատրելի վարքագծով: Սույն կետով նախատեսված հանգամանքների ապացուցման բեռը կրում է համապատասխան հանգամանքները վկայակոչող կողմը:



Հոդված 3. Ներքին տեղափոխության դեպքում սիրողական ֆուտբոլիստի մարզումային փոխհատուցման վճարումը

1. Ներքին տեղափոխության դեպքում մարզումային փոխհատուցում պետք է վճարվի 12 տարին լրացած սիրողական ֆուտբոլիստին մարզած, կրթած ակումբին (ակումբներին)
 - ա) եթե սիրողական ֆուտբոլիստը փոխում է իր կարգավիճակը (դառնում է պրոֆեսիոնալ),
 - բ) երբ սիրողական ֆուտբոլիստը տեղափոխվում է մի ակումբից մյուսը, մինչև իր 23 տարեկանը լրանալու օրացուցային տարվա ավարտը:
2. Սիրողական ֆուտբոլիստի համար մարզումային փոխհատուցում չի վճարվում՝
 - ա) եթե ֆուտբոլիստի 12 տարին չի լրացել,
 - բ) եթե ֆուտբոլիստը տեղափոխվում է 4-րդ կարգի ակումբ,
 - գ) եթե ֆուտբոլիստը չի մասնակցել կազմակերպված ֆուտբոլին տեղափոխությանը նախորդող առնվազն երկու մրցաշրջանների ընթացքում,
 - դ) եթե ֆուտբոլիստը տեղափոխվում է այլ ակումբ իր 23 տարեկանը լրանալու օրացուցային տարվա ավարտից հետո (նույնիսկ իր առաջին պրոֆեսիոնալ պայմանագիրը ստորագրելու դեպքում):
3. Սիրողական ֆուտբոլիստի համար մարզումային փոխհատուցում վճարվում է՝ անկախ այն հանգամանքից, թե տեղափոխությունը կատարվել է սիրողական ֆուտբոլիստի և/կամ ակումբի նախաձեռնությամբ:
4. Սիրողական ֆուտբոլիստի մարզումային փոխհատուցումը վճարելու պարտավորությունը որևէ պատճառաբանությամբ չի կարող դրվել նրա ծնողների և/կամ երրորդ անձի վրա:
5. Առանձին դեպքերում, երբ սիրողական ֆուտբոլիստի տեղափոխությունը հետևանք է նախկին ակումբի կողմից ոչ մարզական, հակամանկավարժական և այլ անթույլատրելի դրսևորումների, ՀՖՖ-ի Վեճերի լուծման պալատը իրավասու է որոշում կայացնելու մարզումային փոխհատուցում չվճարելու վերաբերյալ:
6. ՀՖՖ-ի Վեճերի լուծման պալատը շահագրգիռ անձանց դիմումի հիման վրա իրավասու է քննել և ներքին տեղափոխությունների մարզումային կարգերի նվազագույն դրույքաչափով (տե՛ս Հավելված 6-ի 2-րդ սանդղակը) սահմանել այն ակումբների մարզումային փոխհատուցումները, որոնք իրենց նախաձեռնությամբ հրաժարվել են իրենց ակումբում մարզված սիրողական ֆուտբոլիստների ֆուտբոլային ծառայություններից, բացառությամբ այն դեպքերի, երբ տվյալ հրաժարումը պայմանավորված է սիրողական ֆուտբոլիստի ոչ մարզական կամ այլ անթույլատրելի



վարքագծի հետ: Սույն կետով նախատեսված հանգամանքների ապացուցման բերը կրում է համապատասխան հանգամանքները վկայակոչող կողմը:

Հոդված 4. Մարզումային փոխհատուցում վճարելու պարտավորությունը

1. Երբ ֆուտբոլիստն առաջին անգամ գրանցվում է իբրև պրոֆեսիոնալ, ապա նրան գրանցող ակումբը պարտավոր է 30-օրյա ժամկետում մարզումային փոխհատուցում վճարել բոլոր այն ակումբներին, որտեղ գրանցված է եղել ֆուտբոլիստը (համաձայն ֆուտբոլիստի անձնագրում նկարագրված կարիերայի պատմության)՝ սկսած նրա 12 տարին լրանալու մրցաշրջանից: Ակումբին (ակումբներին) վճարման ենթակա գումարները հաշվարկվում են համամասնության սկզբունքով՝ համաձայն տվյալ ակումբում ֆուտբոլիստի մարզման ժամանակահատվածի: Գրանցող ակումբը պարտավոր է վճարման հանձնարարագիրը/հանձնարարագրերը (փոխանցում) ներկայացնել ՀՖՖ վերը նշված 30-օրյա ժամկետում:
2. Պրոֆեսիոնալ ֆուտբոլիստի տեղափոխության դեպքում մարզումային փոխհատուցում պետք է վճարվի միայն նրա նախկին ակումբին՝ տվյալ ակումբում ֆուտբոլիստի արդյունավետ մարզման ժամանակահատվածի համար:
 - Այն ֆուտբոլիստի տեղափոխության դեպքում, ում առաջին պրոֆեսիոնալ պայմանագիրը կնքվել է վերջինիս մարզած, կրթած ակումբի հետ, նոր ակումբը պետք է նախկին ակումբին վճարի տվյալ ֆուտբոլիստի համար հասանելիք մարզումային փոխհատուցումը՝ տվյալ ֆուտբոլիստի թե՛ որպես պրոֆեսիոնալ և թե՛ որպես սիրողական կարգավիճակով մարզվելու ամբողջ ժամանակահատվածի համար:
3. Սիրողական ֆուտբոլիստին գրանցել ցանկացող ակումբը պարտավոր է մարզումային փոխհատուցում վճարել ֆուտբոլիստի նախկին ակումբին՝ տվյալ ակումբում ֆուտբոլիստի արդյունավետ մարզման ժամանակահատվածի համար: Վճարման հանձնարարագիրը (փոխանցում) ներկայացվում է ՀՖՖ գրանցման դիմումի հետ միասին էլեկտրոնային փոստի միջոցով:
4. Մարզումային փոխհատուցումը ենթակա է վճարման ՀՖՖ-ին մանկապատանեկան ֆուտբոլի զարգացման ծրագրերի իրագործման նպատակով՝

ա) ներքին տեղափոխության դեպքում, երբ պրոֆեսիոնալ ֆուտբոլիստին առաջին անգամ գրանցող ակումբի և նրան մարզած, կրթած որևէ ակումբի (ակումբների) միջև կապ չի հաստատվում կամ այդ ակումբը (ակումբները) ի հայտ չի գալիս ֆուտբոլիստի գրանցման 3 ամիսների ընթացքում,

բ) երբ ֆուտբոլիստին մարզած, կրթած ակումբը երկու անընդմեջ խաղաշրջանների ընթացքում դադարեցրել է ֆուտբոլային գործունեությունը և չի մասնակցում կազմակերպված ֆուտբոլին:

գ) ներքին տեղափոխության դեպքում, երբ նոր ակումբը համաձայնության է գալիս տվյալ ֆուտբոլիստի նախկին ակումբի հետ վերջինիս տեղափոխության համար հասանելիք մարզումային փոխհատուցման գումարի շուրջ, այն է՝ նվազեցնելով հասանելիք փոխհատուցման իրական գումարը: Տվյալ դեպքում ՀՖՖ-ն իրավասու է



պահանջելու/ստանալու նվազեցված չափով մարզումային փոխհատուցման գումարը՝ մանկապատանեկան ֆուտբոլի զարգացման ծրագրերի իրագործման նպատակով:

5. Փոխհատուցում ստանալու իրավունքը վերականգնվում է ֆուտբոլային գործունեությունը վերսկսելու դեպքում: Միջազգային տեղափոխության դեպքում (պրոֆեսիոնալ ֆուտբոլիստ) նախկին ակումբին հասանելիք մարզումային փոխհատուցումը ենթակա է վճարման ՀՖՖ-ին, եթե ՀՖՖ-ն ապացույց ներկայացնի առ այն, որ տվյալ ակումբը, որտեղ պրոֆեսիոնալ ֆուտբոլիստը գրանցված է եղել և մարզվել, այդ ընթացքում դադարել է մասնակցել կազմակերպված ֆուտբոլին և (կամ) այլևս գոյություն չունի (օրինակ՝ սնանկության, լուծարման կամ անդամակցության դադարեցման պատճառով): Այդ փոխհատուցումը ՀՖՖ-ն պարտավոր է հատկացնել մանկապատանեկան ֆուտբոլի զարգացման ծրագրերի իրագործմանը: Մարզումային փոխհատուցման բոլոր վճարումները պետք է կատարվեն միայն փոխանցման կարգով՝ հաշվեհամարից հաշվեհամար: Մարզումային փոխհատուցման կանխիկ վճարումներն ակումբների միջև արգելվում են:

Հոդված 5. Մարզումային ծախսեր

1. Ֆուտբոլիստի մարզման և ուսուցման համար կատարված ներդրումների փոխհատուցման հաշվարկը կատարելու համար ստացիացիան իր ակումբները դասակարգում է 4 միջազգային կարգերի՝ համաձայն ֆուտբոլիստների մարզման համար ակումբի կողմից կատարված ֆինանսական ներդրումների: Մարզումային ծախսերը սահմանվում են ըստ կարգերի և համապատասխանում են տարվա կտրվածքով մեկ ֆուտբոլիստի վրա կատարած ուղղակի ներդրումները բազմապատկելով «ֆուտբոլիստի գործոն»-ի միջին հաշվարկով: «Ֆուտբոլիստի գործոն»-ը ընդհանուր մարզվողների և պատրաստված պրոֆեսիոնալ ֆուտբոլիստների քանակի հարաբերակցությունն է: Այլ կերպ ասած՝ տարեկան մարզումային ծախսերը հաշվարկվում են ակումբի մանկապատանեկան բյուջեի և մարզվող ֆուտբոլիստներից պատրաստված պրոֆեսիոնալ ֆուտբոլիստների քանակի հարաբերակցությամբ: Միջազգային տրանսֆերի դեպքում մարզումային փոխհատուցումը հաշվարկելու նպատակով ակումբները, ըստ մարզումային ծախսերի, ՖԻՖԱ-ի կողմից դասակարգված են 4 կարգերի, որը հրապարակված է ՖԻՖԱ-ի վերկայքում և սույն կանոնակարգի Հավելված 6-ում: Ակումբների միջազգային կարգերը նորացվում են յուրաքանչյուր տարվա վերջում: Աստիցիացիները պարտավոր են պարբերաբար նորացնել ՏՀՀ մուտքագրած իրենց ակումբների մարզումային կարգերը:
2. Ներքին տեղափոխությունների համար ՀՖՖ ակումբները, ըստ մարզումային ծախսերի (դրույքաչափերի), ՀՖՖ-ի կողմից դասակարգված են ևս 4 կարգերի, որոնք նույնպես հրապարակված են սույն կանոնակարգի Հավելված 6-ում:
3. ՀՀ Բարձրագույն խմբի (ՀՀ ԲԽ) առաջնությունում հանդես եկող ակումբները ստանում են 1-ին կարգ: ՀՀ ԲԽ առաջնությանը մասնակցության իրավունք ձեռք բերած ակումբն ի սկզբանե ստանում է 2-րդ կարգ: 1 տարի շարունակ ՀՀ ԲԽ-ում հանդես գալու պարագայում տվյալ ակումբը (ակումբները) ձեռք է բերում 1-ին կարգ: ՀՀ Առաջին խմբի առաջնությունում հանդես եկող ակումբները, ինչպես նաև ՀՖՖ ենթակայության տակ գտնվող ակադեմիաները և/կամ ֆուտբոլի դպրոցները (Ավանի ակադեմիան) ստանում



են 2-րդ կարգ: Այն ակումբը, որը մրցաշրջանի արդյունքներով, մարզական չափանիշներով դուրս է մնում Բարձրագույն խմբից և հայտնվում է Առաջին խմբում, շարունակում է պահպանել իր 1-ին կարգը: Առաջին խմբում 1 տարի և ավելի մնալու դեպքում վերջինիս կարգը դառնում է 2-րդ: Այն մարզադպրոցները, ֆուտբոլային դպրոցները և/կամ հաստատությունները, որոնք ունեն 4-ից ավելի մանկապատանեկան թիմեր, ձեռք են բերում 3-րդ կարգ: Այն մարզադպրոցները, ֆուտբոլային դպրոցները և/կամ հաստատությունները, որոնց մանկապատանեկան թիմերի քանակը չի գերազանցում 4-ը, ստանում են 4-րդ կարգ:

- 4. Ակումբը, որը 3 տարի շարունակ չի գրադվել կազմակերպված ֆուտբոլով, կորցնում է իր կարգը: Վերջինիս կարգը հանվում է ՀՖՖ գրանցումից և այդ ակումբում գրանցված ֆուտբոլիստների համար մարզումային փոխհատուցում չի վճարվում:

Հոդված 6. Մարզումային փոխհատուցման հաշվարկը

- 1. Որպես կանոն, ֆուտբոլիստի նախկին ակումբին (ակումբներին) վճարվելիք մարզումային փոխհատուցումը հաշվարկելու համար անհրաժեշտ է հաշվի առնել այն ներդրումները (ծախսերը), որոնք նոր ակումբը կկատարեր ֆուտբոլիստի վրա, եթե վերջինս մարզեր տվյալ ֆուտբոլիստին:
- 2. Երբ ֆուտբոլիստն առաջին անգամ գրանցվում է պրոֆեսիոնալ կարգավիճակով, վճարվելիք մարզումային փոխհատուցումը հաշվարկվում է հետևյալ կերպ՝ նոր ակումբի մարզումային ծախսերը բազմապատկելով մարզվելու տարիների ընդհանուր թվով, ֆուտբոլիստի 12 տարեկանը լրանալու մրցաշրջանից մինչև 21 տարեկանը լրանալու մրցաշրջանն ընկած ժամանակահատվածի համար: Հաջորդական տեղափոխությունների դեպքում մարզումային փոխհատուցումը հաշվարկվում է հետևյալ կերպ՝ նոր ակումբի մարզումային ծախսերը բազմապատկելով նախկին ակումբում մարզվելու տարիների ընդհանուր թվով:
- 3. Երիտասարդ ֆուտբոլիստների մարզումային փոխհատուցման անհիմն բարձր գումարներից խուսափելու համար, 12-15տ. ընթացքում (4 խաղաշրջան) նրանց մարզումային ծախսերը հաշվարկվում են 4-րդ կարգի ակումբների դրույքաչափի համապատասխան: Բացառություն են կազնում այն դեպքերը, երբ ֆուտբոլիստի տեղափոխությունը կատարվում է մինչև նրա 18 տարին լրանալը, որի դեպքում 12-15տ. ընթացքում ֆուտբոլիստի փոխհատուցման գումարը հաշվարկվում է՝ ըստ նոր ակումբի կարգի դրույքաչափի:
- 4. Ըստ այդմ, ֆուտբոլիստին առաջին անգամ որպես պրոֆեսիոնալ գրանցելիս գրանցող ակումբը պարտավոր է մարզումային փոխհատուցում վճարել բոլոր այն ակումբներին, որոնք մարզել, կրթել են տվյալ ֆուտբոլիստին: Փոխհատուցումը հաշվարկվում է ակումբում գրանցված ժամանակահատվածի համար հետևյալ կերպ՝

ա) 12-ից մինչև 15 տարեկան դառնալու տարին՝ 4-րդ կարգի ակումբի դրույքաչափով,

բ) 16-ից մինչև 21 տարեկան դառնալը՝ նոր ակումբի կարգին համապատասխան դրույքաչափով:

- 5. Ներքին տեղափոխությունների դեպքում մարզումային փոխհատուցման վճարի հաշվարկը կատարվում է հետևյալ կարգով՝



- Եթե նախկին ակումբում ֆուտբոլիստի գրանցված լինելու ժամանակահատվածը տվյալ տարում կազմում է մինչև 92 օր, ապա փոխհատուցման գումարը հաշվարկվում է որպես նոր ակումբի կարգի համապատասխան տարեկան դրույքաչափի 1/4-ը:
- Եթե ֆուտբոլիստի գրանցման ժամանակահատվածը նախկին ակումբում տվյալ տարում կազմում է 93-ից 184 օր, ապա փոխհատուցման գումարը հաշվարկվում է որպես նոր ակումբի կարգի համապատասխան տարեկան դրույքաչափի 1/2-ը:
- Եթե ֆուտբոլիստի գրանցման ժամանակահատվածը նախկին ակումբում տվյալ տարում կազմում է 185-ից 276 օր, ապա փոխհատուցման գումարը հաշվարկվում է որպես նոր ակումբի կարգի համապատասխան տարեկան դրույքաչափի 3/4-ը:
- Եթե ֆուտբոլիստի գրանցման ժամանակահատվածը նախկին ակումբում տվյալ տարում կազմում է 277-ից 366 օր, ապա փոխհատուցման գումարը հաշվարկվում է որպես նոր ակումբի կարգի համապատասխան մեկ տարվա դրույքաչափ:

Ամբողջությամբ ֆուտբոլիստի մարզումային փոխհատուցման գումարը հաշվարկվում է տարեկան գումարների գումարմամբ:

6. Երբ նախկին և նոր ակումբները պայմանավորվել են պրոֆեսիոնալ ֆուտբոլիստի տեղափոխության վերաբերյալ, ապա տեղափոխման գումարը չի կարող լինել պակաս, քան մարզումային փոխհատուցման գումարը:
7. ՀՖՖ Վեճերի լուծման պալատը կարող է քննարկել վճարման ենթակա մարզումային փոխհատուցման գումարի չափին վերաբերող վեճերը և, ըստ իր հայեցողության, հստակեցնել այդ գումարը, եթե ակնհայտ է, որ այն անհամաչափ է քննվող դեպքին:

Հոդված 7. Մարզումային փոխհատուցման (Հոդված 20) և համերաշխության վճարների (Հոդված 22) վերաբերյալ դիմումների ընթացակարգ

1. Կանոններ

1. Մարզումային փոխհատուցման (համաձայն սույն կանոնակարգի Հոդված 20-ի) և համերաշխության վճարների (համաձայն սույն կանոնակարգի Հոդված 22-ի) հետ կապված բոլոր դիմումները պետք է մուտքագրվեն ՏՀՀ և կարգավորվեն ՏՀՀ համակարգի միջոցով: դիմումը մուտքագրվում է համակարգ ՏՀՀ-ին մասնակից պրոֆեսիոնալ ակումբի կողմից, իսկ եթե պրոֆեսիոնալ ակումբը ՏՀՀ-ին մասնակից ակումբ չէ կամ սիրողական ակումբ է, ապա՝ ՀՖՖ-ի կողմից:
2. Եթե այլ բան նախատեսված չէ ներքոնշյալ դրույթներով, դիմումների ընթացակարգերը կարգավորվում են ՖԻՖԱ-ի Ֆուտբոլիստների կարգավիճակի կոմիտեի և Վեճերի լուծման պալատի ընթացակարգերը կարգավորող կանոններով, որոնք, հաշվի առնելով գործընթացն էլեկտրոնային դարձնելու հանգամանքը, կարող են ենթարկվել չնչին փոփոխությունների:

2. Ակումբների և ՀՖՖ պատասխանատվություն

1. ՀՖՖ-ն և բոլոր ակումբները պետք է առնվազն երեք օրը մեկ, ստուգեն ՏՀՀ համակարգի, « Դիմումներ» բաժինը և հատուկ ուշադրություն դարձնեն ցանկացած դիմում կամ դիրքորոշում ներկայացնելու հարցման վրա:



2. ՀՖՖ-ն և բոլոր ակումբներն ամբողջովին պատասխանատվություն են կրում վերոնշյալ առաջին դրույթը խախտելու դեպքում ծագած ցանկացած ընթացակարգային թերության համար:

3. ՖԻՖԱ-ի ենթակումիտեի կազմը

ՖԻՖԱ-ի Վեճերի լուծման պալատի (ՎԼՊ) կողմից նշանակված ենթակումիտեն կազմված է ՎԼՊ անդամներից, որոնցից յուրաքանչյուրը, որպես կանոն, կարող է որոշում կայացնել՝ որպես միանձնյա դատավոր:

4. Ընթացակարգերի ժամանակ դրսևորվող վարքագիծ

1. Բոլոր ներգրավված կողմերը պետք է գործեն բարեխիղճ:
2. Ընթացակարգերի մեջ ներգրավված կողմերը պարտավոր են ենթակումիտեին տրամադրել ճշգրիտ տեղեկատվություն (տվյալներ): Ենթակումիտեին կեղծ տվյալներ տրամադրելու կամ ՏՀՀ համակարգն անօրինական նպատակներով օգտագործելու դեպքում ցանկացած ասոցիացիայի կամ ակումբի հանդեպ կարող են կիրառվել պատժամիջոցներ: ՖԻՖԱ-ի Կարգապահական կումիտեն, համաձայն ՖԻՖԱ-ի Կարգապահական կանոնակարգի, պատժամիջոցներ կկիրառի ցանկացած խախտման կամ կեղծ փաստաթուղթ ներկայացնելու համար:
3. Ենթակումիտեն կարող է իր իավասությունների շրջանակներում կիրառել ցանկացած միջոց՝ նշված վարքագծի կանոնների պահպանումն ապահովելու նպատակով:
4. ՖԻՖԱ ՏՀՀ համապատասխան բաժինը կուսումնասիրի սույն հավելվածում սահմանված կողմերի պարտավորությունների հետ կապված հարցերը: Բոլոր կողմերը պարտավոր են համագործակցել փաստերը հաստատելու նպատակով: Մասնավորապես, հարցման դեպքում նրանք պարտավոր են տրամադրել իրենց տնօրինման տակ գտնվող ցանկացած փաստաթուղթ, տեղեկատվություն կամ ցանկացած այլ բնույթի նյութեր:
Ի հավելումն՝ կողմերը պետք է ձեռք բերեն և տրամադրեն իրենց տնօրինման տակ չգտնվող այն փաստաթղթերը, տեղեկատվությունը և ցանկացած այլ բնույթի նյութերը, որոնք իրենք իրավասու են ձեռք բերել: ՖԻՖԱ-ի Կարգապահական կումիտեն պատժամիջոցներ կկիրառի ՖԻՖԱ ՏՀՀ-ի վերոնշյալ հարցումներն անպատասխան թողնելու ու դրանց չենթարկվելու դեպքում:

5. Ընթացակարգերի սկիզբ և մարզումային փոխհատուցման հետ կապված դիմումներին վերաբերող փաստաթղթերի տրամադրում

1. Վերոնշյալ 7-րդ հոդվածի 1-ին կետի 1-ին ենթակետի համաձայն՝ մարզումային փոխհատուցման հետ կապված դիմումը (Հոդված 20 և Հավելված 4) համապատասխան մասնակից կողմի միջոցով մուտքագրվում է ՏՀՀ: Ցանկացած այլ եղանակով ներկայացված դիմում ենթակա չէ քննարկման:
2. Ընթացիկ բողոքի մանրամասներից կախված՝ դիմողը պետք է պարտադիր կերպով՝ կա՛մ անձամբ, կա՛մ ՀՖՖ-ի միջոցով (եթե ՏՀՀ համակարգին մասնակից ակումբ չէ) ՏՀՀ մուտքագրի հատուկ փաստաթղթեր հետևյալ ցուցակից՝



- կողմերի անունները,
 - գործի մանրամասների ներկայացում և հիմքեր դիմումի համար,
 - հայցվող գումարի չափը,
 - պատասխանող ակումբի կարգը (I, II, III կամ IV),
 - դիմողի ասոցիացիայի կողմից տրամադրված պաշտոնական հաստատում սպորտային մրցաշրջանի սկզբի և ավարտի օրերի վերաբերյալ (օրինակ՝ հուլիսի 1-ից մինչև հաջորդ տարվա հունիսի 30-ը) այն ժամանակահատվածի ընթացքում, երբ ֆուտբոլիստը գրանցված էր դիմող ակումբում,
 - կարիերայի ամբողջական պատմություն (ներգրավված ասոցիացիաներից ստացված ֆուտբոլիստի բոլոր ֆուտբոլային անձնագրերը (տե՛ս ՀՖՖ Ֆուտբոլիստների կարգավիճակի և տեղափոխության կանոնակարգի Հոդված 7-ը)), ներառյալ՝ ֆուտբոլիստի ծննդյան օրը, ամիսը, տարին, այն բոլոր ակումբների անունները, որտեղ ֆուտբոլիստը գրանցված է եղել սկսած իր 12 տարեկանը լրանալու մրցաշրջանից մինչև պատասխանող ակումբում գրանցվելը՝ հաշվի առնելով հնարավոր ընդհատումները, ինչպես նաև նշելով տվյալ բոլոր ակումբներում ֆուտբոլիստի ունեցած կարգավիճակը (սիրողական կամ պրոֆեսիոնալ),
 - ֆուտբոլիստի՝ առաջին անգամ որպես պրոֆեսիոնալ գրանցվելու ամսաթվի մասին հստակ տեղեկատվություն (օր/ամիս/տարի),
 - հստակ տեղեկատվություն ֆուտբոլիստի տեղափոխության ամսաթվի մասին (օր/ամիս/տարի), որի վրա հիմնված է դիմումը (եթե դիմումը հիմնված է պրոֆեսիոնալ ֆուտբոլիստի հաջորդող տեղափոխության վրա),
 - Ծախսերի վճարված լինելու կամ դրանք վճարելու անհրաժեշտության բացակայության վերաբերյալ ապացույց,
 - համապատասխան ասոցիացիայի կողմից դիմող ակումբի կարգի պաշտոնական հաստատում (եթե ֆուտբոլիստը տեղափոխվում է ԵՄ/ԵՏԳ գոտու ներսում, տե՛ս ՖԻՖԱ-ի Ֆուտբոլիստների կարգավիճակի և տեղափոխության կանոնակարգի (այսուհետ՝ ՖԻՖԱ-ի կանոնակարգ) Հավելված 4-ի Հոդված 6-ը),
 - փաստաթղթային ապացույց՝ համաձայն ՖԻՖԱ-ի կանոնակարգի Հավելվածի 4-ի Հոդվածի 6-ի 3-րդ կետի, եթե ֆուտբոլիստը տեղափոխվում է ԵՄ/ԵՏԳ գոտու ներսում (տե՛ս Հավելված 4-ի Հոդված 6-ը),
 - ապացույց փաստաթղթի տեսքով՝ համաձայն ՖԻՖԱ-ի կանոնակարգի Հավելված 4-ի Հոդված 3-ի 3-րդ կետի (եթե հայցվորն ասոցիացիա է),
 - լրագրագիր (եթե կիրառելի է):
3. Եթե պարտադիր համարվող փաստաթուղթը կամ դրա թարգմանությունը չի մուտքագրվում համակարգ՝ համաձայն ներքոնշյալ Հոդված 8-ի, ապա դիմողը ծանուցում է ստանում ՏՀՀ-ում: Դիմումին ընթացք է տրվում միայն այն ժամանակ, երբ բոլոր պարտադիր համարվող փաստաթղթերը կամ թարգմանությունները մուտքագրվում են ՏՀՀ համակարգ՝ համաձայն ներքոնշյալ Հոդված 8-ի:
4. Դիմողը կարող է նաև դիմումի հետ միասին համակարգ մուտքագրել այլ փաստաթղթեր, որոնք անհրաժեշտ է համարում: Ենթակումիտեն ցանկացած ժամանակ կարող է դիմողից պահանջել հավելյալ փաստաթղթեր:
5. Սիրողական ակումբների դիմումները պետք է համակարգ մուտքագրվեն ՀՖՖ-ի կողմից:



6. Ընթացակարգերի սկիզբ և համերաշխության վճարների հետ կապված դիմումներին վերաբերող փաստաթղթերի տրամադրում

1. Վերոնշյալ 7-րդ հոդվածի 1-ին կետի 1-ին ենթակետի համաձայն՝ համերաշխության վճարների հետ կապված դիմումը (Հոդված 22 և Հավելված 5) համապատասխան մասնակից կողմի միջոցով մուտքագրվում է ՏՀՀ համակարգ: Ցանկացած այլ եղանակով ներկայացված դիմում ենթակա չէ քննարկման:
2. Ընթացիկ բողոքի մանրամասներից կախված՝ դիմողը պետք է պարտադիր կերպով՝ կա՛մ անձամբ, կա՛մ ՀՖՖ միջոցով (եթե ՏՀՀ համակարգին մասնակից ակումբ չէ) ՏՀՀ մուտքագրի հատուկ փաստաթղթեր հետևյալ ցուցակից՝
 - կողմերի անունները,
 - գործի մանրամասների ներկայացում և հիմքեր դիմումի համար,
 - տեղեկատվություն ֆուտբոլիստի տեղափոխության հստակ ամսաթվի մասին (օր/ամիս/տարի), որի վրա հիմնված է դիմումը,
 - տեղեկատվություն ֆուտբոլիստի տեղափոխության մեջ ներգրավված ակումբների մասին, որի վրա հիմնված է դիմումը,
 - հայցված համերաշխության վճարի տոկոսը,
 - դիմողի ասոցիացիայի կողմից տրամադրված պաշտոնական հաստատում սպորտային մրցաշրջանի սկզբի և ավարտի օրերի վերաբերյալ (օրինակ՝ հուլիսի 1-ից մինչև հաջորդ տարվա հունիսի 30-ը) այն ժամանակահատվածի ընթացքում, երբ ֆուտբոլիստը գրանցված էր դիմող ակումբում,
 - համապատասխան ասոցիացիայից գրավոր հաստատում՝ դիմող ակումբում ֆուտբոլիստի գրանցման հստակ ամսաթվերի վերաբերյալ, այսինքն՝ որ ամսաթվից մինչև որ ամսաթիվը (օր/ամիս/տարի), հաշվի առնելով նաև հնարավոր ընդմիջումները, ներառյալ՝ ֆուտբոլիստի ծննդյան ամսաթիվը, ինչպես նաև նշելով դիմող ակումբում ֆուտբոլիստի կարգավիճակը (սիրողական կամ պրոֆեսիոնալ),
 - ֆուտբոլիստի՝ նոր ակումբ տեղափոխվելու համար հաստատված գումարի չափը (եթե հայտնի է) կամ պաշտոնական հայտարարություն այն մասին, որ գումարի չափը դեռ հայտնի չէ,
 - ծախսերի վճարված լինելու կամ դրանք վճարելու անհրաժեշտության բացակայության վերաբերյալ ապացույց,
 - փաստաթղթային ապացույց՝ համաձայն ՖԻՖԱ-ի կանոնակարգի Հավելված 5-ի, Հոդված 3-ի 3-րդ կետի (եթե հայցվորն ասոցիացիա է),
 - լիազորագիր (եթե կիրառելի է):
3. Եթե, համաձայն ներքոնշյալ Հոդված 8-ի, պարտադիր համարվող փաստաթուղթը կամ դրա թարգմանությունը չի մուտքագրվում համակարգ, ապա դիմողը ծանուցում է ստանում ՏՀՀ-ում: Դիմումին ընթացք է տրվում միայն այն ժամանակ, երբ բոլոր պարտադիր համարվող փաստաթղթերը կամ թարգմանությունները մուտքագրվում են ՏՀՀ համակարգ՝ համաձայն ներքոնշյալ Հոդված 8-ի:
4. Դիմողը կարող է նաև դիմումի հետ միասին համակարգ մուտքագրել այլ փաստաթղթեր, որոնք անհրաժեշտ է համարում: Ենթակումիտեն ցանկացած ժամանակ կարող է դիմողից պահանջել հավելյալ փաստաթղթեր:



5. Սիրողական ակումբների դիմումները պետք է համակարգ մուտքագրվեն ՀՖՖ-ի կողմից:

7. Դիմումի վերաբերյալ ծանուցում պատասխանողին

1. Եթե բոլոր անհրաժեշտ փաստաթղթերը մուտքագրվել են համակարգ (տե՛ս Հոդված 5 և 6), և եթե դիմումին ընթացք չտալու պատճառ առկա չէ, դիմումը (ներառյալ բոլոր փաստաթղթերը) պետք է ՏՀՀ միջոցով ուղարկվի պատասխանողին: Պատասխանողը, ՏՀՀ-ով դիմումի ուղարկման օրվանից սկսած, 20 օր ժամանակ ունի իր պաշտոնական տեսակետը (ներառյալ բոլոր հավելվածները) ՏՀՀ մուտքագրելու համար: ՏՀՀ-ում առկա գործին վերաբերող բոլոր փաստաթղթերը հասանելի կլինեն պատասխանողին: Բոլոր փաստաթղթերն ու նյութերը կոնֆիդենցիալ են և կարող են օգտագործվել միայն տվյալ ընթացակարգի շրջանակներում: Ենթակումիտեն ցանկացած ժամանակ կարող է պատասխանողից պահանջել հավելյալ փաստաթղթեր:
2. Նամակագրության երկրորդ փուլը տեղի է ունենում միայն հատուկ դեպքերում և ՏՀՀ-ի միջոցով:
3. Եթե պատասխանողն իր պաշտոնական տեսակետը չի արտահայտում 20 օրվա ընթացքում, ապա որոշումը կայացվում է գործում առկա փաստաթղթերի հիման վրա:

8. Փաստաթղթերի լեզուն

Բոլոր փաստաթղթերը պետք է համակարգ մուտքագրվեն բնօրինակի տեսքով և, եթե կիրառելի է, ՖԻՖԱ-ի չորս պաշտոնական լեզուներից որևէ մեկով թարգմանված: Այս պահանջի չկատարման դեպքում ենթակումիտեն կարող է չուսումնասիրել հայցվող փաստաթուղթը:

9. Վերջնաժամկետներ

1. Վերջնաժամկետները սահմանվում են ՏՀՀ համակարգում իրավական կարգով:
2. Բոլոր հարցումները պետք է մուտքագրվեն ՏՀՀ մինչև սահմանված վերջնաժամկետը՝ ՀՀ ժամային գոտուն համապատասխան:

10. Որոշումների մասին ծանուցումը, իրավական երաշխիքներ

1. Բոլոր ներգրավված կողմերը պետք է իրավական կարգով անմիջականորեն կամ ՀՖՖ-ի միջոցով ՏՀՀ համակարգով տեղեկացվեն ենթակումիտեի որոշման մասին: Ծանուցումը համարվում է իրականացված, երբ որոշումը մուտքագրվում է համակարգ: Նման կարգով որոշումների ծանուցումը պարտադիր է:
2. Ներգրավված կողմերը տեղեկացվում են որոշման հիմքերի մասին անմիջականորեն կամ ՀՖՖ-ի միջոցով: Միաժամանակ, կողմերը պետք է տեղեկացված լինեն, որ ծանուցումը ստանալուց հետո 10 օր ժամանակ ունեն որոշման հիմքերը գրավոր ձևով ՏՀՀ-ի միջոցով պահանջելու համար: Հակառակ դեպքում որոշումը դառնում է վերջնական ու պարտադիր, և համարվում է, որ կողմերը հրաժարվել են իրենց բողոքարկման իրավունքից: Եթե կողմը պահանջում է որոշման հիմքերը, պատճառաբանված որոշումը գրավոր ձևով անմիջականորեն կամ ՀՖՖ-ի միջոցով ՏՀՀ



համակարգով ուղարկվում է կողմերին: Բողոք ներկայացնելու ժամկետը սկսվում է պատճառաբանված որոշման մասին ծանուցուման պահից:



ՀԱՎԵԼՎԱԾ 5. Համերաշխության մեխանիզմը

Հոդված 1. Համերաշխության բաշխում

1. Եթե պրոֆեսիոնալ ֆուտբոլիստն իր պայմանագրի գործողության ընթացքում տեղափոխվում է, ապա տվյալ տեղափոխության ժամանակ նախկին ակումբին վճարվող ցանկացած փոխհատուցման գումարի 5%-ը (բացառությամբ նախկին ակումբին վճարված մարզումային փոխհատուցման) պետք է հանվի այդ փոխհատուցման ընդհանուր գումարից և նոր ակումբի կողմից, որպես համերաշխության գումար, բաշխվի բոլոր այն ակումբներին, որոնք տարիների ընթացքում զբաղվել են ֆուտբոլիստի մարզմամբ ու կրթմամբ:
2. Այս համերաշխության բաշխումն արտացոլում է այն տարիները (հաշվարկված համամասնորեն, եթե մեկ տարուց պակաս է), երբ ֆուտբոլիստը գրանցված է եղել համապատասխան ակումբում (ակումբներում) 12-23 տարեկանը լրանալու օրացուցային տարիների ընթացում՝ հետևյալ կարգով՝

- 12 տարեկանը լրանալու օրացուցային տարի	ցանկացած փոխհատուցման 5%-ի 5%-ը
- 13 տարեկանը լրանալու օրացուցային տարի	ցանկացած փոխհատուցման 5%-ի 5%-ը
- 14 տարեկանը լրանալու օրացուցային տարի	ցանկացած փոխհատուցման 5%-ի 5%-ը
- 15 տարեկանը լրանալու օրացուցային տարի	ցանկացած փոխհատուցման 5%-ի 5%-ը
- 16 տարեկանը լրանալու օրացուցային տարի	ցանկացած փոխհատուցման 5%-ի 10%-ը
- 17 տարեկանը լրանալու օրացուցային տարի	ցանկացած փոխհատուցման 5%-ի 10%-ը
- 18 տարեկանը լրանալու օրացուցային տարի	ցանկացած փոխհատուցման 5%-ի 10%-ը
- 19 տարեկանը լրանալու օրացուցային տարի	ցանկացած փոխհատուցման 5%-ի 10%-ը
- 20 տարեկանը լրանալու օրացուցային տարի	ցանկացած փոխհատուցման 5%-ի 10%-ը
- 21 տարեկանը լրանալու օրացուցային տարի	ցանկացած փոխհատուցման 5%-ի 10%-ը
- 22 տարեկանը լրանալու օրացուցային տարի	ցանկացած փոխհատուցման 5%-ի 10%-ը
- 23 տարեկանը լրանալու օրացուցային տարի	ցանկացած փոխհատուցման 5%-ի 10%-ը:

3. Ֆուտբոլիստին մարզող ակումբն իրավունք ունի ստանալու համերաշխության վճարի 5%-ը (դրա մասը՝ վերոնշյալ համամասնությամբ) հետևյալ դեպքերում.

ա) եթե պրոֆեսիոնալ ֆուտբոլիստը հիմնական կամ վարձակալության հիմունքներով տեղափոխվում է տարբեր ասոցիացիաների մի ակումբից մյուսը:

բ) եթե պրոֆեսիոնալ ֆուտբոլիստի տեղափոխությունը տեղի է ունենում միևնույն ասոցիացիայի երկու ակումբների միջև՝ հիմնական կամ վարձակալության հիմունքներով, պայմանով, որ ֆուտբոլիստին մարզող ակումբը պատկանում է մեկ այլ ասոցիացիայի:

4. Ներքին տեղափոխությունների դեպքում համերաշխության գումարի հաշվարկ և բաշխում չի իրականացվում:



Հոդված 2. Վճարման ընթացակարգը

1. Համաձայն նախորդ հոդվածում նշված պայմանների՝ նոր ակումբը պետք է վճարի համերաշխության գումարը ֆուտբոլիստին մարզող ակումբին (ակումբներին) ֆուտբոլիստի գրանցումից ոչ ուշ, քան 30 օրվա, իսկ հանգամանքներից կախված կամ հետաձգված վճարումների դեպքում՝ այդպիսի վճարումներից հետո 30 օրվա ընթացքում:
2. Նոր ակումբը պատասխանատվություն է կրում համերաշխության գումարի հաշվարկման և բաշխման համար՝ համաձայն ֆուտբոլիստի անձնագրում նշված կարիերայի պատմության: Անհրաժեշտության դեպքում ֆուտբոլիստը պետք է աջակցի նոր ակումբին այս պարտավորությունների կատարման գործում:
3. Եթե պրոֆեսիոնալ ֆուտբոլիստի նոր ակումբի և նրան մարզած ակումբներից որևէ մեկի միջև կապ չի հաստատվում նրա տեղափոխության 18 ամիսների ընթացքում, ապա համերաշխության գումարը պետք է վճարվի այն երկրի ասոցիացիային (ասոցիացիաներին), որտեղ պրոֆեսիոնալը մարզվել է՝ մանկապատանեկան ֆուտբոլի զարգացման ծրագրերի իրագործման նպատակով:



ՀԱՎԵԼ ՎԱԾ 6. ՀՖՖ Ակումբների կարգերը

Ակումբի անվանումը	կարգը	
	Միջազգային տրանսֆեր	Ներքին տեղափոխություն
«Փյունիկ» ՖԱ	3	1
«Ուրարտու» ՖԱ	3	1
«Ալաշկերտ» ՖԱ	3	1
«Շիրակ» ՖԱ	3	1
«Արարատ-Արմենիա » ՖԱ	3	1
Արարատ ՖԱ	3	1
««Նոա» » ՖԱ	3	1
«Նորավանք » ՍԱ	4	2
«ՖԱ Վան»	4	1
«ՖԱ Վեստ Արմենիա»	4	2
«Գանձասար» ՖԱ	4	2
«Լեոնային Արցախ» ՖԱ	4	2
«Սյունիք» ՖԱ	4	2
«Միկա » ՖԱ	4	2
«ՀՀ ՊՆ Վազգեն Սարգսյանի անվան ռազմական համալսարան»	-	-
ՀՖՖ ենթակայության տակ գտնվող ակադեմիաներ և/կամ ֆուտբոլի դպրոցներ (Ավան, Վաղարշապատ)	4	2
Սարգսյան դպրոցներ, ֆուտբոլային դպրոցներ և/կամ հաստատություններ, որոնք ունեն 4-ից ավելի մանկապատանեկան թիմեր	4	3
Մնացած բոլոր ակումբները, մարզադպրոցները, ֆուտբոլային դպրոցները և/կամ հաստատությունները	4	4

Մարզումային փոխհատուցման տարեկան դրույքաչափերը՝ ըստ կարգերի

Ակումբի կարգը	Միջազգային տրանսֆեր (եվրո)	Ներքին տեղափոխություն, 1-ին սանդղակ (դրամ)
1-ին կարգ	90 000	500 000
2-րդ կարգ	60 000	300 000
3-րդ կարգ	30 000	100 000
4-րդ կարգ	10 000	40 000



Ֆուտբոլիստների ներքին տեղափոխության ժամանակ մարզումային փոխհատուցման տարեկան դրույքաչափերը՝ սահմանված այն դեպքերի համար, երբ ակումբները իրենց նախաձեռնությամբ լուծում են իրենց մարզած պրոֆեսիոնալ ֆուտբոլիստի հետ պայմանագիրը և/կամ հրաժարվում իրենց մարզած սիրողական ֆուտբոլիստի ծառայություններից:

Ակումբի կարգը	Ներքին տեղափոխություն, 2-րդ սանդղակ (դրամ)
1-ին կարգ	80 000
2-րդ կարգ	60 000
3-րդ կարգ	40 000
4-րդ կարգ	20 000



ՀԱՎԵԼՎԱԾ 7. Ֆուտզալի ֆուտբոլիստների կարգավիճակի և տեղափոխության կանոնները

Հոդված 1. Գործողությունների շրջանակը

1. Ֆուտզալի ֆուտբոլիստների կարգավիճակի և տեղափոխության կանոնները հաստատում են ընդհանուր և պարտադիր դրույթներ ֆուտզալի ֆուտբոլիստների (այսուհետ նաև՝ ֆուտզալիստ) կարգավիճակի, կազմակերպված ֆուտբոլին մասնակցելու նրանց իրավունքի և տարբեր ասոցիացիաներին պատկանող ակումբների միջև նրանց տեղափոխության վերաբերյալ:
2. ՀՖՖ-ի և ՖԻՖԱ-ի ֆուտբոլիստների կարգավիճակի և տեղափոխության կանոնակարգերը վերաբերում են նաև ֆուտզալի ֆուտբոլիստներին, եթե սույն հավելվածում և ՖԻՖԱ-ի ֆուտբոլիստների կարգավիճակի և տեղափոխության կանոնակարգի Հավելված 6-ում զետեղված որևէ տարամետ դրույթ չի նախատեսում ֆուտզալին վերաբերող մեկ այլ կանոն:
3. ՀՖՖ ակումբների միջև ֆուտզալի ֆուտբոլիստների տեղափոխությունը կարգավորվում է ՀՖՖ ֆուտբոլիստների կարգավիճակի և տեղափոխության սույն կանոնակարգի դրույթներով:

Հոդված 2. Ֆուտզալի ֆուտբոլիստների ազատ արձակումը ՀՀ Ազգային հավաքականներում հանդես գալու համար

1. Սույն կանոնակարգի Հավելված 1-ի դրույթները պարտադիր են նաև ֆուտզալում:
2. Ֆուտբոլիստը և ֆուտզալի ֆուտբոլիստը, համապատասխանաբար՝ և՛ ֆուտբոլում, և՛ ֆուտզալում կարող են ներկայացնել միայն մեկ ասոցիացիա: Յուրաքանչյուր ֆուտբոլիստ, ով արդեն ներկայացրել է ինչ-որ ասոցիացիա ֆուտբոլի կամ ֆուտզալի ցանկացած կատեգորիայի պաշտոնական մրցաշարում (թե՛ ամբողջությամբ, թե՛ մասնակի) չի կարող հանդես գալ միջազգային խաղում այլ ասոցիացիայի ազգային հավաքականի կազմում: Սույն դրույթի վրա տարածվում են ՖԻՖԱ-ի կանոնադրության ընթացակարգերը կարգավորող կանոնակարգի Հոդված 5-ի 2-րդ կետով և Հոդված 8-ով սահմանված բացառությունները:

Հոդված 3. Գրանցում

1. Ակումբում պրոֆեսիոնալ կամ սիրողական կարգավիճակով հանդես գալու համար ֆուտզալի ֆուտբոլիստը պետք է գրանցված լինի ՀՖՖ-ում՝ համաձայն ՀՖՖ-ի ֆուտբոլիստների կարգավիճակի և տեղափոխության կանոնակարգի Գլուխ II-ի Հոդված 2-ի: Միայն գրանցված ֆուտզալի ֆուտբոլիստներն են իրավասու մասնակցել կազմակերպված ֆուտբոլին: Ֆուտզալի ֆուտբոլիստը, գրանցվելով, համաձայնվում է ենթարկվել ՖԻՖԱ-ի, ՈՒԵՖԱ-ի և ՀՖՖ-ի կանոնադրություններին ու կանոնակարգերին:
2. Ֆուտզալի ֆուտբոլիստների գրանցման համար սահմանվում են հետևյալ ժամանակահատվածները՝ օգոստոսի 8-ից հոկտեմբերի 29-ը և փետրվարի 1-28-ը:



3. Ֆուտզալի ֆուտբոլիստը միևնույն ժամանակահատվածում կարող է գրանցվել միայն մեկ ֆուտզալի ակումբում: Այնուամենայնիվ, ֆուտզալի ֆուտբոլիստը այս ժամանակահատվածում կարող է գրանցվել նաև մեկ ֆուտբոլային ակումբում: Ֆուտզալի և պրոֆեսիոնալ ֆուտբոլային ակումբները կարող են չպատկանել միևնույն ասոցիացիային:
4. Ֆուտզալի ֆուտբոլիստները հուլիսի 1-ից մինչև հաջորդ տարվա հունիսի 30-ը ընկած ժամանակահատվածում կարող են գրանցվել առավելագույնը 3 ֆուտզալի ակումբներում: Այս ժամանակահատվածի ընթացքում ֆուտզալի ֆուտբոլիստը իրավասու է հանդես գալ 2 ակումբների պաշտոնական խաղերում: Ֆուտբոլային ակումբների թիվը, որտեղ միևնույն ֆուտզալի ֆուտբոլիստը կարող է գրանցվել հուլիսի 1-ից մինչև հաջորդ տարվա հունիսի 30-ը ընկած ժամանակահատվածում, նշված է ՀՖՖ-ի Ֆուտբոլիստների կարգավիճակի և տեղափոխության կանոնակարգի Գլուխ III -ի Հոդված 5-ի 3-րդ կետում:

Հոդված 4. Ֆուտզալի միջազգային տրանսֆերային սերտիֆիկատ

1. Ֆուտզալի ֆուտբոլիստները, ովքեր գրանցված են մեկ ասոցիացիայում, իրավունք չունեն գրանցվել մեկ այլ ասոցիացիայի ֆուտզալի ակումբում, քանի դեռ նոր ասոցիացիան նախկին ասոցիացիայից չի ստացել ֆուտզալի միջազգային տրանսֆերային սերտիֆիկատը (ՖՄՏՄ): ՖՄՏՄ-ը տրամադրվում է անվճար, առանց որևէ պայմանի և ժամանակային սահմանափակման: Վերոնշյալին հակասող բոլոր դրույթները համարվում են անվավեր: ՖՄՏՄ տրամադրող ասոցիացիան ՖՄՏՄ-ի պատճենը ուղարկում է նաև ՖԻՖԱ: Ֆուտբոլում միջազգային տրանսֆերային սերտիֆիկատ (ՄՏՄ) տրամադրելու հետ կապված բոլոր վարչական գործընթացները վերաբերում են նաև ՖՄՏՄ շնորհելուն: Այս գործընթացները նկարագրված են սույն կանոնակարգի Հավելված 3-ի I և II գլուխներում: ՖՄՏՄ-ի ձևը տարբերվում է ֆուտբոլում կիրառվող ՄՏՄ-ի ձևից:
2. Մինչև 10 տարեկան ֆուտզալի ֆուտբոլիստների համար ՖՄՏՄ չի պահանջվում:

Հոդված 5. Կարգապահական պատժամիջոցների կիրառումը

1. Ֆուտզալի ֆուտբոլիստի՝ ֆուտզալում ստացած որակագրկումը և այլ պատժամիջոցները (տե՛ս ՖԻՖԱ-ի Կարգապահական կանոնակարգի Հոդված 20-ի 1-ին և 2-րդ կետերը) ազդում են միայն նրա՝ ֆուտզալի խաղերի մասնակցության վրա: Հավասարապես, ֆուտբոլում ֆուտբոլիստի նկատմամբ կիրառված որակագրկումը և այլ պատժամիջոցները պետք է ազդեն միայն նրա՝ ֆուտբոլային ակումբի խաղերին ունեցած մասնակցության վրա:
2. Ժամկետային որակագրկումը (որակագրկում որոշակի քանակությամբ օրերով և ամիսներով) ազդում է ֆուտբոլիստի մասնակցության վրա թե՛ ֆուտզալի և թե՛ ֆուտբոլային հանդիպումներին, անկախ այն հանգամանքից խախտումը գրանցվել է ֆուտբոլում, թե ֆուտզալում:
3. Ասոցիացիան, որտեղ ֆուտբոլիստը գրանցված է, պարտավոր է ժամկետային պատժամիջոցի մասին տեղեկացնել մյուս ասոցիացիային, որտեղ տվյալ ֆուտբոլիստը կարող է գրանցված լինել, եթե ֆուտբոլիստը գրանցված է երկու տարբեր ասոցիացիաներին պատկանող ֆուտզալի և ֆուտբոլային ակումբներում:



4. Մինչև տրանսֆերը ֆուտբոլիստի նկատմամբ կիրառված ցանկացած կարգապահական պատժամիջոց կիրառվում է նոր ասոցիացիայի կողմից, որտեղ ֆուտբոլիստը գրանցված է: Նախկին ասոցիացիան ՖՄՏՍ տրամադրելիս պարտավոր է գրավոր ձևով տեղյակ պահել նոր ասոցիացիային ցանկացած պատժամիջոցի վերաբերյալ:

Հոդված 6. Պայմանագրի դրույթների կատարումը

1. Ֆուտբոլային ակումբի հետ պայմանագիր ունեցող պրոֆեսիոնալ ֆուտբոլիստը կարող է երկրորդ պրոֆեսիոնալ պայմանագիրը ստորագրել ֆուտբոլի ակումբի հետ միայն ֆուտբոլային ակումբի գրավոր համաձայնության դեպքում: Ֆուտբոլի ակումբի հետ պայմանագիր ունեցող պրոֆեսիոնալ ֆուտբոլիստը կարող է երկրորդ պրոֆեսիոնալ պայմանագիրը ստորագրել ֆուտբոլային ակումբի հետ միայն ֆուտբոլի ակումբի գրավոր համաձայնության դեպքում:
2. Պայմանագրային կայունության ապահովմանը վերաբերող դրույթները ամրագրված են ՀՖՏ-ի Ֆուտբոլիստների կարգավիճակի և տեղափոխության կանոնակարգի Հոդված 13-19-ում:

Հոդված 7. Անչափահասների պաշտպանությունը

Միջազգային տրանսֆեր թույլատրվում է միայն 18 տարին լրացած ֆուտբոլիստի դեպքում: Սույն կանոնին վերաբերող բացառությունները ամրագրված են ՀՖՏ-ի Ֆուտբոլիստների կարգավիճակի և տեղափոխության կանոնակարգի Հավելված 3-ի Գլուխ III -ում:

Հոդված 8. Մարզումային փոխհատուցումը

Սույն կանոնակարգի Հոդված 20-ում և Հավելված 4-ում ամրագրված, մարզումային փոխհատուցմանը վերաբերող դրույթները չեն կիրառվում ֆուտբոլի ակումբ և ֆուտբոլի ակումբից ֆուտբոլիստների տեղափոխության ժամանակ:

Հոդված 9. Համերաշխության մեխանիզմը

Սույն կանոնակարգի Հոդված 22-ում և Հավելված 5-ում ամրագրված, համերաշխության մեխանիզմին վերաբերող դրույթները չեն կիրառվում ֆուտբոլի ակումբ և ֆուտբոլի ակումբից ֆուտբոլիստների տեղափոխության ժամանակ:

Հոդված 10. ՖԻՖԱ-ի կոմպետենտությունը

1. ՖԻՖԱ-ն, չսահմանափակելով աշխատանքային վեճերի վերաբերյալ քաղաքացիական դատարանի առջև լուծում պահանջելու ֆուտբոլի ֆուտբոլիստի կամ ակումբի իրավունքը, իրավասու է քննել ՖԻՖԱ-ի Ֆուտբոլիստների կարգավիճակի և տեղափոխության կանոնակարգի Հոդված 22-ով ամրագրված վեճերը:
2. ՖԻՖԱ-ի Ֆուտբոլիստների կարգավիճակի կոմիտեն կամ միանձնյա դատավորը կարող են որոշում կայացնել ՖԻՖԱ-ի Ֆուտբոլիստների կարգավիճակի և



տեղափոխության կանոնակարգի Հոդված 23-ով ամրագրված բոլոր վեճերի վերաբերյալ:

3. ՖԻՖԱ-ի Վեճերի լուծման պալատը կամ ՎԼՊ դատավորը քննում են վեճերը՝ համաձայն ՖԻՖԱ-ի Ֆուտբոլիստների կարգավիճակի և տեղափոխության կանոնակարգի Հոդված 24-ի:
4. Վերոնշյալ մարմինների կողմից ընդունված որոշումները կարող են բողոքարկվել Սպորտային արբիտրաժային դատարանում (CAS):

Հոդված 11. Սույն հավելվածում չնախատեսված դրույթները

Բոլոր այլ դեպքերը, որոնք նախատեսված չեն սույն հավելվածով, ենթակա են կարգավորման ՀՖՖ-ի և ՖԻՖԱ-ի Ֆուտբոլիստների կարգավիճակի և տեղափոխության կանոնակարգերով:



ՀԱՎԵԼՎԱԾ 8. Մարզիչների հետ աշխատելու կանոնները

Հոդված 1. Գործունեության շրջանակը

1. Սույն Հավելվածը սահմանում է մարզիչների և պրոֆեսիոնալ ակումբների կամ ասոցիացիաների միջև կնքված պայմանագրերի վերաբերյալ կանոնները:
2. Սույն Հավելվածը վերաբերում է այն մարզիչներին, ում՝
 - ա. վճարում են ավելի շատ, քան իրենց մարզչական գործունեության համար կատարվող փաստացի ծախսերն են;
 - բ. աշխատանքի է ընդունում պրոֆեսիոնալ ակումբը կամ ասոցիացիան
3. Սույն Հավելվածը հավասարապես կիրառելի է թե՛ ֆուտբոլի և թե՛ ֆուտզալի մարզիչների նկատմամբ:
4. Յուրաքանչյուր ասոցիացիա իր կանոնակարգում պետք է ներառի համապատասխան միջոցներ՝ մարզիչների և ակումբների կամ ասոցիացիաների միջև պայմանագրային կայունությունը պահպանելու նպատակով, միաժամանակ պատշաճ ուշադրություն դարձնելով և հարգելով ազգային օրենսդրության պարտադիր դրույթներն ու կոլեկտիվ պայմանագրերը:

Հոդված 2. Աշխատանքային պայմանագիրը

1. Մարզիչը պետք է գրավոր կնքված պայմանագիր ունենա ակումբի կամ ասոցիացիայի հետ:
2. Պայմանագիրը պետք է ներառի աշխատանքային պայմանագրի էական տարրեր, ինչպիսիք են՝ ի թիվս այլնի (inter alia), պայմանագրի առարկան, կողմերի իրավունքներն ու պարտականությունները, աշխատանքի բնույթն ու կարգավիճակը, համաձայնեցված վարձատրությունը, պայմանագրի ժամկետը և յուրաքանչյուր կողմի ստորագրությունը:
3. Եթե պայմանագրի կնքման բանակցային գործընթացում ներգրավվել է ֆուտբոլային միջնորդ, ապա վերջինիս անունը ևս պետք է նշվի պայմանագրում:
4. Պայմանագրի վավերականությունը պետք է կախված չլինի՝
 - ա. մարզչին աշխատանքային թույլտվություն կամ կացության քարտ տրամադրելու գործընթացից,
 - բ) հատուկ մարզչական արտոնագիր ունենալու պահանջի հետ, կամ
 - գ) վարչական կամ կարգավորող բնույթի այլ պահանջների հետ:
5. Աշխատանքի ընդունման գործընթացն ապահովելիս՝ ակումբներն ու ասոցիացիաները պետք է պատշաճ ուշադրությամբ գործեն և համոզվեն, որ մարզիչը համապատասխանում է աշխատանքի ընդունման անհրաժեշտ պահանջներին



(օրինակ՝ անհրաժեշտ մարզչական արտոնագիր ունենալը) և կատարում է իր պարտականությունները:

6. Այն պայմանագրային դրույթները, որոնք ակումբին կամ ասոցիացիային լրացուցիչ ժամանակ են տրամադրում պայմանագրով վճարման ենթակա գումարները մարզչին վճարելու համար («Արտոնյալ ժամանակահատվածներ»), առաջինը են: Այնուամենայնիվ, կողեկտիվ պայմանագրերում ընդգրկված և ներպետական օրենսդրության համաձայն գործատուների ու աշխատակիցների ներկայացուցիչների կողմից լոկալ մակարդակով համաձայնեցված արտոնյալ ժամանակահատվածները պետք է լինեն իրավաբանորեն պարտադիր և ճանաչված: Մույն դրույթի ուժի մեջ մտնելու պահին արդեն գործող պայմանագրերի վրա այս արգելքը տարածվում:

Հոդված 3. Պայմանագրի դրույթների կատարումը

Պայմանագիրը կարող է լուծվել միայն ժամկետի սպառվելուց հետո կամ փոխադարձ համաձայնությամբ:

Հոդված 4. Պայմանագրի լուծումը հիմնավոր դրդապատճառներով

1. Ցանկացած կողմ կարող է լուծել պայմանագիրն՝ առանց փոխհատուցում վճարելու, եթե առկա է հիմնավոր դրդապատճառ:
2. Կողմերից որևէ մեկի ցանկացած ոչ իրավաչափ վարքագծի ցուցաբերումը, որի նպատակն է ստիպել հակառակ կողմին լուծել պայմանագիրը կամ փոխել վերջինիս դրույթները, իրավունք է տալիս հակառակ կողմին հիմնավոր դրդապատճառով լուծել պայմանագիրը:

Հոդված 5. Պայմանագրի լուծումը աշխատավարձի չվճարման հիմնավոր դրդապատճառով

1. Եթե ակումբը կամ ասոցիացիան, խախտելով սահմանված կարգը, առնվազն 2 ամիս շարունակ մարզչին չի վճարել աշխատավարձը պատշաճ ժամկետներում, վերջինս ձեռք է բերում պայմանագիրը լուծելու հիմնավոր դրդապատճառ՝ պայմանով, որ նա գրավոր կերպով ծանուցել և առնվազն 15 օրվա վերջնաժամկետ է տրամադրել պարտապան (դեբիտոր) ակումբին կամ ասոցիացիային՝ ֆինանսական պարտավորությունները կատարելու համար:
Մույն դրույթի ուժի մեջ մտնելու պահին արդեն իսկ գործող աշխատանքային պայմանագրերի պարագայում կարող են հաշվի առնվել դրանցում առկա այլընտրանքային դրույթները:
2. Մարզչի ստացած ցանկացած վարձատրության դեպքում, որը ենթակա չէ վճարման ամսական հիմունքով, հաշվի է առնվում վերջինիս՝ երկու ամսվան համարժեք վարձատրության չափը համամասնության սկզբունքով: Առնվազն երկու ամսվա վարձատրությանը համարժեք գումարի վճարման ուշացումը նույնպես կարող է պայմանագիրը լուծելու հիմնավոր դրդապատճառ հանդիսանալ մարզչի համար, եթե վերջինս գործել է պայմանագրի լուծման մասին ծանուցման՝ սույն հոդվածի 1-ին կետով սահմանված կարգի համաձայն:



3. Ներպետական օրենսդրության համաձայն՝ գործատուների ու աշխատակիցների ներկայացուցիչների կողմից լոկալ մակարդակով համաձայնեցված կոլեկտիվ պայմանագրերը կարող են տարբերվել վերը նշված 1-ին և 2-րդ կետերով սահմանված սկզբունքներից: Նշված համաձայնագրերի դրույթները գերակայում են:

Հոդված 6. Առանց հիմնավոր դրդապատճառի պայմանագիրը լուծելու հետևանքները

1. Առանց հիմնավոր դրդապատճառի պայմանագիրը լուծած կողմը վճարում է փոխհատուցում:
2. Եթե պայմանագրով այլ բան նախատեսված չէ, ապա պայմանագիրն առանց հիմնավոր դրդապատճառի լուծելու դեպքում փոխհատուցումը հաշվարկվում է հետևյալ կերպ՝

Մարզչին վճարվող փոխհատուցումը

ա) Եթե մարզիչը իր նախկին պայմանագիրը լուծելուց հետո նոր պայմանագիր չի ստորագրել, որպես կանոն, փոխհատուցումը պետք է համարժեք լինի վաղաժամ լուծված պայմանագրի մնացորդային արժեքին:

բ) Եթե մարզիչը նոր պայմանագիր է ստորագրել որոշումը կայացնելու ժամանակ, ապա նոր պայմանագրի՝ վաղաժամ լուծված պայմանագրի դեռևս մնացած ժամանակահատվածին համապատասխանող արժեքը պետք է նվազեցվի վաղաժամ լուծված պայմանագրի մնացորդային արժեքից («Նվազեցված փոխհատուցում»): Ավելին, ժամկետանց պարտքերի հետևանքով պայմանագրի վաղաժամ լուծման դեպքում, ի լրումն Նվազեցված փոխհատուցման, մարզիչն իրավունք կունենա ստանալու երեք ամսվա աշխատավարձին համարժեք գումար («Հավելյալ փոխհատուցում»): Հատուկ դեպքերում Հավելյալ փոխհատուցման չափը կարող է հասնել մինչև առավելագույնը ամսական աշխատավարձի վեցապատիկին: Փոխհատուցման ենթակա ընդհանուր գումարը ոչ մի դեպքում չի կարող գերազանցել վաղաժամ լուծված պայմանագրի մնացորդային արժեքը:

գ) Ներպետական օրենսդրության համաձայն՝ գործատուների ու աշխատակիցների ներկայացուցիչների կողմից լոկալ մակարդակով համաձայնեցված կոլեկտիվ պայմանագրերը կարող են տարբերվել վերը նշված սկզբունքներից: Նշված համաձայնագրերի դրույթները գերակայում են:

Ակումբին կամ ասոցիացիային վճարվող փոխհատուցումը

դ) Փոխհատուցումը հաշվարկվում է պայմանագրի լուծման հետևանքով ակումբի կամ ասոցիացիայի կրած վնասների և ծախսերի հիման վրա՝ պատշաճ ուշադրություն դարձնելով, մասնավորապես, վաղաժամ լուծված պայմանագրով կամ նոր պայմանագրով մարզչին վճարման ենթակա փոխհատուցմանն ու այլ վճարումներին, նախկին ակումբի կողմից վճարված վարձատրություններին ու կատարված ծախսերին (նախկին պայմանագրի գործողության ընթացքում մարած/վճարած գումարներ), և սպորտի առանձնահատկության սկզբունքին:



3. Փոխհատուցման իրավունքը չի կարող փոխանցվել երրորդ կողմին:
4. Պատժամիջոցներ են կիրառվում ՖԻՖԱ-ի և ՀՖՖ-ի կանոնադրությանն ու կանոնակարգերին ենթակա այն անձանց նկատմամբ, ովքեր փորձում են իրենց գործողություններով պայմանագրի լուծում հրահրել մարզչի և ակումբի կամ ասոցիացիայի միջև:

Հոդված 7. Ժամկետանց վճարումներ

1. Ակումբներն ու ասոցիացիաները պարտավոր են կատարել մարզիչների հանդեպ ունեցած իրենց ֆինանսական պարտավորությունները՝ վերջիններիս հետ կնքած պայմանագրերում ամրագրված պայմանների համաձայն:
2. Առանց պայմանագրային հիմքի՝ վճարումն ավելի քան 30 օրով ուշացրած յուրաքանչյուր ակումբ կամ ասոցիացիա ենթարկվում է պատժամիջոցների՝ համաձայն ստորև նշված 4-րդ կետի:
3. Սույն հոդվածի համաձայն՝ ակումբը համարվում է ժամկետանց վճարումներ ունեցող, եթե կրեդիտորը (մարզիչը) գրավոր ձևով տեղեկացրել է դեբիտոր ակումբին կամ ասոցիացիային ժամկետանց վճարումներ ունենալու մասին և առնվազն 10 օր վերջնաժամկետ է տրամադրել վերջիններիս՝ իրենց ֆինանսական պարտավորությունները կատարելու համար:
4. ՖԻՖԱ-ի Ֆուտբոլիստների կարգավիճակի կոմիտեն կամ միանձնյա դատավորը իրենց իրավասությունների շրջանակներում կարող են կիրառել հետևյալ պատժամիջոցները՝

ա) զգուշացում

բ) նկատողություն

գ) տույժ

5. Սույն հոդվածի 4-րդ կետում նշված պատժամիջոցները կարող են կիրառվել համակցված:
6. Կրկնվող խախտումը կդիտարկվի որպես ծանրացուցիչ հանգամանք և կհանգեցնի առավել ծանր պատժամիջոցի կիրառմանը:
7. Պայմանագրային հարաբերությունների միակողմանի լուծման դեպքում՝ սույն հոդվածի պայմանները գործում են անկախ փոխհատուցման վճարի պարտավորության՝ համաձայն սույն կանոնակարգի Հոդված 6-ի 2-րդ կետի:

Հոդված 8 Վճարման ենթակա գումարների ժամանակին չվճարելու հետևանքները

1. Այն դեպքում, երբ՝

ա) ՖԻՖԱ-ի որոշում կայացնող մարմինը հրահանգում է որևէ կողմին (ակումբ, մարզիչ կամ ասոցիացիա) վճարման ենթակա գումար (ժամկետանց վճարումներ կամ փոխհատուցում) վճարել մյուս կողմին (ակումբ, մարզիչ կամ ասոցիացիա),



վճարման ենթակա գումարների ժամանակին չվճարելու հետևանքները պետք է ներառվեն որոշման մեջ;

բ) Վեճի մեջ ներգրավված կողմերն ընդունում են (կամ չեն մերժում) «Ֆուտբոլիստների կարգավիճակի կոմիտեի և Վեճերի լուծման պալատի ընթացակարգերը կարգավորող կանոնների» համաձայն ՖԻՖԱ-ի գլխավոր քարտուղարության կողմից արված առաջարկությունը, վճարման ենթակա գումարների ժամանակին չվճարելու հետևանքները պետք է նշվեն հաստատող նամակում:

2. Վճարման ենթակա գումարների ժամանակին չվճարելու հետևանքները շարադրված են ստորև.

ա) *Ընդդեմ ակումբի*. Թե՛ ազգային, թե՛ միջազգային մակարդակով նոր ֆուտբոլիստ գրանցելու արգելք, քանի դեռ անհրաժեշտ վճարումները կատարված չեն: Գրանցման արգելքի ընդհանուր առավելագույն տևողությունը չպետք է գերազանցի երեք ամբողջական և իրար հաջորդող գրանցման ժամանակահատվածը: Տվյալ պարագայում պետք է հաշվի առնել նաև 7-րդ կետը ստորև:

բ) *Ընդդեմ ասոցիացիայի*. զարգացման համար նախատեսված ֆինանսավորումից տոկոսի ստացման սահմանափակում, քանի դեռ անհրաժեշտ վճարումները կատարված չեն: Տվյալ պարագայում պետք է հաշվի առնել նաև 7-րդ կետը ստորև:

գ) *Ընդդեմ մարզչի*. ֆուտբոլային որևէ գործունեությամբ զբաղվելու արգելք, քանի դեռ անհրաժեշտ վճարումները կատարված չեն: Արգելքի առավելագույն ընդհանուր տևողությունը չպետք է գերազանցի վեց ամիսը: Տվյալ պարագայում պետք է հաշվի առնել նաև 7-րդ կետը ստորև:

3. Վճարման ենթակա գումարների ժամանակին չվճարելու հետևանքները կարող են բացառվել այն դեպքում, երբ ՖԻՖԱ-ի որոշում կայացնող մարմինը պատշաճ տեղեկացվում է առ այն, որ պարտապան ակումբը կամ ասոցիացիան գտնվում է սնանկացման գործընթացում՝ համաձայն ներպետական օրենսդրության, և իրավական տեսանկյունից ի վիճակի չէ կատարել հրահանգը:

4. Վճարման ենթակա գումարների ժամանակին չվճարելու հետևանքների կիրառման դեպքում պարտապանը պետք է պարտատերին վճարի ամբողջական գումարը (ներառյալ բոլոր կիրառելի տոկոսները) որոշման ծանուցումը ստանալուց հետո 45 օրվա ընթացքում:

5. 45-օրյա ժամկետն սկսվում է որոշման ծանուցումը կամ հաստատող նամակն ստանալուն պես:

ա) ժամկետը կասեցվում է որոշման հիմքերի տրամադրման վավեր դիմում ներկայացնելու դեպքում: Ժամկետը վերսկսվում է որոշման հիմքերը տրամադրելուց հետո:



բ) ժամկետը կասեցվում է նաև Սպորտային արբիտրաժային դատարան (CAS) բողոքարկում ներկայացնելու դեպքում:

6. Պարտապանը պետք է ամբողջությամբ կատարի վճարումները (ներառյալ բոլոր կիրառելի տոկոսները)՝ այն փոխանցելով պարտատիրոջ կողմից տրամադրված բանկային հաշվին, որը նշված է որոշման մեջ կամ հաստատող նամակում:
7. Եթե պարտապանը սահմանված ժամկետում չի կատարում անհրաժեշտ վճարումները (ներառյալ բոլոր կիրառելի տոկոսները), և որոշումը դառնում է վերջնական և կիրառելի, ապա՝

ա) պարտատերը կարող է պահանջ ներկայացնել ՖԻՖԱ-ին, որպեսզի վերջինս կիրառի հետևանքները;

բ) նման պահանջ ստանալուն պես ՖԻՖԱ-ն տեղեկացնում է պարտապանին հետևանքների կիրառման մասին;

գ) հետևանքներն անմիջապես կիրառվում են ՖԻՖԱ-ի կողմից ծանուցվելու պահից, ներառյալ (կասկածներից խուսափելու նկատառումներով) այն դեպքերում, երբ դրանք կիրառվել են բաց գրանցման ժամանակահատվածի ընթացքում: Նման դեպքերում, 2-րդ կետի «ա» ենթակետի կիրառման շրջանակներում գրանցման ընթացիկ ժամանակահատվածի մնացյալ մասը դիտարկվում է որպես առաջին «ամբողջական» գրանցման ժամանակահատված;

դ. Հետևանքները կարող են վերանայ միայն ստորև նշված 8-րդ դրույթի համաձայն:

8. Երբ հետևանքներն արդեն իսկ մտած են ուժի մեջ, պարտապանը պետք է ՖԻՖԱ-ին ներկայացնի ապացույց առ այն, որ բոլոր վճարումները (ներառյալ բոլոր կիրառելի տոկոսները) կատարված են, որպեսզի հետևանքները վերացվեն:

ա) Վճարման ապացույցն ստանալուն պես ՖԻՖԱ-ն անմիջապես պարտատիրոջից պահանջում է, որպեսզի վերջինս հնգօրյա ժամկետում հաստատի ամբողջական վճարման ստացումը:

բ) Պարտատիրոջից հաստատում ստանալուն պես կամ սահմանված ժամկետը լրանալու և այդ ընթացքում պատասխան չստանալու դեպքում ՖԻՖԱ-ն կողմերին ծանուցում է հետևանքների վերացման մասին:

գ) Հետևանքներն անմիջապես վերացվում են ՖԻՖԱ-ի կողմից ծանուցում ստանալուն պես:

դ) Չնայած վերոգրյալին, եթե չի կատարվել ամբողջական վճարում (ներառյալ բոլոր կիրառելի տոկոսները), ապա հետևանքները ուժի մեջ են մնում մինչև դրանց ամբողջական կատարումը:



9. Կասկածներից խուսափելու համար՝ Հոդված 24¹-ով սահմանված դրույթները հավասարապես կիրառելի են նաև սույն հավելվածի նկատմամբ:



ՀԱՎԵԼՎԱԾ 9. Պատասխանատվությունը կանոնակարգի դրույթները խախտելու դեպքում

Սույն կանոնակարգի դրույթները խախտելու համար Վեճերի լուծման պալատը կարող է կիրառել հետևյալ պատժամիջոցները.

1. Ֆուտբոլիստի կողմից միննույն ժամանակահատվածի համար մեկից ավելի աշխատանքային պայմանագրեր կնքելու դեպքում`
 - որակազրկում 3-12 ամիս ժամկետով և/կամ
 - տուգանք մինչև 150 000 դրամի չափով:
2. Ֆուտբոլիստի կողմից գործող պայմանագրի ավարտից 6 ամսից շուտ նոր ակումբի հետ բանակցություններ վարելու դեպքում`
 - որակազրկում 1-6 ամիս ժամկետով և/կամ
 - տուգանք մինչև 100 000 դրամի չափով:
3. Ֆուտբոլիստի գրանցման կարգը խախտելու դեպքում`
 - գրանցումն անվավեր ճանաչել և/կամ
 - զրկել ակումբին նոր ֆուտբոլիստներ գրանցելու իրավունքից 1-6 ամիս ժամկետով և/կամ
 - տուգանք մինչև 150 000 դրամի չափով:
4. Ակումբի կողմից ֆուտբոլիստի հետ աշխատանքային պայմանագրի կնքման կարգը խախտելու դեպքում`
 - տուգանք մինչև 150 000 դրամի չափով:
5. Ակումբի կողմից աշխատանքային պայմանագիրը սահմանված ժամկետում գրանցման չներկայացնելու դեպքում`
 - տուգանք յուրաքանչյուր ուշացված օրվա համար 1000 դրամի չափով:
6. Ակումբի կողմից ֆուտբոլիստի տեղափոխության պայմանագրի պայմանները և/կամ ֆուտբոլիստի հետ կնքած աշխատանքային պայմանագրի պարտավորությունները խախտելու դեպքում`
 - Տուգանք ակումբին մինչև 300 000 դրամի չափով և/կամ
 - արգելք ակումբին` գրանցելու նոր ֆուտբոլիստներ և համապատասխանաբար տեղափոխության պայմանագրեր մինչև 12 ամիս ժամկետով:



7. «Վարձակալող» ակումբի կողմից ֆուտբոլիստի «վարձակալության» պայմանով տեղափոխության պայմանագրի պայմանները և/կամ այդ ֆուտբոլիստի հետ կնքած աշխատանքային պայմանագրի պարտավորությունները խախտելու դեպքում`
 - տուգանք ակումբին մինչև 300 000 դրամի չափով և/կամ
 - արգելք ակումբին գրանցելու «վարձակալության» պայմանով նոր ֆուտբոլիստներ և համապատասխանաբար «վարձակալության» պայմանով տեղափոխության պայմանագրեր մինչև 12 ամիս ժամկետով:
8. Ակումբի կողմից մարզումային փոխհատուցման վճարումների ժամկետի խախտման դեպքում`
 - մրցաշարային միավորների նվազեցում` (Կարգապահական կոմիտեի որոշմամբ) և/կամ
 - արգելք ակումբին գրանցելու նոր ֆուտբոլիստներ և համապատասխանաբար տեղափոխության պայմանագրեր մինչև 12 ամիս ժամկետով:
9. Վեճերի լուծման պալատի որոշումները սահմանված ժամկետում չկատարելու դեպքում`
 - տուգանք մինչև 500 000 դրամի չափով և/կամ
 - մրցաշարային միավորների նվազեցում` (Կարգապահական կոմիտեի որոշմամբ) և/կամ
 - զրկում առաջնությանը մասնակցելու իրավունքից:
10. Ակումբի կողմից պայմանագիրը առանց հիմնավոր դրդապատճառների խախտելու կամ ֆուտբոլիստին պայմանագրի խախտմանը դրդելու դեպքում`
 - արգելք ակումբին գրանցելու նոր ֆուտբոլիստներ 3-ից 12 ամիս ժամկետով և/կամ
 - տուգանք ակումբին մինչև 300 000 դրամի չափով:
11. Որևէ ակումբի կողմից այլ ակումբին կամ ֆուտբոլիստին պայմանագրի խախտմանը դրդելու դեպքում`
 - արգելք ակումբին գրանցելու նոր ֆուտբոլիստներ 3-ից 12 ամիս ժամկետով և/կամ
 - տուգանք ակումբին մինչև 300 000 դրամի չափով:
12. Պրոֆեսիոնալ ֆուտբոլիստի կողմից պաշտպանված ժամանակահատվածի ընթացքում իր նախաձեռնությամբ առանց հիմնավոր դրդապատճառների պայմանագրի վաղաժամ լուծման դեպքում`
 - կազմակերպված ֆուտբոլին մասնակցելու իրավունքից զրկում 4-ից 6 ամիս ժամկետով և/կամ
 - տուգանք մինչև 150 000 դրամի չափով:



13. Ֆուտբոլիստների գործակալի կողմից սույն կանոնակարգի կամ գործակալի գործունեությունը կարգավորող այլ իրավական ակտերի դրույթների խախտման դեպքում`
 - զգուշացում և/կամ
 - արտոնագրի զրկում և/կամ
 - տուգանք մինչև 300 000 դրամի չափով:

14. Ակումբի կողմից այլ ակումբին փոխհատուցման վճարման պարտավորությունները և/կամ գործակալի հետ կնքված պայմանագրի դրույթները չկատարելու դեպքում`
 - տուգանք ակումբին մինչև 500 000 դրամի չափով և/կամ
 - արգելք ակումբին գրանցելու նոր ֆուտբոլիստներ 3-ից 12 ամիս ժամկետով:

15. Ակումբի կողմից համերաշխության մեխանիզմի խախտման դեպքում`
 - տուգանք ակումբին մինչև 500 000 դրամի չափով և/կամ
 - արգելք ակումբին գրանցելու նոր ֆուտբոլիստներ 3-ից 12 ամիս ժամկետով:

16. Սույն կանոնակարգի Հավելված 1-ի դրույթների խախտման դեպքում`
 - զգուշացում և/կամ
 - տուգանք մինչև 500 000 դրամի չափով և/կամ
 - տեխնիկական պարտության գրանցում այն խաղի (խաղերի) համար, որին մասնակցել է ֆուտբոլիստը, և որով ակումբը սահմանափակել է նրա մասնակցությունը ազգային հավաքական թիմերում:

17. Ֆուտբոլիստի անձնագրի կորստի դեպքում`
 - տուգանք ակումբին 5000 դրամի չափով:

18. Ֆուտբոլիստի մարզումային փոխհատուցումը վճարելու պարտավորությունը նրա ծնողների և/կամ երրորդ անձանց վրա դնելու դեպքում`
 - տուգանք ակումբին վճարվելիք ենթակա գումարի քառապատիկի չափով:

19. Ֆուտբոլային սուբյեկտների պայմանագրերը, պայմանագրերի փոփոխումը և լուծումը սահմանված ժամկետներում գրանցման չներկայացնելու դեպքում ակումբը տուգանվում է 1000 դրամ յուրաքանչյուր ուշացրած օրվա համար:

Ժամկետանց վճարումներ

1. Ակումբները պարտավոր են կատարել ֆուտբոլիստների և այլ ակումբների հանդեպ ունեցած իրենց ֆինանսական պարտավորությունները` համաձայն այն պայմանների,



որոնք ամրագրված են պրոֆեսիոնալ ֆուտբոլիստների հետ կնքված պայմանագրերում և տրանսֆերային համաձայնագրերում:

2. Առանց ակնհայտ պայմանագրային հիմքի՝ վճարումն ավելի քան 30 օրով ուշացրած յուրաքանչյուր ակումբ ենթարկվում է պատժամիջոցների՝ համաձայն ստորև նշված 4-րդ կետի:
3. Սույն հոդվածի համաձայն՝ ակումբը համարվում է ժամկետանց վճարումներ ունեցող, եթե պարտապանը (ֆուտբոլիստ կամ ակումբ) գրավոր ձևով տեղեկացրել է պարտատեր ակումբին ժամկետանց վճարումներ ունենալու մասին և առնվազն 10 օր վերջնաժամկետ է շնորհել պարտապան ակումբին իր ֆինանսական պարտավորությունները կատարելու համար:
4. ՖԻՖԱ-ի Ֆուտբոլիստների կարգավիճակի կոմիտեն, Վեճերի լուծման պալատը (ՎԼՊ), միանձնյա դատավորը կամ ՎԼՊ դատավորը իրենց իրավասությունների շրջանակներում (տե՛ս ՖԻՖԱ-ի Ֆուտբոլիստների կարգավիճակի և տեղափոխության կանոնակարգի Հոդված 22, 23 և 24-ը) կարող են կիրառել հետևյալ պատժամիջոցները՝

ա) զգուշացում,

բ) նկատողություն,

գ) տույժ,

դ) ազգային կամ միջազգային մակարդակով, մեկ կամ երկու ամբողջական իրար հաջորդող գրանցման ժամանակահատվածներում նոր ֆուտբոլիստներ գրանցելու արգելք:

5. Սույն հոդվածի 4-րդ կետում նշված պատժամիջոցները կարող են կիրառվել միասնական տարբերակով:
6. Կրկնվող խախտումը կդիտարկվի որպես ծանրացուցիչ հանգամանք և կհանգեցնի առավել ծանր պատժամիջոցի կիրառմանը:
7. Պայմանագրային հարաբերությունների միակողմանի խզման դեպքում սույն հոդվածի պայմանները գործում են անկախ հետագա պատժամիջոցների կիրառման անհրաժեշտության՝ համաձայն սույն կանոնակարգի Հոդված 19-ի:
8. Սույն հավելվածով նախատեսված տուգանքները ենթակա են վճարման ՀՖՖ-ի որոշման կայացման պահից 30 օրվա ընթացքում:



ՀՖՖ Ֆուտբոլիստների կարգավիճակի և տեղափոխության կանոնակարգի աշխատանքային խումբ

Վահան Բերակչյան	ՀՖՖ Արտոնագրման բաժնի պետ
Նունե Սարգսյան	ՀՖՖ Արտոնագրման բաժնի մասնագետ և ՏՀՀ պատասխանատու
Խորեն Զարգարյան	ՀՖՖ Մրցումների կազմակերպման և անցկացման բաժնի պետ
Տաթևիկ Ասատրյան	ՀՖՖ Իրավաբանական և ՄՌ բաժնի պետ

ՀԱՅԱՍՏԱՆԻ ՖՈՒՏԲՈՒԼԻ ՖԵԴԵՐԱՅԻԱ
 ԱՐՏՈՆԱԳՐՄԱՆ ԲԱԺԻՆ
 ԽԱՆՁՅԱՆ ՓՈՂՈՑ 27
 ԵՐԵՎԱՆ, 0010, ՀԱՅԱՍՏԱՆ
 Հեռ. +374 10 30 50 50
 Էլ. փոս. LICENSING@FFA.AM
WWW.FFA.AM

